

RUC

Te Jeju Jarĕn Xà Impejti

JÕ KÀHHÔC

Ûhỹ, pê rỳ pĕa mã Pahpãm pjĕ ita wỳr cumã ihkra pyxit peaj ata kujate, pê cõjkwa pĭn wrỳ, ne ita ri, pjĕ ita kam apu ipa, ne haprỳ pê Jeju.

Mã me hũmre te cwat itajĕ te ahna me ihhõc. Ne cute me ihpỳm xà me, ihkà to mõr na me ahna ihhõc. Ne hanea ne cute me cumã ampo to hahkre xà me, cute me hapackre xà me, cute ampo cunea ton atajĕ na, ahna mehhõc. Ne me hìcu xà kam, cute me ihtyc xà me, hacpỹa mã ihtĩr xà me, hacpỹa mã cõjkwa wỳr hàpir xà na me ahna ihhõc par.

Ne cute me cwat te me ahna ihhõc itajĕ japrỳ te, Matew me, Macõ me, Ruc me Jowãw. Ne caku crĕ kam Matew me Jowãw Jeju kõt ame ipa. Ne cute mento jĩa to me Jeju te ampo ton atajĕ cunea na me hõmpun. Ne cute me hapackre xà atajĕ cunea na me kam hapac par, ne ahpỹanre na, me hõ kàhhõc kam, me Jeju te amji kam hapac xà pejti na mehhõc par.

Ne Macõ pê Petrõ pê Jeju kõt ipa catĕjĕ nõ ata jõ ikwỳ nõ. Ne cormã intuwre ita kam, nee cupĕ Jeju kõt ipa catĕ nare cakrõ, ihtỳj ampỳa mã cumã hahkre pej. Mã Petrõ te hõtpĕ catyt kam ihcunea na cumã Jeju jarĕn par, mã cute harĕn par xà atajĕa kõt, cute hõ kàhhõc kam ahna ihhõc par.

Pê mehkĩnte Ruc nee into jĩa to me cuxà Jeju pupun nare cakrô, pê ihtỳj ajco Jeju jahkre pej pejtu catêjê atajê cukij, ne cute me cumã Jeju jarẽn xà kôt, hõ kàhhôc kam ahna ihhôc.

Ne Ruc me Jowãw te hõ kàhhôc kam me Jeju na ihhôc itajê cunea, wa ramã me ite mehĩ jarkwa wỳr ihcunea to me ipintuw partu, cwỳrjapê ca ha gapacta ne atỳj me cahyt pa.

Ne Matew me Macô jõ kàhhôc, wa nee me ite ihcunea to me ipintuw nare. Ampo na? He Matew me Marco te me Jeju jarẽn xà itajê jàhtôa me, Ruc me Jowãw te harẽn xà itajê pipẽn pit, na wa ite nee hipêr to ipintuw nare. Ne quêt ajteare mã cute me harẽn xà atajê, wa ite catyt kam ihkàhhôc ita kam me to ipintuw par. Ne catyt kam Ruc jõ kàhhôc kam me to ipicacwỳr. Ne ihkàhhôc japrypê **Ruc Te Jeju Jarẽn Xà Pejti Jõ Kàhhôc** (Ruc).

Ruc te amji jarẽn xà

¹ Taamã Tejopir, ipê Ruc, pa wa Jeju na amã ihhôc. Pê ampeajkam me hàhtô ne hãn ne Jeju na, ame ampopupu atajêa na mehhôc to me ipa.

² Pê mam cumã kat kam jũmjê itajê ampo cunea pupu, ne ajco mehcunea mã ampo itajê jarẽn to me ipa. Ne cute me imã ampo itajê cunea jarẽn. Na wa ite ampo itajê cunea na amã ihhôc.

³ Ỡhỹ, pahhi Tejopir, wa ite amji mã iprĩa ne ampo itajê to hahkre. Ne ampo itajê ri, cute mam, cumã kat kam, mam me hõmpunxà. Ita cwỳrjapê ri ahna imãa impejti, na wa catyt kam ite ihcunea naamã ihhôc to impejti.

4 Ihhêj ne ramã jũm te amã ampo itajê to hahkre. Na wa ite ita kam ahna amã ihhêc, ca ampo itajêcunea pupu ne hahkre pej pêa ne, nãmri ampeaj kam ri.

Me cumrâr catê pê Jowãw pým xà to hũjahkre xà

5 Ỹhỹ, pê cormã Heroti pê pjê jõ pahhi, Juta jõpjê kam, pê curi Pahpãm mã mehcajrên catêjê nõita japrý pê Xacarij. Pê cupê Apij xwý kwý kwý nõ. Ne hĩxi japrý pê Ixapewkwýj, ne cupê Arãw xwý tàmxwý tàmxwý nõ.

6 Ne pê ajwar catyt kam me ipa, ne mempejti to me amjikampa, Pahpãm cuna mã. Ne ajcõ me Pahpãm jarkwa cunea kampa.

7 Ne pê Ixapewkwýj ita ihkra nare. Ampo na? Pê hahũm ita na ipa, ne ramã ajwar mehwejtu.

8 Mã hamre, Apij xwý kwý jàpên xà jõ amcroa kam hàhhuc, mã Xacarij Pahpãm cunamã apu hàpên to mõi, Pahpãm to amji kam hapac xà jũrkwakam.

9 Mã jũm ita te Xacarij capi, hàr ne cute Pahpãm cuna mã ampo kũmcuxwati ita mã haxàr, mã cute caxàr prãmte. Atato pê Pahpãm mã mehcajrên catêjê kwý hãn ne ame. Mã hamre, ma hàr, Pahpãm to amji kam me hapac xà jũrkwacaxwãm pê.

10 Mã jũmjê atajê jàhtõa ne cute me cuprõn, ne põi pê mexa, ne Pahpãm mã mehcakõc. Mã Xacarij xàr ne xa, ne apu ampo kũmcuxwati ata to capa.

11 Mã ihprôt pê, Pahpãm jarkwa to memprar catêjê nõcôjkwa pïn cator, ne ampo kũm cuxwati tecaxàr xà ata cuna mã awpôc rùm xa.

12 Mã Xacarij te hõmpun, ne ampeaj kam cumã hũpa, ne cupê amji jahkre kêatre, ampo to mõrmõ quê ha ajte.

13 Mã Pahpãm jarkwa to imprar catê cumã:

— Xacarij, nee ca apu icupa nare, ca ate Apãm Cati mã acakôc, mãcute apar. Na quê ha gĩxi mã ihkra xũmre nõ, ca ha me cumã haprý to Jowãw.

14 Quê ha ihpým xà ata kam ca ha gakry, ne amã amjikĩn. Quê ha hanea ne jũmjê hàhtôa ne ame hakry.

15 — Ampo na? Quê ha Pahpãm cuna mã cupê hũmre catia. Quê ha nee ampo te ame to ipipãn xà ata to apu ihkõm nare. Nequê ha ihpým ata caxuw, quê ha Pahpãm Carõ Pejti cumã amji gõ, ne to hipu tu ne, ne to carôt týtj.

16 Ne quê ha Pahpãm wýr, Juta catêjê jàhtôa ne to amji jaxà, quê ha hipêr Pahpãm to me amji japackre.

17 — Ne quê ha Pahpãm Erij xwý cuxà to ihtýtj, quê ha cupê Pahpãm jarkwa to imprar catê, ne ampo to impej pa, Pahpãmkra cator xà jahkà na. Pom pê Pahpãm jarkwa to ihcakôc catê Erij xwý ata mã mam carôt týtji gõ ata cuxà, quê ha cumã hĩ cunea kam carôt týtji gõ. Ne hacpýa mã ajpẽn na me cumẽ, quê ha me hũmjê me, mehkra hacpýa mã me cumã ajpẽn kĩn. Ne mehkrã kên atajê, quê ha hacpýa mã catyt kam me ipa catêjê atajê krã kre te amji jahkre pejti kôt me to impej, quê ha mempej pynã. Ne quê ha hanea ne

Pahpãm na mehkwy mã, quê meamji to impeaj ne, nãmri quê ha cõjkwapĩn, Pahhiti cato ata ri, hãn ne me hõmpu — hane.

¹⁸ Mã Xacarij te Pahpãm jarkwa to imprar catê cukij, ne cumã:

— Pỳhàpà, jũ mã wa ha ajte, ne ate imã harẽn xà ita to amji mã hane? Jũ mãwa ha ajte ne hahkre pej, mõrmõ ajkĩ gũjarẽn xà ita ampeaj kam? Ramã iwej, ne iprõ te hajÿar ne ramã ihwej, nõ na mã ca imã ikra pým na ijarẽ — hajÿr.

¹⁹ Mã Pahpãm jarkwa to imprar catê cumã:

— Pỳhàpà, Ipê Caprer. Wa ijõtpê Pahpãm capi na apu ipa, necutea ri ikujahêc, wa xa ne amã icakôc, ne amã ampo pejti te hajÿr xà ita jarẽ.

²⁰ Ca ate nee ite amã harẽn xà ata na ipar nare, nequê ha ihtÿj hane, amcro ata kam. Ca nee ate ipar nare, incwÿrjapê ca ha apêrkêt, ne ahnaa apa, quê ha ahnaa amã akraihpým — hane. Ne ma tẽ.

²¹ Mã cormã apu ihkên, mã põ pê me xa atajê cormã me xa ne me Xacarij jikaj, ne me amji mã:

— Pỳhàpà, ampo to mã apu, ne apuihkên? — hane.

²² Mã cator, ne ipêrkêt itakam, jũ wÿr quê ihcakôc. Mã ipêrkêt ita kõtcute me Xacarij te irĩat kamPahpãm to me amji kam hapac xà jũrkwa kam, cute ampo pupun ata na me hahkre pejpyrentu, ne jũ wÿr quê amji mã hamã ne ihcakôc, ne cama hũhkra to ame cumã ihhimpej.

²³ Ne Xacarij te hàpên xà jipêj, mã hamre, ne hõ amcro jamre, mã cute amji jaxàr ne ma tẽ.

24 Mã ahna ahtũm nare mã hĩxi mã ihkra ajêt, mãnee põ mã to hapôj nare, ne ahnaa cute amji to putwry to xĩc. Mã Ixapewkwỳj amjijarẽn to hane ne:

25 — Hamre, ramã ijahũm ita na iwej, ne ityc xàa wýrajte ikra. Ne Pahpãm te ri itehcajpar ne imã ikra jõr. Ne hamre, ita caxuw, quê ha hipêr nee jũm imãn nare — hane.

Pahpãm kra pê Jeju pỳm xà to hũjahkre xà

26 Mã cormã Ixapewkwỳj mã ihkra ajêt, ne ramã ahna putwry texêj, mã Pahpãm te hipêr cõjkwa pĩn harkwa to imprar catê pê Caprer kujahêc, mã ma Hĩpôjajo jõ pjê kam, krĩ nõ japry te Naxare jõ krĩata wýr tẽ.

27 Ỡhỹ, pê curia cahãj nõ japry te Marijkwỳj ita ihkrĩ, ne cormãincrecer, ne ramã Joje meajpẽn pa, cume hikwa xà caxuw. Pê Joje pê pahhi Tawi xwýtàmwxwỳ tàmwxwỳ nõ. Mã Pahpãm jarkwa to imprar catê teMarij mã Pahpãm jarkwa par.

28 Ne cõjkwa pĩn hỹrmã to cator ne cumã:

— Hàpà Marij! Gakry! Ampo na? He Pahpãm te apej mã amẽn. Xãmte ihtỳj Pahhiti acahê na apuipa — hane.

29 Mã Marij te ita par, ne hamre, ihkrã pictor tu, neamji mã:

— Pỳhàpà, ampo na mã apu imã hane? — hajỹr.

30 Mã cormã Caprer cumã:

— Nee apu pa nare, Marij. Apyrẽn Pahpãm jakry, na ri cute atoimpejti.

31 Ne quê ha amã akra xũmre gõ, quê ha harij ne amãihpỳm, ca ha cumã hapry to Jeju.

³² Quê ha cupê hũmre catia, quê ha me cumã haprÿkrut gõ, ne me cumã “Pahpãm Catia Kra” hane. Quê haPahpãm acãmter to pahhi, quê ha cupê mam aquêt xwÿ Tawi pè pahhi ata pyràac.

³³ Ne quê ha hõtpê cupê Juta catêjê jõ Pahhiti ita na. Ne cupê Pahhiti rohnÿtti mã, ne nee jũ caxuw cute ihhimpej xà ita cupê hamrenare — hane.

³⁴ Mã Marij Caprer mã:

— Měr jũ mã wa ha ajte? Nãmri wa cormã itÿj apu ipa, ne cormã icunĩ — hane.

³⁵ Mã cumã:

— Pom Pahpãm me hirôa pè cati itaCarõ Pejti quê ha amã axà. Ne carôat kôt, quê ha akra. Ita cwÿrjapê quê haacãmter ita pè Pahpãm kra impeaj, ne ajtea mã, ne impej, ne cupê catyt kam ipa catê.

³⁶ — Měr hõhõ Marij, pom Ixapewkwÿj pè gũkjê wej ita, mehcunea me harê, xwahna hahũm na ipa. Ne ramã ihkra, ne ramã ahna putwrÿ te xêj mã ihkra cumã harij ita.

³⁷ Ampeaj kam Pahpãm mã ampo cunea ton jahkre pej, quêihtÿj me hũmre nare kam jũm cunĩ mã ihkra to — hane.

³⁸ Mã hamre, Marij cumã:

— Ýhÿ, ipê Pahpãm mãijàpên catê. Quê ha Pahpãm ito hane, wa ha ahnaa mã — hane. Mã ma Pahpãm jarkwa to imprar catê tẽ.

Pê Marij Ixapewkwÿj pupu

³⁹ Ita jirô pè mã amcro nõ na, Marij te amji cũmpej, ne mahũjarêan kam tẽ, Juta jõ pjêkam kënti jõ pjê ata wÿr.

40 Ne Xacarij jŭrkwa wŷr cator ne hàr, ne cute Ixapewkwŷjcukij ne cumã:

— Hàpà, hàpà — hajŷr.

41 Mã hamre, Ixapewkwŷj te Marij jŏkre par me ajkaam mã ihtukam ihkra jàhcujrŏn. Mã Pahpãm Carŏ Pejti te Ixapewkwŷj mã amji jŏr, mãcute kŷj cati pëa mã ihcakôc kam ihtëm.

42 Ne Marij mã:

“Ŷhŷ, quë ha pyjê kwŷ cuneaŷirôa pê Pahpãm quët ato impejti ne.

Ne pom akra ita, quë hahanea ne Pahpãm mehkwy jirôa pê quët to impejti ne.

43 Ne akĩnte icrire. Ampo na?

Quët apê ijŏ Pahhiti menxicakrô,
ca ahnaa iwŷr tẽ ne ate ipupun,
ne ampeaj kam apyrên ijakry.

44 Ne ca ate icukij, mã ikra ita hakryte itua kamhàhcujrŏn.

45 Ca ate Pahpãm to amji mã ahimpej, cwŷrjapê quë ha ihtŷj amã to,

pom cute amã amji jarën xà ita na,
ca ha hŷrên gakryti ne” hane.

Marij crer xà

46 Mã Marij te Pahpãm pejti na harën to:

“Ŷhŷ, wa ha ite amji kam ijapacxà cunea to Pahpãm jarë.

Pahpãm ri quët cati ne impej.

47 Ne Pahpãm pê ikên pê ito cator catê,
na ri hŷrên ampeaj kam ijakry.

48 Mã cute ito amji japackre,
ihkĩnte icrire na,

ne ipê cumãijàpên catê wa.
 Ne ita caxuw quê ha mehcunea,
 pjê cuneakam, Pahpâm mã ikîn,
 mã cute ito impej na, me ito awjarê.

49 Pahpâm carôt tỳjti,
 na ri cute imã ampo catia ne ton.
 Ne Pahpâmquêt ajteare mã,
 ne impej.

50 Pahpâm hōtpê me pahcunea caprĩ,
 pom cu ampeaj kam me kampa atajê ri, ihtỳj me
 caprĩ.

Mam me panquêtjê me,
 hapu na mepajĩ itajê me,
 ne quê ha hapua na me pahtàmxwỳ to hanea
 ne cumã mehcuneate kam me hapac atajê caprĩ.

51 Pahpâm te hũhkra to hàpên xà catia ne ton.
 Pahpâm te, cute amji to me cati prãm catêjê atajê
 cunea incràn.
 Cute hirôa pê amji to me cati prãm catêjê atajê
 te
 meamji kam hapac xà mea mã,
 Pahpâm te menchràn.

52 Pahpâm te me hō pahhi carôt catihti atajê
 jũrên partu,
 ne meto ihkryjre.
 Ne amji to me cati prãm nare atajê ri, cute me
 toihkà.

53 Pahpâm te me cupê hamreare atajê me,
 me cumã prãm̃ti atajê mãharte,
 ne me cumã harte kam to incrà tu.
 Ne me hakràj catêjê atajê,

Pahpãm te hũ kam amencràn.

⁵⁴ Ne Pahpãm pê me panquêtjê mã,
mehtehcajpar xà toawjahkre.

Ne hamre, ihtýtj cute me cumã ton,
quê ha ihtýtj Juta catêjêtehcajpa.

⁵⁵ Ne cute Aprãw xwỳ me,
ihtàmwxwỳ tàmwxwỳ caprĩ na amji to amji
japackre,
por pê ramã ahna amji jarẽ ata na" hajýt.

Hõ, Marij te Pahpãm to hũjarẽn to hajýt.

⁵⁶ Ne cute Ixapewkwỳj cahê na amji to putwỳj
to incrêjirô pê ma amji jaxàr, hũrkwa wỳr.

Jowãw pê me cumrãr catê pỳm xà

⁵⁷ Mã hamre, Ixapewkwỳj mã ihkra pỳm xà jõ
amcro kamhàhhuc, mã cumã ihkra pỳm.

⁵⁸ Mã cahê na amehkrĩ catêjê me, me hũkjê
me, cute Pahpãm te Ixapewkwỳj to amji kam
hapac xà impejti na me harẽn par. Mã hamre,
mehcunea ame hakry, Ixapewkwỳj mea mã.

⁵⁹ Mã ihkra xũmre ita na amcro te ôjtô, mã
hamre cute me cumã haprỳ jõr xàa kam hàhhuc,
ne hanea ne cute mempy kà incrire ne me hitep
xàakam hàhhuc. Pê me cupê Juta catêjê incaca
xà ita ajteare mã me cumã. Pê ajco me cumã
ihkra xũmre ajhu, pê ajco me cumã impy kà
jakep, mehcunea te me cupê Juta catêjê na me
hahkre pej prãmte, nãmriajteare mã me. Mã
hamre, me cumã hũm japrỳ pê Xacarij xãm
prãm.

⁶⁰ Mã inxi me cumã:

— Hamreare, hamreare, quê ha haprÿ Jowãw — hane.

⁶¹ Mã me cumã:

— Hamreare, gũkjê nõ japrÿ te Jowãw nare — hane.

⁶² Mã cute hũhkra to hũm cukij, haprÿ jũ ri cumã hõr prãm.

⁶³ Mã Xacarij te ihhóc xà na hàhwÿr, necute kam ihhóc to hajÿr he: “ÿhÿ, haprÿ te Jowãw” hane. Mã hamre, mehcunea krã pictor.

⁶⁴ Me ajkaam mã hacpÿa mã Xacarij teihcakôc kam ihtêm, ne Pahpãm mã ihcakôc, ne cute Pahpãm peajna cumã harên.

⁶⁵ Mã cahê na mehkrĩ catêjê cunea mã ampeaj kampa cati. Mã hamre, apu harên xà ita cahkũm, Juta jõ pjê kam, kënti jõ pjê ata cunea kôt.

⁶⁶ Mã mehcunea te me ita par atajê, ita to pit mã ame amji kampa, ne ahna me amji cukij, ne me amji mã:

— Pÿhàpà, jũ mã mõrmõ quê ha hũmre krare ita ajte? — hajÿr. Ampo na mã ame amji cukij to hane? Pê hirã pê hũmre krare ita kamPahhiti carôt catia na pê.

Pê Xacarij Pahpãm jarkwa kôt harê

⁶⁷ Mã Xacarij pê hũmre krare ata me hũm, hacpÿa mãihcakôc. Ne Pahpãm Carõ Pejti jarkwa kôt cute hacpÿa mã Pahpãm to hũjarên kam ihtêm, ne harên to:

⁶⁸ “Hacme, ne me pajõ Pahhiti to me awjarê,

por Pahliti catihti ne impejtipê me papê Juta
 catêjê Pãm Catihti ata to me awjarê. Ýhỹ,
 Pahlpãm te mepahtehcajpar prãmte cator,
 ne cute pahte me to ihcupan xapê me pahto cator.

⁶⁹ Pê Tawi xwỳ pê Pahlpãm mã hàpên catê,
 mã Pahlpãm teihtàmxwỳ tàmwxwỳ nŏ,
 cute me pahkên pê me pahtohapôj catê na hãm,
 mã ampeaj kam carôt tỳj.

⁷⁰ Ne pê ramã rỳ pêa mã Pahlpãm ita jarê.
 PêPahlpãm jarkwa to me cumã ihcakôc catêjê
 impejti atajê

harkwa na ahna mehhôc pa.

Ne pê Pahlpãm jarkwa na mehhôc catêjêajco ita
 to me hane.

⁷¹ Pê Pahlpãm me pahcurê xwỳn pê me pahto
 cator xà to hane,
 ne me pahcurê xwỳn carôt pê me pahto hapôj
 pa.

⁷² Pê Pahlpãm me panquêtjê mã
 jũ caxuw cute me caprĩ to cator xà ata to
 awjahkre.

Ne me cumã awjarê,
 mãr quê meto amji japackrea rũm me ipa,
 ne nee jũ caxuw me tohapac kêt nare.

⁷³⁻⁷⁴ Pê Pahlpãm me panquêtiti Aprãw xwỳ mã ita
 to awjahkre,

neto awjahkre tu.

Ne ampeaj kam cumã harê,
 quê ha me pahcurê xwỳn têtème pahto pôj pa.
 Cu ha me Pahlpãm mã me apê,
 ne nee ame pahcurê xwỳn cupa nare.

75 Ne cu ha Pahpãm mã me pajàpên catêjê na
ame papa.

Ne catyt kam ame papa,
ne me pancaca xà imeaj to amji kam mepajapac
to me papa,
ne ahnaa Pahpãm krac ri mepajamre.

76 Ýhỹ ikra, hamre,
ca ha jũ caxuw Pahpãm me hirôa pêcatia ita
jarkwa kôt acakôc catê na apa,
ne ca ha tẽ ne me pajô Pahhiti cator xwýjrea na
apucarã pa.

77 Ca ha me Pahpãm krac ri me ipa atajê mã me
awjarẽ,
quê ha Pahpãm nee mam cute ame to kên xà ton
ata to amji japackre nare,
ata kôt quê ha Pahpãm mehkên pê me to pôj pa.

78-79 Me Pahpãm jàhcaprĩ cati, ne cupê me pamã
imej pit toncatê,
cwýrjapê quê ha me pamã hàhcujro gô.
Cu ha me pahte amji kam me pajapac xà impejti
pupu,
ne catyt kam mepapa,
ne me pampej pêa mã mepapa.
Ne me pamã pahtyc cupa itajê,
quê ha Pahpãm me pahpupu ne me pamã incaca
xà gô,
cu ha nee ame pahtyc xà ita cupa nare, necama
me pahcaxwãm pê me pahcarĩcti na me
papa” hane.

80 Mã hamre, Xacarij kra xũmre ita ihkà to mō,
necarôt týj to mō. Ne pê hanea ne cute amji kam

hapac xà cati ne impej to mō. Ne ramã ihkàa kam pêpōti kam me hamreare ata kam ihkrĩ. Necormã Juta catêjê mã amji to ajpê.

2

Jeju pým xà

¹ Caku ata kam, putwrỹ atajê nõ na, pê pjê cunea jō pahhiti japỹ te Xexa Aguxô ita harkwa ta, mehcunea mã, por hō pjê kam krĩatajê cunea kôt, quê mehcunea me amji japỹ nõr pa, ne me amji cahyt, ne me hàhtô na me amji jahkre pej.

² Ne pê mam ramã me amji cahyt, pê Xiren pê Xiri jō pjê to ihhimpej catê ata kam, pê mamme amji cahyt pyxit, ne me hàhtô na me amji jahkre pej.

³ Mã hamre, mehcunea te me amji japỹ nõr partu, ahpÿanre na me hō krĩa kam, menquêtjê ihpÿpým xàa kam.

⁴ Ita cwÿrjapê ri Joje pê Hĩpôjajo jō pjê kam, Naxare jō krĩkam, ihkrĩ catê, na ri ma Juta jō pjê wÿr, Pãw jō krĩ ata wÿr tẽ. Ampo na? Pê curia inquêt xwÿ pê pahhi Tawi xwÿ ihpým, ne cupê ihtãmwxwÿa, na ri ma Pãw jō krĩ wÿrtẽ, hĩxi Marijkwÿj me.

⁵ Ne cute me amji japỹ xir. Ne pê ramã mehikwa na me ajpên pa. Mã ramã Pahpãm CarõPejti to Marij tictu.

⁶ Ne pê cormã Pãw jō krĩ kam ame mör reria mã, ramã cumã ihkrapým xàa kam hàhhuc.

⁷ Ne cumã ihcãmter pým, mã cute cupêhkà toihcpu, ne pĩ po te crat kam ampo jàpàn xà ata kam hir. Ampo na? Ramã mehàhhuc xà

cunea te hipu partu, ita kam, jũ ri quê me ahtwỳ?
Cwỳrjapêri ampo jũrkwa kam me hõt.

Pê carà cahàcre jamār catêjê Jeju pupu

⁸ Mã pjê ata kam, carà cahàcre jamār catêjêhõtpe ame hamār to me ipa. Ne amcro mecaxwa kam, hõtpe ame to ipa. Ne caxwa ri, pjê ata kam, pō pē ame hamār to ame ipa.

⁹ Mã ihprõt pē Pahpām jarkwa to imprar catê cator, cōjkwa pīn. Mã hàhcujro pē Pahhiti jàhcujro impejti ata hàhcujro pyrentu, ne ipu na hàhcujrohti, ne ihpràti. Mã cute me hōmpun ne me cumā hūpaa tohūpa.

¹⁰ Mã Pahpām jarkwa to imprar catê me cumā:

— Nee ame icupa nare.

Wa ite me amājũjarēn pejti to prām to, wa me awỳr icator.

Ne wa ha me amā awjarē, ca ha me ijũjarēn xà ita kôt, caha me gakry, quê ha ampeaj kam mehcunea mã amji kīan to amji kīn, me cati me, mehkryjre me, quê ha mehcunea mã amji kīan to amji kīn.

¹¹ Ỹhỹ, ita kam, caxwa ita kam, me gō Pahhiti pē me akên pême ato hapôj catê pỳm, Tawi xwỳ jō krĩ kam.

Ne cupê, por pē Pahpām meamā to awjahkre ata.

¹² Ne ampeaj kam ca ha ita kam me hōmpu.

Quê ha ahkrare xūmre nō cupêhkà ihcupu, ne ampo jàpàn xà kam nō, ca ha hỹrmāme acato ne me hōmpu, ne me hahkre pej — hane.

13 Mã hamre, ihprôt pê cōjkwa rŭm Pahpãm jarkwa to memprar catêjê jàhtôa nehîpêr me iwryc, ne me hÿrmã me cator. Ne cōjkwa kam mehkri catêjê pê me pajō Pahhiti jarkwa to memprar catêjê itajê te me Pahpãm na mencrerkam mehtêm, ne increar kam me harên to:

14 “Quê ha cōjkwa kam mehcunea jirôa pê Pahpãm pejti ne cati na me harê.
Ne pjê kam, quê ha Pahpãm me to impejatajê, quê ha me caxwãm pê mehcarĩcti ne” hajÿr.

15 Mã hamre, Pahpãm jarkwa to memprar catêjê hacpÿa mã cute me amji jaxàr, ne me hàpir, cōjkwa wÿr. Mã carà cahàcre jamãr catêjê, hakàn pê ame amji mã harê, ne me amji mã:

— Hacme, Pãw jō krĩ wÿr, ne Pahpãm te me pamã ampo jarên xà ita pupu — hane.

16 Ne ma me hÿjarêan kam me pra, ne ame hapê, neJoje me Marij wÿr me cator, ne cute mehkrary pupun, mãampo jàpàn xà kam nō.

17 Mã cute me hōmpun, ne ma me pra ne mehcunea mã, Pahpãmjarkwa to memprar catêjê te me cumã ahkrare jarên xà ata jarên to me mō.

18 Mã hamre, mehcunea te mempar atajê te amji mã me ipikrar, ne me amji mã:

— Pÿhàpà? — hajÿr.

19 Mã Marij apu carà cahàcre jamãr catêjê atajê tecumã ampo jarên xà atajê cunea to apu amji japackre, neto amji japackre ita na.

²⁰ Mã ma carà cahàcre jamãr catêjê te amji-jaxàr, ne ma me Pahpãm pejti, ne catihtti na me harêñ to me mŏ. PomPahpãm jarkwa to imprar catê te me cumã hũjarêñ xàatajêa na, cute me hŏmpun, mã ahnaa. Na ri ame hakry nema Pahpãm pejti na me harêñ to me mŏ.

Pê Jeju mã me haprÿ gŏ

²¹ Mã ramã ihkrare ata na amcro te ôjtô, mã cute mempy kà incire ne me hitep xàa kam hàhhuc, mã cute me cumã haprÿ jŏr, ne me cumã Jeju. Ne haprÿ ita pê Pahpãm jarkwa to imprar catê cormã jêt nare kam, Marij mã harê.

Pê Pahpãm mã me Jeju gŏ

²² Ne ita jirô pê mã ri ahna putwrÿ pyxit, mã cute me ipijacri xà to hamre xà jŏ amcro kam hàhhuc. Mã caxuaw ma Krÿpinkrêñ wÿrme ihkrare ata to me mŏ, Pahpãm to cute me amji kam hapac xà jũrkwa wÿr. Ne me to cator, ne cutePahpãm mã me ihkrare xũmre ata pěr ne me cumã:

— Atea ri me imã me ikra ita jŏr, ne cupê atekjêa — hajÿr.

²³ Ampo na ri cute me to hajÿr? Pê rÿ pêa mã PahpãmMojxe xwÿ kôt Juta catêjê mã harkwa ta, ne me cumã:

“Mam me akra xũmre me hapôjatajê cunea pê itekjê” hane.

Pê Pahpãm jarkwa na mehhôccatêjê me ita pa, ne ahna mehhôc pa.

24 Mã cute me Pahpãm mã me ihkra pěr, ne harkwa kôt me ipijacri xà tome hamre xà caxuw, cute me Pahpãm mã tutti into to me ipijakrut ne me hõr.

25 Ýhỹ, pê Krĩpinkrên kam hũmre japrý te Ximãw ita ihkrĩ. Ne ampeaj kam impej, ne ihtýj ajco Pahpãm kampa, ne to amji mã ihhimpej. Ne ajco Pahpãm te Juta catêjê kêntête me to pøj xà jõ amcro ata jikaj.

26 Mã Pahpãm Carõ Pejti apu Ximãw cahê na mõi, ne pê ramãXimãw mã ihtyc xà nare to awjahkre ne cumã:

— Ca ha xaa, por pê Pahpãm Jutacatêjê mã mehkên pê me to hapøj catê toawjahkre ata pupu, jirõ pê ca ha cormã ty — hane.

27 Ne Pahpãm Carõ Pejti te Ximãw japrõr ne ma to mõi, Pahpãm to me amji kam hapac xà jũrkwa wýr. Mã Joje me Marijhanea ne ma curi me ihkra pê Jeju to me mõi, cute me Pahpãm jarkwakôt me ipijacri xà to me hamre xà wýr, ata wýr.

28 Mã Ximãw te me hõmpun, neihpa kam ihkrare ita pýn, ne Pahpãm mã harên pejti, ne cumã:

29-30 “Hamre, ijõ Pahhiti,
pê ca ito gũjahkre xà ataramã kaam hàhhuc.
Ne pê ca ito gũjahkre xà ata naate ton, wa ite
hõmpun.
Ne atea ca me iwýr me ikên pê meito hapøj catê
ita kujahêc,
wa ite ito jĩa to hõmpun.
Ýhỹ, ipê amã ijàpên catê,
ne hamre, ramã iwej, neicaxwãm pê icarĩcti,

ne gapacta ne ityc na ito tojnõ, wa ty.

³¹⁻³³ Ne ca ate mehcunea kam mare mã
me ikên catia pê me ipytàr catê ita me iwÿr
ihkujahêc.

Na quê ha pjê kam mehcunea mehkri atajê mã
hàhcujro catê na ipa.

Ne quê ha me cumãmempejti to hahkre,

quê ha mehcahkrit atajê,

por me cupê Ixaher catêjê nareatajê mã hanea
ne ato ajpê,

mãr quê me hanea ne me gahkre pej.

Ne quê ha hanea ne me akwÿ pê Juta catêjê
pêIxaher catêjê mã impejti ne.

Quê ha mehcunea me akwÿ jarênpejti to me
harê" hajÿr.

Mã inxi me hũm te Ximãw te ihkra toihcakôc
xà ata na mempar, ne to amji mã me ipikrar.

³⁴ Mã Ximãw te mehcajrên, ne Marij pê Jeju
menxi mã:

— Pahpãm te akrare incirre ita capi.

Ne quê ha akra ita Jutacatêjê jõ pjê kam me
hàhtôa to hõkre nõ, ne me to hamre, ne
hanea ne me hàhtôa kwÿ to ihkà, ne me to
impejti ne, ne mamehkên pê me to hapôj.

Ne Pahpãm te ri akra ita kujahêc, mãr quê me
cumãPahpãm cawpa.

Ne quê ha me hàhtôa ne ahna amehcakôc kên,
ne ame curê.

³⁵ Ita kôt quê ha me hàhtôa mã cute amji kam
hapac xà pê.

Pom amji caxwãm pê cute me amji kam hapac xà to me ipimxur to ipa prãm̃ti atajê to, quê ha mehkwỹ mã ajpê.

Ne ca, quêha amã apēc xà catia to cati, ne ajkam gapac xà hyre nare.

Quê haamã hà pê ihhêj rŭm wapo xwahhihti te ana cuhkŏnre jitep, ne hà.

Hŏhŏ, ita na quê ha ana cuhkŏnre kam amã hà — hajŷr.

³⁶⁻³⁷ Ŷhŷ, pê hanea ne curi cahãj wejti japỹ te Anakwỹj ita apuipa. Ne Pahpãm to me amji kam hapac xà jŷrkwa kam apuipa. Ne cupê Paner xwỹ kra, ne cupê menquêtti Axer xwỹtãmxỹ tãmxỹ nŏ. Pê hikwa tuw ne ahna caku xet, pêcupê impjên ihhi. Hamre, pê apu increcer ipa, necormã ahnaa apu ipa, pê ramã ahna caku ôjtênta ne ihkôt cute cwat, ne ramã ihwejtu. Ne pêcupê Pahpãm jarkwa to me cumã ihcakôc catê, ne rỹ jŷ caxuw Pahpãm to me amji kam hapac xà jŷrkwa pê cator nare. Ne amcrome, caxwa me, pyt cunea kam ipijacri to ipa. Ne ajco ipijacri kam, Pahpãm to amjikampa ne cumã ihcakôc to ipa.

³⁸ Mã Ximãw cormã apu Marij mã ihcakôac kam, mã me hŷrmã Anakwỹj ata cator, ne cute mehkra ata pupun, ne Pahpãmmã hŷrên hakryti na amji jarên pyrentu. Ne ihtŷj cute, por Krŷpinkrên kam mehkrŷne me Pahpãm te mehkên tête me to pŏjcatê to me cumã hŷjahkre, mã me hikaj atajê mã, harên kam ihtêm.

Pê Naxare jō krī wỳr me amji jaxà

³⁹ Mā hamre, Joje me Marij te me Pahpām te amji kam hapac xà cunea tonpartu, ne ma ihkra me, cute me hūrkwā wỳr meamji jaxàr, Hīpôjajo jō pjê wỳr, Naxare jō krī kam.

⁴⁰ Mā ihkra ita ihkà to mō, ne carôt tỳj to mō. Ne ampeaj kamcute amji jahkre pej cati. Mā Pahpām te to impejti.

Pê Hūm Cati jūrkwā kam Jeju ahtwỳ

⁴¹ Ỡhỹ, pê caku cunea kam Jeju hūm me inxi ajcoKrīpinkrên wỳr me ipa, me Hakren xà jō amjikīn wỳr. Ne me hō amji kīn ita pê, por pê Pahpām Ejit jō pjê pēmam menquêtjê to cato ata.

⁴² Mā hamre, ramā Jeju na caku te tôxi, mā hanea nemehkôt amji kīn ata wỳr mō, ne cator.

⁴³ Ne ramā amji kīn jamre jirô pê, cute meamji jaxàr, me hūrkwā wỳr. Mā xāmte aracri Krīpinkrênkam Jeju jàhhuc. Mā nee hūm me inxi te hàhhuc xà ita na me hahkre pej nare.

⁴⁴ Ne ihtỳj me hàhtôti atajê kôt cute amji jaxàr naamehcāmjĩ. Ne ihtỳj cute me mōr to pyt, ne cormā ne, nee mehapên nare, ne ma me hũkjê me, mehō ihkwỳ nō catêjê kôt ame hapê.

⁴⁵ Ne nee cute me cumā cator nare, na ri ma cute me amjijaxàr, Krīpinkrên wỳr, cute curi me hapên prāmte.

⁴⁶ Ne me ahna amcro incrê jirô pê mā ri cute me Jeju cajpar, Pahpām to me amji kam hapac xà jūrkwā kam. Mā Jejuihtỳj me cumā ampo to hahkre catêjê jipôc ri jỹ, neame kampa, ne amehcukij.

47 Mã mehcunea te Jeju te amji jahkre pejti to me cumã ihcakôc atajê to amji mã me ipikrar.

48 Mã inxi me hũm te me hõmpun, mã inxi cumã:

— Ikra, ampo na mã ate me itohajÿr? Ate me ijigêc hyr, na wa apãm me apu gapên tomõ — hajÿr.

49 Mã Jeju me cumã:

— Ampo na mã ca ame ijapê? Pomwa ita ri Inxũ Cati to me amji kam hapac xà jũrkwa kam jÿ, ne hàpên xà to apu cumã apê ita? — hane.

50 Mã nee hũm me inxi te me hũjarên xà ita kam hapac, ne kam me amji jahkre pej nare, ne mecupê hahkre kêatre.

51 Mã ma Jeju te mehkôt amji jaxàr, Naxare jõ krĩ wÿr. Ne pê ihtÿj ajco hũm me inxi kampa. Na pê inxiihtÿj ampo itajê cunea to amji japackre to ipa.

52 Pê Jeju hĩ to ipicamên to mõ, ne ajco ihkà to mõ, ne hanea ne ihkrã kre te amji jahkre pej to amji kà to mõ. Ne pê mehcunea mã ihkĩn, ne hanea ne cõjkwa kam Pahpãm jÿ ita mã ihkĩn.

3

Pê Jowãw pê mehcumrãr catê awjarê

1 Ýhÿ, caku jàhtõa jirõ pê, pê Tiperij ata pê Roman catêjê jõ pahhiti, ne pê ramã ahna caku quĩxi, pê hanea neJuta jõ pjê kam Pirat pê pahhi. Pê hanea neHĩpõjajo jõ pjê kam Heroti pê pahhi. Pê hanea neHeroti tõ pê Pirip pê Iturij jõ pjê me Taconiti jõ pjê kam pahhi, ne Rixin pê Apirên jõ pjê jõ pahhi.

² Pê hanea ne Anati me Cajpa pê me Pahpãm mã cutemehcajrën catêjê kwÿ jõ pahhi.

³ Ỡhỹ, pê cormã Jowãw pê Xacarij kra ata, ahkêt kam ihkrĩ, põtĩ kam me hamreare ata ri. Pê amcro atana, Pahpãm Jowãw mã harkwa ta, quê Cõpijapjêr jõ cô kôt cute me ihcajpar atajêmã harkwa jarê. Pê Pahpãm jarkwa kôt harên to hane he, ne me cumã:

— Me akên mã hikra, ne amji tête me ate amji kam me gapac xà kên jūrê, wa ha ahna cute me gahkre pej xà na cô kam me acumrã, quê ha Pahpãm me akênto hapac kêt, ne to tojnõ ne me amã to imej — hane.

⁴⁻⁵ Ne pê hanea ne Jowãw me cumã Ixaj xwÿ pê Pahpãm jarkwa na ihcakôc catê ata jõ kàhhôc cahyt. Ne me cumã cahyt to hane he:

“Ỡhỹ, põtĩ kam me hamreare ata ri jũm apu caràr to mõi, ne apu hũjarên to hane he:

‘Pom ca me pry kên to imej prãm
ne atÿj me hituw cunea to me hipu pa,
ne me hakôtcunea pên pa,
ne pry jikôtti atajê,
ca ha hanea ne me to ihcuhtac pa,
ne pry kên kam kre atajê,
ca ha me to imej ne me to increcrer pa.

Ita jĩkjê na,
ca ha me ate amji kam me gapac xà kên to mempej,
ne intête me ampo kên cunea to pøj pa.

⁶ Quê ha mehcunea Pahpãm te me akên pême ato hapôj xà ita na,

me gahkre pej' " hane.

7-8 Mā hamre, me hàhtôa ne cute me Jowāw cajpar, cute cô kam mehcumrār prāmte. Ne cute mehcunea māharēn to hajjyr he:

— Ÿhỹ, me apê cagã kên kra kwÿpyràac! Mā ihhêj ne jũm te me amã ite cô kam meacumrār xà na ijarēn. Wa xwahna ite me acumrār xà ita kôt, ca ha xwahna Pahpãm te ameato kên xà ata pê me acato. Hamreare, cute ahna hajjyr xà nare! Ca ha xa me akên ton jicu, jirô pê mã wa ha cormã cô kam meacumrã. Ne me apê pĩxô pàr kam hô impej nare ata pyràac, ne ca ha xaa me amjikampa, ne me apej wÿr me apkjê, ne me kam mare mã me akên jicu, ne atÿj me akên pê me acato. Hõhõ, quêt cute hajjyr. Ne nee ca me amji mã: “Aprãw pê me panquëtti, incwÿrjapê ri hũne mã me papê Pahpãm na mehwÿ, ne jũ wÿr quê Pahpãm mehwÿa nõ to kên” hajjyrnare. Ampeaj kam wa me amã awjarê. Nãmri nee Pahpãm me ana prãm nare, he quê te me apê Aprãw tàmwxwÿ tàmwxwÿ cakrô, quëihtÿj ame ato kèanre ne. Quê Pahpãm Aprãw tàmwxwÿtàmwxwÿ na prãm na mã, quê ha ramã kên apu krĩ itajênõa to Aprãw tàmwxwÿ na mehwÿ. Cwÿrjapê ca nee me amji mã hajjyr nare.

9 — Ÿhỹ, he me apê pĩxô xÿhti atajê pàr pyràac. Co he! He ramã ihhêj ne wakÿte harê jakep xà ata na hàhtêp. Ne pĩxô pàrkèanre atajê cunea kam hô impej nare atajê, quê hahitep ne cuhy kam me haxwÿ — hane.

10 Mã cute me Jowāw cukij, ne me cumã:

— Měr hōhō, ampo to wa ha ajte me? — hajỹr.

11 Mã Jowāw me cumã:

— Me anō mã hitô kà pijakrut ata, ca ha jũm pê hamreare ata mã ihnō. Ne hanea ne me anōmã gō ata, ca ha me cupê hamreare atajê mã toajcokjê — hane.

12 Mã hanea ne pahhi mã me hũhkra kam me hãmchwyratêjê cator, ne cute me Jowāw cukij, ne me cumã:

— Hãpà, me to ihhimpej catê, ne me pa, ampo to wa ha me? — hajỹr.

13 Mã Jowāw me cumã:

— Ca ha nee gō pahhi jarkwajirôa pê me hũhkra kam me gãmchwyr nare — hane.

14 Mã hanea ne krãhtare kwỳ cator, ne cute mehcukij, ne me cumã:

— Ne me pa, ampo to wa ha me? — hajỹr. Mã Jowāw me cumã:

— Hã, ca ha me hane he, ca ha nee megaprêa kam me cupê ihpore to pōj nare. Ne nee ca hamehcukij catê cuna mã jũm to ame ahêj nare. Ne ca hame gãmchwyr xà ata pyrên me gakry — hane.

Pê Jowāw nee cupê Mexij na me cumã amji jarên nare

15 Mã mehcunea ramã me Pahpãm te jũm catihti impejti ata kujahêc prãm ata jikaj, na ri ihtjy ame Jowāw cãmjĩ, ne me amji mã:

— Pỳhàpà, cõt mã pê Jowāw ita to Pahpãm awjahkre? — hane.

16 Mã Jowãw mehcunea mã amji jarẽ ne me cumã:

— Hamreare, quẽ ha cormã jũm ita cato, ne jũm ata riijirõa pê cati, ne ihkĩnte icrire. Jũ wỳr wa icrire ita kam cupẽ hõparkà to põj. Ỡhỹ, wa ha cõ cacrõ to meacumrã, quẽ ha cormã jũm catihti cato ata, quẽ ha quêtacormã Pahpãm Carõ Pejti me, cuhy kam me acumrã.

17 Co he, nãmri me apẽ arỳjhy pyrãac. Na quẽ ha ihtỳj ajpẽn pê me ato haprã. He ihhẽj ne ramã hũhkrakam cumã crat cute kam arỳjhy ata carêr xà caxuw. Quẽ ha kam ihcarê, ne ihhy caxwỳn to cuprõ, ne huwahi, ne ihkrekà to cuprõ ne cuhy kam haxwỳ, quẽ ha to capa. Ne cuhy te to caxàr xà ata, quẽ ha jũcaxuw ihtyc nare. Ne quẽ ha ihtỳj me ato hane — hane.

18 Hõhõ, pê Jowãw hane, ne ajco me hapackre ne me cumã awjarẽ. Ne me cumã hũjarẽn xà itajẽ jàhtõa to hàhtõ, pê ajco me cumã harẽ. Ne ajco me cumãmehkẽn pê me hapõj xà to hahkre.

Pẽ Heroti Jowãw pro

19 Ỡhỹ, pê hanea ne Jowãw pjẽ jõ pahhi pê Heroti ita mãn kẽanre. Ampo na? Pẽ Heroti ihkẽn ton to hàhtõa, ne ihtõ pê hĩxi capa, ne cume hikwa, cwỳrjapẽ pê Jowãw cumãn to kẽanre.

20 Pẽ hamre ita cwỳrjapẽ Heroti mam cute to kẽn xà ata jirõa pê to kẽn, ne Jowãw na harkwa ta, pê me Jowãw pro, ne mehacjẽn xà mã me haxà.

Pẽ Jowãw Jeju cumrã

²¹ Ỡhỹ, cormã cute me Jowãw jaxàr nare kam ri mehcunea mã awjarẽ, ne cô kam me cumrã. Mã hanea ne Jeju hỹrmácator, mã Jowãw te cô kam ihcumrãr. Mã cute ihcumrãr xà ata ri xa, ne Pahpãm mã ihcakôc.

²² Mã hamre, côjkwa te amji jihê mën, mã Pahpãm Carõ Pejti te tuttina amji ton, ne cupê tuttia pyrác, ne ajpên ahpar mã tẽ, ne Jeju na hãm. Mã hamre, côjkwa rûm Pahpãm Jeju mã ihcakôc, ne cumã cupê Hũm Cati na amji jarên to:

— Ỡhỹ, apê ikraa to ikra, ne apê ikra impeaj to impej ata, ne imãakĩnti, ne apyrên ijakryti — hane.

Jeju quêtjê japyrỳ

²³ Ỡhỹ, pê ramã Jeju na caku trĩnta pê hàpên xà kam to tẽ, ne Joje kôt Jeju mã menquêtjê japyrỳ te hajỹr he, ne ahpyãanre na mehkra itajê japyrỳpartu. Pê mehcunea ihtỳj Jeju pê Joje kra na amehcãmjĩ. Ỡhỹ, pê Joje pê Eri kra,

²⁴ ne Eri pê Matat kra, pê Rewi kra, pê pahhi Merqui kra, pê Jana kra, pê Joje kra,

²⁵ pê Matatij kra, pê Amoti kra, pê Nahũm kra, pê Eti kra, pê Naca kra,

²⁶ pê Mate kra, pê Matatij kra, pê Xemi kra, pê Jojekra, pê Juta kra,

²⁷ pê Jowanakwỳj kra, pê Rexa kra, pê Xoropapew kra, pêXarati kra, pê Neri kra,

²⁸ pê Pahhi Merqui kra, pê Ati kra, pê Coxam kra, pê Ermatãwkra, pê Er kra,

²⁹ pê Jojuw kra, pê Erixê kra, pê Jorim kra, pê Matatkra, pê Rewi kra,

³⁰ pê Ximãw kra, pê Juta kra, pê Joje kra, pê Jonãkra, pê Eriquim kra,

³¹ pê Merej kra, pê Mena kra, pê Matat kra, pê Natã kra, pê Tawi kra,

³² pê Jexê kra, pê Opet kra, pê Powa kra, pê Xara kra, pê Naxon kra,

³³ pê Aminati kra, pê Atmin kra, pê Arni kra, pê Exomkra, pê Pere kra, pê Juta kra,

³⁴ pê Jaco kra, pê Ixac kra, pê Aprãw kra, pê Tera kra, pê Naco kra,

³⁵ pê Xeruque kra, pê Racaw kra, pê Parec kra, pê Epewkra, pê Xara kra,

³⁶ pê Cana kra, pê Arpaxat kra, pê Xēm kra, pê Nowekra, pê Ramec kra,

³⁷ pê Matuxarem kra, pê Enoc kra, pê Jaret kra, pê Marer kra, pê Cana kra,

³⁸ pê Enotti kra, pê Xet kra, pê Atãw kra, pê Pahpãmkra. Hõhõ, Joje quêtjê itajê pê me haprÿ itajê hane.

4

Pê me pajõxwÿn pê Xatanaj Jeju cajpẽ

¹ Mã hamre, Pahpãm Carõ Pejti te Jeju mã amji jõr, neto ihhimpej, mã ma cute Cõpijapjêr jõ cô pĩn amji jaxàr, ne põ kamme hamreare ata wÿr mõ. Ne Pahpãm Carõ Pejti pê põ mã Jejuto mõ, Xatanaj te ihcajpêr prãmte.

² Ne pom Xatanaj pê me pahcurê xwÿn ita pê Jeju to kên prãm. Mã ramã Jeju te hàpàn nare na amji to amcro to cwarẽnta, jirõ pêmã ramã cumã prãam to prãm.

³ Mǎ hǎrmǎ me pahcurê xwỳn cator, ne cute capi. Ne cute Jeju kên mǎ mên prǎmte cumǎ:

— Quê ha ampeaj kam apê cōjkwa kam Apǎm Cati ihkrī ita kra na, ca ha atỳj kên itajê mǎ, quê amǎ pǎw na amji to, ca ha krê — hajỹr.

⁴ Mǎ Jeju cumǎ:

— Jũ wỳr wa akampa ne ita to hane. Ampo na? Inxũ Cati jarkwa na, hũ kàhhôc kamharên te hajỹr he:

“Ỹhỹ, ca ha atỳj me apà,
ne nee megõ to pit mǎ me amji japackre nare.
Jũ wỳr quê jũm hũ pit to amji to ajpa” hajỹr.

Hũ, cute harên to hajỹr, cwỳrjapê wa ha neeakôt amji kam ijapac nare — hane.

⁵ Mǎ me pahcurê xwỳn te Jeju japrôr, ne ma kên kàhti ata na to hàpir. Ne cute cumǎ pjê cunea kam, krī cunea jahkre, ne cumǎ:

⁶ — Pjê itajê cunea itekjê pit, ne wa itỳj jũmmǎ cugõ. Na ca ha xa icunamǎ akôn krǎ na jỹ ne ipejti na ijarê, wa ha amǎ ampo pejtiitajê cunea gõ.

⁷ Ca ha ate ito hajỹr na, wa ha amǎ pjê ita kam krīitajê cunea jahkre, ca ha ihcunea to ahimpej to apa, quê ha cupê atekjêa — hajỹr.

⁸ Mǎ Jeju Xatanaj mǎ:

— Jũ wỳr wa ha ato hane. Ampo na? Inxũ Cati jarkwa jô kàhhôc kam harên te hajỹr he:

“Ca ha apu Pahpǎm pit kīn,
ne amji mǎ taa pit cupa,
ne impejti na me harê,

neto pit mã me amji kampa,
ne cumã me apê” hajÿr.

Hõ, cute harënto hajÿr, cwÿrjapê wa ha nee akôt
amji kam ijapac nare — hane.

⁹ Jirô pê mã ri me pahcurê xwÿn te Jeju japrôr
ne maKrîpinkrên wÿr to mõi, ne me kam mare
mã, kÿaj pê Pahpãm to meamji kam hapac xà
jÿrkwa cwÿrpê hãm, ne cumã:

— Krãa caxi, quê ha ampeaj kam apê cõjkwa
kam Apãm Cati ata krana, ca ha ita ri ahpar mã
amũ amji to awcapê, ne neeatyc nare.

¹⁰⁻¹¹ Ampo na? Apãm Cati jarkwa jõ kàhhôc
kam, cute ihkra jarên tohajÿr he:

“Quê ha cõjkwa kam ijarkwa to memprar catêjê
ikra jamãrto mõi,
ne ma me hũhkra to ihpÿm cupate me to huphê
to ipa,
mãr quênee kën nõ ihpar tõi nare” — hane.

¹² Mã Jeju cumã:

— Jũ wÿr wa ha hane. Ampo na? Inxũ Cati
jarkwa jõ kàhhôc kam harên te hajÿr he:

“Ca ha neegõ Pahhiti cajpër nare,
ne nee Apãm Cati capi nare” hajÿr.

Hõ, cutharên to hajÿr, cwÿrjapê wa ha nee akôt
amji kam ijapac nare — hane.

¹³ Pê me pahcurê xwÿn pê Xatanaj tee apu Jeju
to hahkre, ne apu ihcajpër pajirô pê mã, ma cure
ne tõi, ne quê ha ihtÿj jũ caxuw hipêr capi.

Pê Jeju hàpên xà kam to tē

14 Pê Pahpām Carō Pejti Hīpōjajo jō pjê wýr hacpýa mã Jeju toamji jaxà. Pê Jeju jarēn pjê ita cunea kôt apu ihcahkūm.

15 Pê Juta catêjê te cuprōn xà jūrkwā kam ajco me cumā ampoto hahkre. Pê mehcunea ajpēn mã me Jeju jarēn to:

— Ampeaj kam Jeju te amji kam hapac xà ita pej — hane.

Pê Jeju Naxare jō krī kam apu mō

16 Pê Jeju ma Naxare jō krī wýr mō, por pê curi ihkà atari. Ne mehkôt xà jō amcro kam, ma Juta catêjê te cuprōn xà jūrkwā wýr mō. Ampo na? Pê ramā ita ton to amji pyrācna pê mō, ne axà ne jý. Ne cute Pahpām jarkwā jō kàhhôccahyt prānte hām.

17 Mã cute me cumā, por Pahpām jarkwā to ihcakôc catê atapê Ixaj xwý jō kàhhôc jōr. Mã cute ihkàhhôc ita capô, ne porkam ihhôt te hajýr ata mã cator ne me cumā cahyt to:

18 “Ýhý, Pahpām Carō Pejti icahê na ipa,
ne cute icapi,

mār wa me cupê hamreare atajêcunea mã
Pahpām jūjarēn xà impejti itajê jarē.

Ne me hacjên xà kam mehkrī atajê japôj,
quê ha amjiakôt pō pê ame ipa.

Ne mento tūm atajê mã mento to impej, quê
merīt.

Ne mehkwyā te ame to kēanre atajê tehcajpa,
quê cute ame to kēn itajê pê me cato.

19 Wa ha itỳj me cumã ijũjarẽn xà impejti itajê toawjarẽ.

Ampo na?

He caku ita kam quê ha mepajŏ Pahhiti mehkwỹ tehcajpa” hane.

20 Ne Jeju te cahyt jicu, ne hacpỹa mã ihkàhhôc itakrã ne hacpỹa ne hamãr catê mã hõr, ne hỹr. Mãcuprõn xà kam me jỹ atajê cunea ampeaj kam me Jeju pupu.

21 Mã Jeju te me cumã harẽn kam ihtêm, ne harẽn to:

— Ýhỹ, me ikampa. Pom ite ita kam ihkàhhôc cahyt ita, Pahpãm te ita kam amji jarkwa kôt ton — hajỹr.

22 Mã mehcunea te amji mã me ipikrar ne me amji mã:

— Pỳhàpà, ampeaj kam hũjarẽn xà ita pej, ne Jeju pê hũmreimpej. He cupê Joje kra cakrô, ahnaa hũjarẽnxà itajê impej — hajỹr.

23 Mã Jeju me cumã:

— Mõrmõ ca me imã: “Por hà caprãr catê ata ihtỳj mehcunea caprã, ne quê ha jũ caxuw hà, quê ha ihtỳj hanea ne taa amji caprã. Ata cuxà ca ha ita ri, gõ pjêa kam me akwỳ mã ampo pihhoti to, quê mehõmpu. Por ate amji jahkre pejti kôt ramã Capernam jŏ krĩ kam ampo ton, wa ite ahna me garẽn par, ata cuxà” hane. Hõhõ, mõrmõ ca me imã garkwa to hane.

24 — Ne ampeaj kam wa ha me acunea mã amji jarẽ. He ihtỳj pjê cunea kam Pahpãmjarkwa to mehcakôc catêjê na me amji to pŏj, mã ajte

mehkĩnte, hõ krĩa kam mehkwyà mã nee ahna me amji caxàr prãm nare.

²⁵⁻²⁶ Me ikam gapac to impeaj ne he. Ampeaj kam pê Erij jō amcro ata kam, Juta jōpjê kam me cahāj pijapit wej atajê me hàhtô. Pê hanea ne nee ta iwryc nare to caku to incrê ne ihkôt hĩkjê jirô pê mã, pêpjê ata kam prãm catia cato. Pê nee Pahpãm mēpijapit wej cunea tehcajpar na Erij mēn nare. Ne por pê Xarep jō krĩ me, Teppro jō krĩ kam ihkrĩata, pyxit peaj ne ihtehcajpar na Pahpãm cumē.

²⁷ Ne pê hanea ne Erixêw xwỳ jō amcro kam, Juta jō pjê kam, mehkà xêtti atajê jàhtôa ne ame ipa. Pê Erixêw neemehkwỳ cunea caprâr nare. Pê hũmre nō japyr te Namã xwỳ ata pyxit peaj ne ihkà xêtti, ne Xiri jō pjê catêjê ata rũm cato. Pê Erixêwpyxit peaj ne caprã, pê impej. Ata cuxà wa ha nee ita ri, ijō krĩa kam ampo pej catia ton nare — hane.

²⁸ Mã cute me cuprõn xà kam me jỹ atajê cunea te Jeju cakôc xàna mempar, ne ame kam incryc.

²⁹⁻³⁰ Ne me hãm, ne cute me Jeju pro, ne pō mã mecupjê. Ne krĩ pê, pō mã me to cator, ne krĩ cahê na hàpkàjti atawyr me cupjê, cute ahna me mēn, mã ihpým ne ihtyc prãmte. Mã me hàhtôa jipôc ri me hũhkra pécator, ne ma jũ kam tē.

Pê hũmre nō kam me pahcurê xwỳn carõ

³¹ Mã ma Jeju Hĩpôjajo jōpjê ata kam, Caper-nam jō krĩ ata wỳr mō, ne cator ne ame cumã ampo to hahkre, mehkôt xà jō amcro kam.

³² Ne ampo to hahkre xà impejti to me cumã hahkre. Mã mehcunea teJeju catia to cati na

me to amji mã me ipikrar. Ne pê Jeju carôt tỳj, nePahhiti jarkwa kôt ipa, ne harkwa kôt ihcakôc.

³³ Mã cute me cuprôn xà ata kam, hũmre nõ ata kam, me pahcurê xwỳn carõ kên nõ hĩ mã axà, ne caxwãm pê ihkrĩ, na pê cupê to ipijapar catê.

³⁴ Mã caràr, ne Jeju mã:

— Pỳhàpà, Jeju pêNaxare jõ krĩ kra ita, ampo wỳr mã ca ita ri mỗ? Ampo to mã ca ha ita riapu? Côt mãca ita ri me ijipej prãmte mỗ? Wa ite ramãapê cõjkwa kam Apãm Cati kra, ne acati, ne apekti, mã Apãm Cati terĩn wỳr akujahêc na, gahkre pej — hane.

³⁵ Mã Jeju cumã:

— Měr kêt! Ne hũmre ita pêacato! — hane. Mã me kam mare mã me pahcurê xwỳn carõkên ata te hũmre ita mễn, mã pjê kam ihpỳm. Ne hamre, me pahcurê xwỳn carõ kên nõ ata te hũmre ata jaxôp nare kam cupêcator. Mã hũmre ata pej pyrentu.

³⁶ Hamre, mã mehcunea te amji mã me ipikrar, ne me amji mã:

— Pỳhàpà, Jeju te amji jahkre peaj to amji jahkre pej, cama ihcakôc, mã hũmre ita pej pyrentu. Mõrmỗ hũmre ita carôt catia to cati, ne ihtỳj cama hãn neihcakôc, mã me pahcurê xwỳn carõ kên itahapôj pyrentu — hajỳr.

³⁷ Ne Jeju jarẽn ita pjê cunea kam apu ipicràn.

Pê Jeju me hàhtôa caprã

³⁸ Mã Jeju ma cute me cuprôn xà pê cator, ne hũmre nõ japrỳ teXimãw ata jũrkwa wỳr mỗ, mã

hũpãn cacroa to cacro. Mã cute Jeju mã harẽn, ne me ahna hàhwỳr quê cahãj ita caprã.

³⁹ Mã Jeju hỹrmã mỗ, ne hikwa xà ata jĩkjê rũm xa, necute cacro ita mã harkwa cator ne cumã:

— Cahãj ita pê acator pyrentu! — hajỹr. Mãcacro ita cupê cator pyrentu, mã cahãj ita xãm, necute me cumã harte kam ihtêm pyrentu.

⁴⁰ Ne ramã pyt xàr xàa kam, cute Hũm Cati carôt kôt hàpên xà pihho ton. Mã mehcunea Jeju wỳrme hà cunea na me to pra. Mã cute mehcunea na hũ xir, ne mehcuneacaprãr.

⁴¹ Mã me pahcurê xwỳn carõ kên me hàhtôa pĩnhapôj, ne hãn ne me cupê hapôj xàa kam mã me caràr to:

— Apê cõjkwa kam Apãm pejti kra — hane. Pê me pahcurê xwỳn carõ mã Jeju pê Pahpãm krana hahkre pej. Ne cumã Jeju pê Crixtô, por pê Pahpãm me cumã hũmre to awjahkre ata na hahkre pej. Cwỳrjapê ri Jeju te mehcakôc tète me cumã harkwa hyr, quê nee me to ihcakôc nare.

Pê Jeju me cumã Hũm Cati jarkwa jarẽ

⁴² Mã apẽ, mã ma Jeju krĩ pê cator, nepõ kam me hamreare ata wỳr tẽ. Mã cute me huwahi prãmte, me hapên kamihtêm, ne cute me cumã cator. Ne ma ame huwahi, quê nee jũ kam ihtêm nare, ne curia ame cahê na ipa.

⁴³ Mã Jeju me cumã:

— Wa ha hanea ne krĩ nõ kam, Pahpãm te ampo cunea to ihhimpej xà na harẽn xà impejti to harẽn to mỗ. Ne wa ite mehcunea mã ita jarẽn to ipa xà caxuw ri cute ikujahêc — hane.

44 Ne hũjarën xà ita kôt, cute Juta jõ pjê kam, cute me cuprõn xà cunea kam, me cumã Pahpãm jarën pejti jarën par.

5

Pê Jeju ihkôt me ipa catêjê capi

¹ Ýhỹ, pê amcro nõ na Jeju Hĩpôjajo tohkà na xa, ne ampo to amecumã hahkre. Pê me hàhtôa ne ahna me cuprõn tu, ne me hĩ to ajpën wỳr mehkujahêc to me mõi, cute me Pahpãm jarkwa par prãmte.

² Pê Jeju pàr kre pijakrut caprỳ pupu, pê cô tohkà na ajêt. Pê ramã tep pro catêjê cupê me cato ne jũ ita ri ame hõ kryhti cuhhõn to mehcuhwỳr.

³ Mã Jeju te Ximãw jõ pàr kre pupun ne cumã hàr, ne cute ahna hàhwỳr, quê pàr kre to ipicamên crire ne, cô tohkà pê. Mã to ipicamên. Mã pàr kre kam hỹr, ne cute me hàhtôtiatajê mã ampo to hahkre kam ihtêm.

⁴ Ne cute ampo to me cumã hahkre partu, ne cute ihcakôc to ihhi, ne Ximãw mã:

— Ca ha côhtu wỳr me akwỳ me, meto pàr kre cakrỳ ne cô kam me gõ kryhti mẽ, ate me to tep nõ pro xà caxuw — hajỹr.

⁵ Mã Ximãw cumã:

— Pahhi, itakam, caxwa ita kam, ite me ijàpêan to me apê, ne nee ite me to tep ita nõihpro nare. Wa ha pijamã amcroa kam me to tep ita nõ mẽ? Wỳr wa ha me ihnõ mẽ! Cakrô ca ha caa meikujate, wa ha itỳj me mõi, ne mũhũràn me ijõ kryhtimẽ — hane.

⁶ Ne cute harkwa kô̄t me ampo na mên xà atajê ton to hajÿr, ne me to tep jàhtôa nakryhti to me ipixêr, ne me to pro. Mã ampeaj kam hÿtĩ, ne ajmârcute ame cupê hō kryhti cokjêr.

⁷ Mã cute mehkwy mã hÿ to hàpêr, quê me hÿrmâpàr kre nō to me tē, ne tep na me to ihtehcajpa. Mãma hÿrmã me to tē. Mã tep jàhtôa to hàhtô, ne hÿtĩ te ajmâr cô mã pàr kre ajwar to mrôr.

⁸ Mã Ximãw te ita pupun, ne Jeju cuna mã ihkôn krã na hÿr, ne cumã:

— Me ijō Pahhi, imã acupa hyre nare. Ampo na? Acatia to acati neakĩnte icrire, ne ikêanre — hajÿr.

⁹ Ampo na ri cute cumã harkwa ton to hajÿr? Cute me tepjàhtôa ne me to pro na ri, ne cute to amji mã ame ipikrarcrire nare. Mã mehkwy teme hajÿar, ne me to tep jàhtôa ne me to pro, na ri cute amji mã ame to ipikrar.

¹⁰ Mã Jeju Ximãw mã:

— Apu pa nare. Ita caxuw ca ha quêt mehĩ to pit mã cuprôn kam tē — hane. Mã cute mempar.

¹¹ Ne ma pàr kre atajê to me hàpir amcrà wÿr, neampo cunea to me tojnō, ne ma Jeju kô̄t me pra.

Pê Jeju ihkà xêtti nō caprã

¹² Mã ma Jeju krĩ nō wÿr mō, ne curia apuipa. Mã curi me hÿmre kà xêtti nō ita ihkrĩ. Ne cute Jeju pupun, ne pjê kam ihpÿm, ne cute pjê na ihkuc xir neamji na cumã awjahkre, ne cumã:

— Pahhi, ca ha icaprãr prãm, ne atÿj icaprã — hajÿr.

13 Mã Jeju te hũhkra curor ne ahna hir ne cumã:

— Ỡhỹ, imã acaprãr prãm, cwýrjapê wa ite ramãacaprãr — hajỹr. Mã hamre, ihkà xêt ita hũmre ita pêcator pyrentu.

14 Mã Jeju cumã:

— Ca ha nee mỗ neapu jũm mã ite acaprãr ita na ijarên to amôr nare, ne ma Pahpãm mã mehcajrên catê wýr tẽ, ne cumã amji jarẽ, ne cumã amji to ajpẽ, quẽ apupu ne akôpĩr to impej. Jirô pê mã ca ha Pahpãm mã ampogõ. Por pê Mojxe xwý ramã me panquêtjê mã Pahpãmmã ampo jôr xà na ihkàhhôc juwahi ata na, ca ha cumã ampo gõ. Jirô pê quẽ ha mehcunea ramã acaprãr ita na me gahkre pej — hane.

15 Pê pjê ata cunea kôt Jeju te Hũm carôt kôt hàpên xà pihho ton xà jarên apu ihcahkũm. Pê me hàhtôa ne mehkrĩ atajê ajco Jeju wýr me pra, cute mempar prãmte. Ne hanea ne me hà hỹrmã me pra, cute me caprãr prãmte.

16 Pê Jeju ma ajco pỗ mã hapôj, me hamreare ata wýr, ne ahte ajco Hũm Catĩ mã ihcakôc.

Pê Jeju cukrã xà peacre nõ caprã

17 Pê amcro nõ na Jeju ikre kam jỹ, ne ame cumã ampo to hahkre. Pê Parixêw catêjê me, me cumã Mojxe xwý jõ kàhhôc tohahkre catêjê hanea curi me jỹ. Pê Hĩpôjajo jõ pjê me, Juta jõ pjê pĩn, krĩ cunea me hỹrmã cuto tu. Pê Pahpãm Jeju mã carôt to ihtýj, ne cumãcute amji jahkre pejtĩ gõ, cwýrjapê ri ihtýj me hà caprã.

18 Mã me hũmre cukrã xà peacre nõ pàrkwýc kam nõ. Mã hũmre kwý pê me hõ kwý nõ atajê

te me to cator, ne tee ame to hàr to hahkre, Jeju cuna mã cute mehîr prãmte. Ne jũ wÿr quê harkwa na me to axà, cute me hipu tu, ne me hahêr tu ita kam.

¹⁹ Cwÿrjapê ri tee Jeju wÿr ame to hàr to hahkre. Ne ma me to hàpir, ikre jimoc na. Ne cute me kên po teikre ton ata nôr par, ne me to ihkre, ne pàrcuxê to me hũmre nôrxa ata na hê, ne ma me to iwÿrc, me hàhtôti atajêjipôc ri, ne Jeju cuna mã me hir.

²⁰ Mã Jeju te ampeaj kam, cute amji mã me Pahpãmto ihhimpej na me hõmpun, na ri cute hũmre cukrã xà peacre nõ ata mã:

— Ikwÿ nõ, wa ha ita kam ate Pahpãm to kên xà ita to tojnõ, ne nee hipêr to amji japackre nare — hajÿr.

²¹ Mã hamre, Parixêw catêjê me, me cumã Mojxe xwÿ jô kàhhôc to hahkre catêjê me, me amji mã:

— Pÿhàpà, Jeju ita apu ihcakôc to kêanre. Ne ihtÿj Pahpãm to ihcakôc kêanre. Xà ajkĩ cupê Pahpãm, quê hũmre te ihkên ton xà ita to tojnõ? Pahpãm quê ha quêt ihtÿj jũm te ihkên ton xà nõ to tojnõ, ne me paxũmre nõ te ita ton xà nare — hane.

²² Mã Jeju te me hahkre pej pyrentu, cute amji kam mehapac xà ata na, ne me cumã:

— Pÿhàpà, ampo na mã caame amji cajpêr xà ita to me acaxwãm pê ame amji cajpê?

²³⁻²⁴ Ikam me gapacpeaj ne he. Ipê me Ahàkà, wa itÿj jũm te Pahpãm to kên xà ata to tojnõ. He me ikampa, ne me ipupu, ne me ijahkre pej to impeaj ne. Harên xà jũ ri amji jirôa pê ihtÿj? Xà

wa ha ajkĩ hà ita mã: “Ate Pahpãm to kên xà ita, wa ha to tojnõ?” nare, wa ha ajkĩ cumã: “To xa ne anõr xà py neatẽm pyrentu?” hane. Harẽn xà itajê nõ ri amji jirôa pê ihtỳj? He pom harẽn xà te: “To xa ne tẽ” ata ri, ite harẽn xà nõata jirôa pê ihtỳj ita? Ne hamre, ita caxuw ca ha me ijahkre pej to impej, wa itỳj jũm tePahpãm to kên xà ata to tojnõ — hane. Ne cute cukrã xàpeacre ata mã harkwa to:

— To xa ne anõr xà py, ne atẽmpyrentu, gũrkwa wỳr — hajỳr.

²⁵ Mã hà ita me kam mare mã hãm pyrentu, ne cute nõr xà pyr, ne ma hũrkwa wỳr tẽ. Ne ampeaj kamPahpãm te cumã ampej pyrên hakryti na cumãamji jarẽn to tẽ.

²⁶ Mã mehcunea te ita to amji mã me ipikrar, ne mehcunea mã hũpaa to hũpa. Mã cute me Pahpãm to amji kam hapac pyrentu, ne me amji mã:

— Pỳhàpà, rỳ jũ caxuw me pahnõte ampo pejti itajê nõ pupun nare, ne ita kam mã rỳ pahte me hõmpun — hajỳr.

Pê Jeju Rewi to ihkôt ipa catê

²⁷ Ita jirô pê mã ri ma Jeju cator, ne cute, por Rewi pê pjê jõ pahhi jarkwa na me hũhkra kam hàmcwỳr catêjê nõ ata pupun. Mã me hũhkra kam hàmcwỳr xà kam jỳ, mã Jeju te hõmpun ne cumã:

— Ajpên ikôt mō — hajỳr.

²⁸ Mã Rewi xãm ne cute ihcunea jicu, ne ma ihkôt mō.

²⁹ Ne cute hũrkwa kam, Jeju mã amji kĩn catia ton. Mã pahhi mã me hũhkra kam me hàmcwỳr

catêjê jàhtôa ne me cahê na me jÿ. Pê mehkwy hanea ne mehkrĩ.

³⁰ Mã me cumã Mojxe caca xà to hahkre catêjê me, Parixêw catêjê te me amji kĩn ita pupun. Ne ameJeju kôt me ipa catêjê kam mencryc, ne ame hũn, ne me cumã:

— Pÿhàpà, ampo na mã ca ame cahê na ame apà, ne ame ikõ? Pom me hàmcwÿr catêjê pé mehkrã kên catêjê ita? Pom hõtpê pahhi jarkwa jirôa pé ame hàmcwÿr to me ipa ita? Pomme cupê mehkên ton catêjê ita? Ampo na mã ca me cahê na ame hane? — hane.

³¹ Mã Jeju Parixêw catêjê kwÿ mã:

— Ýhÿ, me ikampa! Me capên catêjê me, mempej catêjê, nee mehcahhê catê na prãm nare. Ne me hà catêjê ri quêt ihtÿj mehcahhê catê na mehprãm. Na ri ita pé hũràc ne ipêmehcahhê catê pyràac.

³² Na wa ite mehkrã kên catêjê to impej prãam to wa ajpên mō, mãr quê mehkên pé amji to me antuw, ne mempej. Wa nee mempej catêjêto impej to icator nare — hane.

Pê Jeju ipijacri kôt harē

³³ Mã amcro nō na jũmjê itajê Jeju wÿr pra, ne mecumã:

— Ýhÿ, Jowãw kôt me ipa catêjê ihtÿj me ajcrito ame ipa, ne hõtpê me ipijacri to me ipa xà ata kam, ihtÿj Pahpãm mã mehcaôc to me ipa. Mã hanea neParixêw catêjê kôt me ipa catêjê ihtÿj me ajcricri. Ne akôt me ipa catêjê, mã ajte nee mehkĩnte me ipijacri nare. Ne mēr ampo na mã akôt me ipa catêjê nee itajê cuxà ame ipijacri to me ipa nare? — hane.

34 Mǎ Jeju me cumǎ:

— Ỹhỹ, amji kǐn catia kam, quêha pijamǎ jũm ipijacri to ipa? Jũ wỳr quê jũmamji kǐn kam hàpàn nare ne apu ipa. Quê ha ihtỳj mehcunea me hàpàn to me ipa.

35 Ne quê ha amji kǐn jŏ pahhi ma jũ kam tễ, quê ha amji kǐn hamre, jakàn pê quê haihtỳj me ipijacri to ame ipa — hane.

36 Ne hanea ne Jeju te me cumǎ, cute amji kam me hapac xà capô to impej partu, mǎr quê me hahkre pej pej, ne me cumǎ:

— Ỹhỹ, jũ wỳr quê jũm cupêhkà wej to impej prǎmte, cupêhkà tuw kwỳ Jakep, ne ihwej ita na cuxô ne to ajpỳ. Quê ha to hane, quê ha intuw ita ihwejita to kên nare ne hipô, jũ wỳr quê ha cupêhkà wej ita intuw ita mǎ awcanǎ.

37 Ne jũ wỳr quê ha jũm pryti kà te ampo cacôcjên xà wej ita kam ampo cacô tuw ru. Quê ha jũm te incjêj xà wej kam irun na, quê ha incjên xà wej ita ajcahte, quê ha ampo cacô ita acto.

38-39 Ne jũ wỳr quê jũm ampo itajê nŏ to hane, ramǎ me pahcunea te me hahkre pej. Cu ha ampo cacô incjên xà intuw pit kam ame ampo cacô tuw ru. Pê mǎ nǎm ampo cacô wej ata, ampo cacô tuw jirôa pê impej. Na ri jũ wỳr quê jũm ampo cacô tuw ita na prǎm, cormǎ intuw na ri, nequêt ampo cacô wej ata ri ramǎ impejtu — hajỹr. Ita jǐkjê na mǎ, ramǎ cute me amji kam hapac xà tũm wej to me amji pyrác xà ata pit kǐn, nare, nee cumǎ to ipintuw prǎm nare.

6

Pê Jeju mehkôt xà jō amcro kôt harē

¹ Ne amcro nō na, mehkôt xà jō amcroa kam, Jeju na mehkwȳ te pur nō ita cajpuw me arýjhy cahàc ata jakren to me mō. Mā ihkôt me ipa catêjê temehkēhkēn ne me caxwyn kur kam me to ihtēm.

² Mā Parixēw catêjê kwỳ te me hōmpun, ne me cumã:

— Ampo na mā ca ajte ame gápên to me apa to hane? Ca ihhēj ne ate mepancaca xà kaj na, hirô pê me apým, nema ame pahkôt xà jō amcro caca. Pom pê me panquētti pê Mojxe xwỳ me pamã Pahpãm jarkwa jō kàhhôc gō ne hō amcro ata juwahì ata kam, me gápên xà ita na ihkaj na, me pahkôt xà jō amcro kam — hajÿr.

³ Mā Jeju me cumã:

— Nee ite Pahpãm jarkwa jirô pê me to ipým nare. Atea ca me hirô pê me to apým. Xà ate me panquētti pê Tawi xwỳ jō kàhhôc cahyt nare? Pê Tawi xwỳ me, mehkwȳ itajê mā prãm.

⁴ Pê me Pahpãm to me amji kam me hapac xà jũrkwa mā me axà. Pê curi Pahpãm mā hō pyxwỳr xà na pãw pejti itajê hikwa. Ne por pãw hikwa atajê quē nee jũm pê Pahpãm mā mehcajrēn catêjê nare ihnō krēr xà nare. Cakrô pê ihtýjTawi cucwa ne mehkwȳ atajê mā cugō, pê me cukrē.

⁵ — Ýhÿ, ipê me Ahàkà, na pê wa ixũmre na amji to. Na wa Pahhiti jarkwa kôt ipa, ne taa mā pê ite me pahkôt xà jō amcro to ihmpejcatê na ixãm — hane.

Pê Jeju hũmre jũhkra te xwỳ caprã

⁶ Mã mehkôt xà jŏ amcro nŏ na, ma Jeju Jutacatêjê te cuprŏn xà mã hàr, ne cute me cumã ampo to hahkre kam ihtêm. Pê hanea ne curi hũmre nŏ awpôc rũm hũhkra kên ita jỹ.

⁷ Mã hanea ne Parixêw catêjê kwỳ me, me cumã Mojxexwỳ caca xà to hahkre catêjê kwỳ curi amehkrĩ, ne ame Jeju pupu, ne ihtỳj amehkôpĩr to me ipa, cute ihkên mã me mên prãmte. Quêihhêaj to Jeju mehkôt xà jŏ amcro kam jũm caprã, quê ha hàhcaprãr xà ata kôt me to ihtỳj tu ne, cute mencaca xà jirô pê ihpỳm cwỳrjapê.

⁸ Pê Jeju ramã amji na cute me amji kam hapac xà ita na me hahkre pejpartu cakrô, cute hũmre jũhkra kên ata mã:

— To xa, ne me hipôc ri ca xa — hajỹr. Mãhũmre ata xãm, ne me hipôc ri xa.

⁹ Mã Jeju te, por ame hŏmpu atajê cukij, ne me cumã:

— Ýhỹ, me pahkôt xà jŏ amcro kam, por ihkàhhôc kam me pancaca xà jŏ amcro ata, ampo pê Mojxe xwỳ Pahpãm jarkwa kôt me pamã to hahkre? Xà cu ha pahtỳj amcro ita kam ame ampo pej to? Nare, xà cu ha me pahtỳj amcro ita kam ame ampo kên to? Xà cu ha pahtỳj amcro ita kam me jũm tehcajpa ne me to ihtyc xà jahpa? Nare, xà cu ha pahtỳj amcro ita kam me jũm cura? — hajỹr.

¹⁰ Ne Jeju mehcunea kôt into to amji jacjê, ne cute hũmre jũhkra kên ita mã:

— Gũhkra curor — hajỹr. Mã hamre, hũmre ita te hũhkra curor, ne hũhkra impej pyrentu.

11 Mǎ Parixêw catêjê kwỳ atajê ameJeju kam mencryc, ne cute Jeju to amehkên na me ajpên par.

Pê Jeju ihkôt me ipa catêjê te tôxi capi

12 Ne pê amcro atajê nōa kam Jeju kên na api, Pahpām mǎ ihcakôc prāmte. Ne curia Pahpām mǎ ihcakôc to apê.

13 Ne cute ihkôt me ipa catêjê mǎ hàkjêr, ne me to tôxi ne me to caprâr. Ne cute me tôxi atajê to ri cute amji mǎ harkwa na memprar catêjê.

14-16 Ne Jeju mǎ memprar catêjê japrỳ itajê pê Ximāw, por pê Jeju cumã haprỳ krut pê Petrô gō ata me, Ximāw tō pê Antre ata me, Tijac me, Jowāw me, Pirip me, Partômew me, Matew me, Tome me, Tijac pê Arpew kra me, Ximāw, por cumã hō pjê kīnti ata me, Juta Carijot pê Jeju curê xwỳn ata me.

Pê Jeju me hà caprã

17 Ne Jeju te kên pīn mehcunea to iwryc, ne meto mō, ne pjê impejti pipēnti ata kam me tohàhhuc. Mǎ curi pjê cunea rŭm cute me cuprôn, ne me hàhtôa ne ame ipa. Juta jō pjê pīn mecator, ne Krīpinkrên pīn me cator. Ne côxwa cahê na krī pijakrut pê Kên jō krī me, Teppro jō krī ata pīnme cator. Ne krī jàhtôa pīn cute me cuprôn.

18 Ampo na? Cute Jeju kam me hapac ne meamji caprâr prāmte me cuprôn. Mǎ Jeju ihtỳj ame caprâr to mō. Ne ihtỳj cute me pahcurê xwỳn carō kên atajê mǎ, me hī tēte harkwa japôj to mō. Mǎ mentête hapôj, mǎ amempej pyrentu.

19 Cwÿrjapê ri mehcunea ame Jeju tât to prãm.
Ampo na? He ihtÿj Jejujĩ pê Pahpãm carôt hapôj,
ne mehcunea caprã.

Pê Jeju amji kñ me amji kñ nare kôt harẽ

20 Mã Jeju te ihkôt me ipa catêjê pupun, ne me
cumã harkwa to:

— Ýhỹ, me akwÿ pê ampo hamreare atajê,
ame gakry!

Ampo na?

He me caa, ca ha quêt Pahhiti pê Pahpãm himpej
xà ata kam ame akrĩ, na ca ha ame gakrya
ne!

21 — Me akwÿ mã prãm atajê,
ame gakry!

Ampo na?

He me caa, ca ha quêt me garte tu ne,
na ca ha ame gakrya ne.

Ne ca me akwÿ ame amrãatajê, me gakry!

Ampo na?

He me caa, ca hame hirôa pê ame acxa,
na ca ha ame gakrya ne.

22 — Ne ca me akwÿ ampo kêanre kam me amji
pupuatajê,

ame gakry!

Ampo na?

He ma ame acurê, ne ma ame acaca, ne ame
axũn,

neakên na ame garên cakrô,

Inxũ mãnee me akên nare.

Ca ipê me Ahàkà kôat ame apa incwÿrjapê ri ame
ato hane,

ne ame ato kêanre.

²³ Ne cute ame ato kên jŏ amcro itajêa kam,
ca ha ame gakry!

Gapacta ne megakryte ame atoj.

Ampo na?

He quê ha jŭ caxuw Pahpãm hahpan xà na,
côjkwa kam me amãhàmjŏr catia,
ne me amã impejti gŏ.

Na ca ame gakrya ne!

Ampo na?

He me cupê menquêtjê pyràac,
ne ihtÿj me ato kên to me ipa,
pom pê mam menquêtjê ajco me Pahpãm to
mehkên to me ipa
ata na ri me ato he.

²⁴ — Pÿj me hêj xi,
me akwÿ pê me gакràj atajê,
ca ha atÿj ame amrã!

Ampo na?

He amcro ita pyxit peaj kam ri me gakryti ita.
Na ca ha atÿj ame amrã!

²⁵ — Pÿj me hêj xi,
me akwÿ mã ampo cunea atajê,
ca ha atÿj ame amrã!

Ampo na?

Quê ha cormã jŭ caxuw me amã prãm catia me
awÿr cato,
na ca ha atÿj ame amrã!

— Pỳj me hêj xi,
me akwỳ ame acxa atajê,
ca ha atỳj me apicxar jicu ne cama ame amrã!

26 — Pỳj me hêj xi,
me akwỳ pê, pom mehcunea me apejti na ame
garên catêjê atajê,
ca ha me amrã!
Ampo na?
He me cupê menquêtjê pyrâac.
Pom pê mam menquêtjê ajco mehhêj xi catêjê
pejti na ame harê,
ata cuxà ri ihtỳj me apejti na me garên to me ipa.
Na ca ha atỳj ame amrã!

Pê Jeju me curê xwỳn kїн na me cumã harkwa

27 — Ỡhỹ, ampeaj kam wa ha me amã Pahpãm
jarkwa jarê. Ca ha me amã me acurê xwỳn kїн.
Ne ame acaca atajê, ca ha me to impeaj ne.

28 — Ca ha cute me acrôn atajê jahpan xà
na, me to impejti to prãm, ne Pahpãm mã
mehcajrên. Ne cute me ato kên atajê, ca ha
Pahpãm mãmehcajrên, quê me to impeaj ne.

29 — Quê jũm apahàm prãmte akuc kam
acakwĩ, ca hahĩkjê to cumã apkjê, quê hanea ne
kam cakwĩ. Nequê jũm apê gitô kã capa, ca ha
hanea ne akat kã caxàr na to tojnõ, quê amji mã
capa ne to tẽ.

30 — Ne atỳj me cumã, por ampo na me awỳ
atajê gõ. Ne quê jũm apê ampo capa, ca nee
hacpỹ ne ahna gàhwỳr nare.

³¹ — Ne quê ha amã cute me ato amji kam hapac to impejti to prãm na, ca ha atỳj me to amji kam gapac to impejti to apa.

³² — Quê ha amã cute me acurê atajê kїн na, quê ha Pahpãm ihtỳj ate mehkїн jahpan xà na amã amgõ. Nee quê ate amji mã mehkїnti atajê pit kїн jahpan xà na, quê Pahpãm me amã hàmjõr nare. Quê ha amã cute me akїн catêjê atajê pit kїн na, ca ha me apê mehkên catêjê jõ ikwỳ nõ pyràac, ne me cuxà akêanre ne.

³³ — Ca ha cute me ato kên atajê to impejti na, quê ha Pahpãm ihtỳj hahpan xà na me amã amgõ. Ne jũ wỳr quê ha Pahpãm ate, cute me ato impej catêjê pit to impejti jahpan xà na, me amã amgõ. Ca ha cute me ato impej catêjê pit to impejti na, ca ha me apê mehkêncatêjê jõ ikwỳ nõ pyràac, ne me cuxà akêanre ne.

³⁴ — Ca ha atỳj mehcunea mã ampo gõ, por ampo na me ahwỳ atajê, ca ha me cumã agõ. Ne nee hacpỹa ne cute me amã ampo jõr catêjê mã pitmã ame ampo jõr nare. Ca ha jũmjê te jũ caxuw hacpỹa ne amã ampo jõr nare atajê mã ampo jõr na, quê ha Pahpãm ihtỳj hahpan xà na me amã amgõ. Ne jũ wỳr quê ha Pahpãm hõtpê hacpỹane cute me amã ampo jõr atajê jahpan xà na me amã amgõ. Ca ha ate hajỹr na, ca ha me apê mehkên catêjê jõ ikwỳ nõ pyràac, ne me cuxà akêanre ne.

³⁵ — Ne ca ha atỳj amã me acurê xwỳn catêjê kїн, ca ha me to impej. Ne ampo cunea na me ahwỳ atajê, ca ha atỳj agõ, ne neehacpỹa ne cute amã ampo jõr na amji mã to hajỹr nare. Ca ha me ate ite me amã ampo jarënitajê

cunea to hajÿr na, quê ha Pahpãm hÿrkwa kam, me acunea mã hãmjŏr xà impejti tohãmjŏr to catia, ca ha me to amcwa, ne ca ha apê Pahpãm me hirôa pê cati ata kra impeaj. Pahpãm mã mehcunea kÿn, ne hãhcajrën cati, ne ihtÿjcute me to kên catêjê caprÿ, ne ihtÿj cumã cute me ampo cwÿr atajê jahpan xà na me hakryti na me amji jarën nare atajê caprÿ.

³⁶ — Na ca ha Pahpãm cuxà me gãhcajrënti ne, ne mehcunea caprÿ to me apa. Hôhõ, ita to ca ha me hajÿr to me apa.

Pê Jeju me ajpën to impej na harkwa

³⁷ — Ca ha ate nee ampo na amehpro rën nare na, quê ha Pahpãm me acuxà nee ame apro rën prãm nare. Ca ha nee ame curê mã me irën nare na, quê ha Pahpãm me acuxà nee me acurê mã me arën nare. Ca ha ate cute ame ato kên ita to tojnõ ne hicu na, quê ha ihtÿj Pahpãm me acuxà, ateme to kên ita to tojnõ ne hicu.

³⁸ — Ca ha gŏtpê me cumã ampo jŏr to apa na, quê haihtÿj Pahpãm hŏtpê me acuxà me amã ampo jŏr to ipa. Ne ampeaj kam ca ha atÿjme amcwa. Quê ha Pahpãm me amã me acrat to hipu, ne tohipu tu ne, ne ampeaj kam quê ha me acrat kam me amã cucjê, ne kam me amã curua to curu. Ne pom ca ampo kam me akwÿ mã ampo to ajpën ata kam, quêha Pahpãm hanea ne me amã ampo to ajpën ne cunõ. Ca ha jÿm mã ampo crire ne agõ, quê ha Pahpãm ate ton xà ita na, acuxà hanea ne amã ampo crire ne cugõ. Nãmri ca ha ate jÿm mã ampo catia ne hŏr na,

quê ha Pahpãm hanea ne acuxà amã ampo catia ne cugõ.

³⁹ — Ỡhỹ, jũ wỳr quê jũm to tũm, amji kôt into tũam nũ to mũ. Quê ha mento tũam me ajpẽn to mũ, ne ajwar ihtỳj kre nũ mã mehpỳm.

⁴⁰ — Ne por me cumã ampo to hahkre atajê ri cute ampo tohahkre catêjê japyre mã me. Na quê haxa ampo to hahkre ne hahkre pej jirô pê, quê ha cormã cute cumã to hahkre catê ata me ajpẽn.

⁴¹ — Ca me akwỳ jirôa pê akên ton to me apa cacrô, ca atỳj me akwỳ te ampo kên kryjre ton atajê to me cumã acakôc to me apa. Ne ca ihhêj ne me akjêjê into kam me ahhi kryjre pupu, nenee mehkĩnte amji toa kam pĩ kwỳcti ata pupun nare.

⁴² Ne jũ mã ca me akjêjê mã harên to, ne ajte ne me cumã: “Ikjê, cama amji na ijamã, wa ato kam amã ahhi kryjre ita to pỏj” hane. Ne mễr ampo na ca caa, atoa kam amji mã pĩ kwỳcti ita caxàr nare? Ne ihcaprỳ naamji pej na ame amji jarên to me apa, ne mehkĩnte me akêanre. Ca ha mam me ato kam amji mã pĩ kwỳcti itajê to pỏj, ne me arĩt pej, ne cormã me akjêjê into kam ahhi kryjre ita pupu, ne me cumã to pỏj.

Pahte amji kam me pajapac xà ihtỳj me pah-cakôc xà to ihhimpej

⁴³ — Ỡhỹ, jũ wỳr ca ha pỉxô impejti pàr nũ intête, pỉxô kên nũ capa, ne jũ wỳr ca ha pỉxô kên pàr tête, pỉxô impejti nũ capa.

⁴⁴ Ca ha ampo pỉxô pàr cahkrit nũ pupu, ne ramã hahkre pej pyrentu, xà pỉxô pàr ita ajkĩ

impej, nare, mōrmō ihkêanre. Ne jũ wỳr ca ha hōmjĩ pàr kam ahkrỳt nōta, ne jũ wỳr ca ha ahkrô kam crowkwỳj xō nō ta.

⁴⁵ Jĩkjê na, jũm xũmre impejti ata hōtpê amji caxwãm pêcute amji kam hapac xà pĩn ampo pejti to hapôj, mã ihkĩnte jũm xũmre kên ata hōtpê amji caxwãm pê cute amji kam hapac xà pĩn ampo kên tohapôj. Ỡhỹ, ampeaj kam pahte amji kam me pajapacxà me, me pahcakôc xà te hipu, cu ihkôat me pahcakôc — hane

Ikre mã ihcuhhê xà pijakrut

⁴⁶ Ne Jeju me cumã:

— Ampo na mã ca ame imã: “Me ijō Pahhiti” hane, ne neejarkwa kôt ame apa nare?

⁴⁷ Wa ha me amã ijũjarẽn xà ita jarẽn, mãr ca me amã ahna icaca xà jahkre pej.

⁴⁸ Ỡhỹ, quê ha jũm te ijarkwa kam hapac ne ijarkwa kôt ipa na, quê ha cupê ihhêj rũm hũmre te pjêtỳjti kam ikre xãm ata pyràac. Mã cōte hipu, ne ma ikre wỳr cō tẽ, ne cute ikre ata cakwĩn, mã nee hàhcujrõn nare, ne hãm peaj na ihtỳj xa.

⁴⁹ Mã ihkĩnte jũm te cama ijarkwa kam hapac, ne nee toamji japackre, ne ihkôt ipa nare, ata pê ihhêj rũm hũmre nō te pjênxôm cràre kam ikre xãm pyràac. Mã cō te hipu ne ma ikre wỳr tẽ, ne cute ikre ata cakwĩn, mã ihpỳm pyrentu, ne ikre ata jamre — hane. Hõ, pê Jeju hũjarẽn to hane.

7

Pê Jeju pahhi mã hàpên catê nō caprã

¹ Mă Jeju te me cumă ampo itajê jarên jicu, ne maCapernam jŏ krĩ wÿr mŏ.

² Ne pê curi Roman catêjê nŏ ihkrĩ, ne cupê krăhtare te xêj jŏ pahhi. Pê pahhi mă hăpên catêhà, ne ramă ihtyc xàa kam nŏ.

³ Mă pahhi ata te Jeju jarên par, ne ihwÿrJuta catêjê pê pahhi kwÿ kujahêc, cute me Jeju japrŏr, mă cute hà ata caprăr prămte.

⁴ Mă cute me Jeju cajpar, ne me ahna hăhwÿr crire nare, ne me cumă:

— Ỳhÿ, Roman catêjê nŏ ita peaj to impej, cwÿrjapê ca ha ihtecajpa.

⁵ Nămri cumă me papê Juta catêjê kĭan to ihkĭn, ne cutea ri me imă ite me cuprŏn xà jŭrkwa ton. Cwÿrjapê ca ihtecajpa, ne me ikŏt mŏ, ne hà ata capră — hajÿr.

⁶ Mă ma Jeju mehkŏt mŏ. Ne ramă cute ikre têp, mă krăhtare jŏ pahhi te hŏ ikwÿ nŏ catêjê kujahêc, cute me Jeju mă hŭjarên prămte. Mă cute mehcajpar ne me cumă:

— Me ikwÿ nŏ te amă harkwa kujahêc to hajÿr he: “Pahhi, akĭnte icrire ne ikêanre ita kam, wa nee acahpêrkăr prăm nare. Cwÿrjapê ca ha nee ijŭrkwa mă axăr nare.

⁷ Ne jŭ wÿr wa ijĭa kam amă icakŏc, nămri apê Pahhiti ne akĭnte jŭ na xà na ijamreare, ne ipahàm crire nare. Ca ha cama hà ata mă garkwa ta, quê ha imă hăpên catê ita impej pyrentu, ne capên.

⁸ Ne wa hanea ne me ijŏ pahhi jarkwa kŏt ipa, ne wa ha ijŏ krăhtare catêjê mă ijarkwa ta, quê ha ihtÿj meikampa ne ijarkwa kŏt me ipa. Ne wa

ha jũm mã, ‘Tẽ!’ hane, quê ha ihtỳj tẽ. Ne wa ha mehnõa mã, ‘Ajpêntẽ!’ hane, quê ha ihtỳj ajpên iwỳr tẽ. Ne hanea ne wa ha mã hàpên catê mã, ‘Ca ha to hane!’ hane, quê ha ihtỳj to. Ne ijirõa pê acati ita kam, caha cama hà ata mã garkwa ta, quê ha mã hàpên catê ita impej, ne capên pyrentu” — hajỳr.

⁹ Mã Jeju xa, ne cute hũpar xà ita to hũpar, ne to amji mã ipikrar. Ampo na? Cumã hũpar xà ita peaj to impej. Na ri cute amji mã ipikrar, ne me hàhtõa neihkõt me mõi atajê wỳr ipipkjêr, ne me cumã:

— Ỡhỹ, ampeaj kam wa me amã awjarẽ, Roman jõ krĩ kra ita ihtỳj ikampa, ne ihtỳj amji mã ito ihhimpej. Wa rỳ Juta jõ pjê kam jũ caxuw, ampeaj kam jũm te amji mã ito ihhimpej to hajỳr nõ na, impar nare — hane.

¹⁰ Mã Roman jõ krĩ kra ita jõ ikwỳ nõ itajê, hacpỹa mã me hũrkwa wỳr cute me amji jacjên, mã hamre ramã cumã hàpên catê ata pej, ne capên pyrentu.

Pê Jeju impijapit kra tyc to ihtĩr

¹¹ Ỡhỹ, pê nee curi Jeju na amcro hàhtõ nare, pê maPõre jõ krĩ wỳr mõi. Pê ihkõt me ipa catêjê me, me hàhtõa ne ihkõt me mõi.

¹² Pê Jeju ramã krĩ jõ harkwa têp, pê cute me harêt catêjê krĩ jarkwa na, jũm tyc jarêt to me cato. Por pê cahãj pê ihkra ty ata pê ihcãmter cumã pyxitpeaj. Ne iràn xà na cumã mehkjêjê nõ hamreare. Ne pê rỳ pêa mã ramã impjên cupê ty. Pê cute me ihkra jarêt catêjê kõt incwỳr to

mõ. Pê hanea ne me hàhtôa ne krĩ pĩn, mehkôt me mẽ.

¹³ Mã Jeju te cahãj ita cwÿr na hõmpun, ne ampeaj kam cumã caprĩ xà, mã cumã:

— Apu acwÿr nare — hajÿr.

¹⁴ Ne ihkra jarĩj xà ata na hàhtêp, ne cute me to hàhhuc prãmte ahna hũ xir, mã me to hàhhuc, mã Jeju ihtyc ata mã:

— Hũmre, wa ha amã ijarkwa ta. To xa! — hajÿr.

¹⁵ Mã hũmre ita jÿr pyrentu, ne cute ihcakôc kam toihtêm. Mã Jeju te inxi mã hõr.

¹⁶ Mã mehcunea mã hũpaa to hũpa. Ne ame hakry pyrên ajpên mã Pahpãm to me hàmnãn to me mẽ, ne me ajpên mã:

— Me pamã Pahpãm jarkwa to ihcakôc catê catia nõita cator! Me Pahpãm mõrmõ cator, cute mepahtehcajpar xà caxuw — hane.

¹⁷ Pê Jeju jarên pejti ita pjê ata cunea kam apu ajcrà. Pê hanea ne cahê na pjê atajê kôt harên apu ajcrà.

Jowãw te me cumrãr catê jarkwa jarên catêjê

¹⁸ Ỡhÿ, por Xacarij me Ixapewkwÿj kra pê Jowãw ata, cormã apu ipa, ne ihtÿj mehcunea mã Pahpãm cator xà caxuw ame amji cũmpej to hũjarên to ipa. Ne por Jowãw kôt me ipa catêjê na cute me amji ton to prãm atajê ri, Jowãw te amji caxuw cô kammehcumrãr. Cwÿrjapê ri cute me cumã haprÿ krut jõr, ne me cumã: “Jowãw te me cumrãr catê” hajÿr. Mã hamre, Jowãw kôt me ipa catêjê nõ te Jeju pupun, ne ma amji jaxàr ne cumã Jeju jarên.

19 Mã Jowãw te ihkôt me ipa catêjê to ipijakrut ne me cumã hàkjêr, ne me cumã harkwa hyr to:

— Jeju wÿr me tē ne mehcukij, ne me cumã: “Xà apê hũmre cator xà ata mã ca? Xà Jowãw te me imã garēn ata mã ca ramã acator? Nare xà wa ha pijamã ajkĩ cormã me jũm xũmre nõ ata jikaj?” hane — hajÿr.

20 Mã hamre, ma Jeju wÿr me pra, ne me cumã:

— Ýhÿ, Jowãw te me cumrãr catê te me imã harkwa hyr, wa me acukij: “Xà apê hũmre cator xà ata mã ca? Xà Jowãw te me imã garēn ata mã ca ramã acator? Nare xà wa ha pijamã ajkĩ cormã me jũm xũmrenõ ata jikaj?” — hane.

21 Mã amcro ata kam Jeju te me kam mare mã me hàcatêjê jàhtôa ne me caprãr. Ne hanea ne cute me pahcurê xwÿn carô kên jàhtôa mã me hĩtête hapôj na harkwa hyr, mã me cupê hapôj. Ne hanea ne cute mento tũm jàhtôa ne me caprãr, mã ihtÿj me irĩt.

22 Ne Jeju te ame to hajÿr jirô pê mã ri, cute Jowãw kôt me ipa catêjê mã:

— Ýhÿ, me amji jaxà, ne ate mempar atajê me, ate me hõmpun atajê to Jowãw mã me awjarê. Pommento tũm catêjê ihtÿj me irĩt he, ne mehkjê te xwÿcatêjê ihtÿj me capēn, ne me hapac tu catêjê ihtÿj me awpa, ne mehtyc catêjê hacpÿa mã mehtĩr, ne me cupêhamreare atajê ihtÿj me Pahpãm himpej xà jarēn xà impejti kampa.

23 Quê ha jũmjê ikampa, ne cute ikam hapac mã hũcanãr, ne nee ito amji pê hapac kêt nare na, quê hahakrya to hakry — hajÿr.

Pê Jeju Jowãw te me cumrãr catê jarê

²⁴ Mǎ ma Jowǎw kô̄t me ipa catêjê te me amji jaxàr ne me pra. Mǎ Jeju te me hàhtôti atajê mǎ Jowǎw jarên kam ihtêm, ne me cumǎ:

— Ỡhỹ, pê ca me Jowǎw cajpar prǎmte ma pō kam mehamreare ata wỳr me pra. Ne ampo pupun prǎm to mǎ, pê ca ame pra? He pê ca nee me hũmre nō pê kôc te apu pĩhhô to tertet pyràcti ata pupun nare.

²⁵ Ne mēr ampo pê ca me hōmpu? Pê ca nee me hũmre ata na cupêhkà impejti nō pupun nare. Ne por mehka impejti kam ame ipaatajê, ihtỳj quêt ampo pejti cunea jipôc ri, pahhijũrkwa pejti ne catihti ata kam mehkrĩ.

²⁶ Ne me imǎ amji jarê, ampo pupun prǎm to mǎ pê ca me pra ne me hōmpu? Xà Pahpǎm jarkwa to mehcakôccatê nō pupun prǎmte pê ca ajkĩ me pra? Ỡhỹ, ampeaj kam ri Jowǎw pê Pahpǎm jarkwa to ihcakôc catêjê nōa, ne mehkwy jirôa pê cati.

²⁷ He pê rỳ pêa mǎ ramǎ Pahpǎm jō kàhhôc Jowǎwjarên to hane he:

“Ỡhỹ, pê Pahpǎm ihkra mǎ:

‘Wa haacumam ijarkwa na ipa catê kujate, quê ha amǎ gō pry toimpej’ ” hane.

Hōhō, pê Pahpǎm ramǎ Jowǎw jarên to hanea, na ri cator.

²⁸ — Ne ampeaj kam wa ha me amǎ awjarê. Jowǎw ri catia to cati, ne taa mǎ ri quêt me aquêtjê jirôa pê cati cakrô, quê ha jũm crire

ramã Pahpãm himpej xà krac ri ipa ata, quê ha Jowãw jirôa pê cati — hane.

²⁹ Ne pê mehcunea me ampo ita kampa. Pê ihtyj hanea nepahhi jarkwa na me hãmcwÿr catêjê atajê me Pahpãm jarkwa kampa ne hÿrmã meapkjê. Cwÿrjapê pê ramã Jowãw caxuw, cô kam mehcumrã.

³⁰ Pê mehkĩnte Parixêw catêjê me, cute me Mojxe xwÿ jŏ kàhhôc to me cumã hahkre catêjê me, ma ame Pahpãm te me to ihhimpej xà ita caca, na pê nee amji na me Jowãw to tojnŏ, pê cô kam mecumrãr nare. Na pê Jeju me cumã:

³¹ — Ÿhÿ, me atoa wa ha me amã icakôc. Pom ca amcro ita kam, pjê kam ame apa itajê, me apê ahkrare te xuwcati atajê pyrãac.

³² Ne me apê me ahkrare te ame hàkrun pyrãac. Neme akwÿ amji mã me acaràr to: “Wa ite me amji kĩnjŏ increr to me icrer, ca ajte nee me icuxà me acrer nare. Ne ite me harêt japête mencwÿr to me icwÿr, ca ajte nee me icuxà me acwÿr nare, ne cama ame xuwcaya to ame apa”.

³³ Ÿhÿ, me apê ahkrare kwÿ te xuwcati atajêpyrãac. Ampo na? Pê Jowãw cato ne ihtyj ajcoipijacri to ipa, ne nee ampo cacô to ihkôm nare. Cakrô, ca nee ajte atê mempar ne me hÿnãr nare, ne cama meto gÿjarên to: “Cupê me pahcurê xwÿn carôkên to ipijapar catê” hane.

³⁴ Wa quêt ipê me Ahàkà, ityj ampo cunea ku, ne ampo cunea to ikôm to ipa cakrô, ca ajte nee hanea ne ate me ipar ne me ipynãr nare, ne cama me ito gÿjarên to: “Hômpu he, hÿmre ita jàpàn cati, ne ihkôm cati, ne me cupê pahhi jarkwa

na me hàmcwỳr catêjê me, jũmjê kêanre itajê jŏ ikwỳ nŏ nŏ” hajỳr.

³⁵ Ỡhỹ, he Pahpãm te amji kam hapac xà cunea impej pit, quê ha jũm Pahpãm te amji kam hapac xàa kôt ipa na, quê ha cumã amji jahkre pej pejti ne — hane. Hŏ, pê Jeju me cumã hũjarên to hane.

Pê Jeju Parixêw catêjê nŏ jũrkwa kam apà

³⁶ Mã Parixêw catêjê nŏ japrỳ te Ximãw te, Jeju te hũrkwa kam cahê na ampo krêr prãmte, hator. Mã ma Jeju hũrkwa wỳr ihkôt mŏ.

³⁷ Pê krĩ ata kam cahãjre inxyre nŏ ihkrĩ, ne cumã Jeju te Parixêw catêjê nŏ jũrkwa kam apu mŏr na hahkre pej. Ne cute ampo cacô incjên xà kam, ampo cacô cuxwati ata to hipu tu, ne ipyr ne ma hỹrmã to tê.

³⁸ Ne cute Jeju na hàhtêp, ne ihkôn krã na hỹr, ne cute ihkên ton xà atajê jũ na ihpahàmte incwỳr kam to ihtêm, ne into cacôa to Jeju par co, ne ihkĩa to cumã incrà. Ne ma hŏtpêihpar pã, ne cute kam ampo cacô cuxwa pejti ata jaxwỳr.

³⁹ Mã Ximãw te ita pupun, ne amji caxwãm pê amji mã:

— Pỳhàpà, xà mŏrmŏ ajkĩ hũmre ita pê ampeaj kam Pahpãm jarkwa to ihcakôc catê? Quê cupê Pahpãm jarkwa to ihcakôc catê na mã, quê ha ihtỳj cahãj ita kêanre na hahkre pej. Wỳr quê cupê Pahpãm jarkwa to ihcakôc catê quê amji na cahãjkêanre inxyre ita jamã, quê ihtêp ne ihcupê — hajỳr.

⁴⁰ Mã Jeju te Ximãw caca xàita na hahkre pej pyrentu, ne cumã:

— Ýhỹ, Ximãw, wa ha amã ampo jarẽ — hajýr.
Mã cumã:

— Hã, gapacta ne imã harẽ, pahhi — hane.

⁴¹ Mã Jeju cumã:

— Ýhỹ, pê hũmre ajkrut neihpore to jũm jakràjti ata to new. Pê ita to new cati to quĩjẽnta, ne ita hapýre mã to new to xĩncwẽnta.

⁴² Ne pê ajwar me cupê ihpore hamreare, me cumã hàmjõr xà caxuw. Ne ampo to quê me hũhkra kam hàmcwýrcatê ita mã amgõ? Mã me hũhkra kam hàmcwýr catê mã me caprĩ, mã cute ajwar me to tojnõ. Měr hõhõ, wa hame ahna acukij, měr jũm quê ha amji jirõa pê hakry, ne cumã to new catê ata kĩn? — hane.

⁴³ Mã Ximãw cumã:

— Imãa, pom cute to new catihti ata ri hakry — hane. Mã cumã:

— Ýhỹ, ate to hamãar ne harẽn — hane.

⁴⁴ Ne Jeju cahãj ita wýr ipipkjêr ne Ximãw mã:

— Cahãj ita pupu he. Wa ixàr, ca ate ihkĩnte nee imã cô kwý nare, ite to ipar tũm cuhhõn xà caxuw, mã quêt cahãj ita te intocacõa to imã ipar cuhhõn, ne ihkĩa to imã incrà.

⁴⁵ Wa icator, ca nee ate ihkĩnte ijũhkra na ipyr nare, ne nee ate ipãr nare. Mã quêt cahãj ita te nee ipar pãr jicu nare.

⁴⁶ Ne nee ate ihkĩnte imã ikrã caxuw ampo cacõ cuxwati nõ jõr nare. Ne cutea ri quêt ipar kam ampo cacõ cuxwati jaxwýr.

⁴⁷ Ýhỹ, he ampeaj kam wa me amã awjarẽ, Pahpãm te cahãj ita to impej ne cute to kên catihti ita to tojnõ, ne hucu, cwýrjapê ri ampeaj kam cumãPahpãm kĩn. Ne jũm te Pahpãm to kên

crire ata, quê ha cute cumã to tojnõ na, quê ha kyre pê cumã Pahpãm kîn — hane.

⁴⁸ Ne Jeju cahãj ita mã:

— Ite ramã ate ampo to Pahpãm to kên ita to tojnõ ne hicu — hane.

⁴⁹ Mã me hàpàn xà na mehrĩ atajê te me amji mãharên kam mehtêm, ne me amji mã:

— Pÿhàpà, jũm xũmre mã ajte, mã ihtÿj cute jũm te Pahpãm to kên ita to tojnõ nehicu? Côt mã cupê Pahpãm? — hajÿr.

⁵⁰ Mã Jeju cahãj ita mã:

— Ampeaj kam ate ito amji mã ahimpej, cwÿrjapê ri Pahpãm te apytàr. Na ca ha apej pèa mã mō — hane.

8

Pê pyjê kwÿ Jeju kôt ipa

¹ Pê amcro nõ na, ma Jeju krĩ jàhtôa kôt mō, ne ma krĩ wên kôt me hapôj to me mō, ne Pahpãm pê Pahhiti na harên xà impejti atajê jarên to mō. Pê ajco ihkôt me ipa catêjê te tôxi atajê ihkôt me mō.

² Pê hanea ne pyjê kwÿ cahãj tète Jejume pahcurê xwÿn carō kên kwÿ japôj atajê me, hà kwÿ na me caprà atajê me, ihkôt me mō. Atajê japÿrê pê hane he: Marij Matarkwÿj, pom pê Jeju cupê me pahcurê xwÿn carō kên te xet japôj ata me,

³ Jowanakwÿj pê Cuxa pê pahhi Heroti mã hàpêncatê ata me hĩxi me, Xuxankwÿj me. Mehkwÿ jàhtôa itajê pê ihtÿj ajco me Jeju tehcajpa, ne pyjê atajê pê ihtÿj Jeju kôt me ipa catêjê

ajco me hamār to me ipa, ne me hàhcukrêj to mehtehcajpar to me ipa.

Ampo hy kre catê jarên xà

⁴ Ỡhỹ, pê krĩ jàhtôa pĩn, cute me Jeju pupunprãmte, me cuprô. Mã Jeju ame cumã ampo to hahkre, neme cumã hũjarên xà jarê, quê mempar to impeaj ne, ne me cumã:

⁵ — Ỡhỹ, ampo hy kre catê ma hõ pur wỳr tẽ. Ne hỹrmã cator, ne ampo hy kre to mỗ. Ne pê ihkre xà ata hane he, pê cama ihcahkũm to mỗ. Mã hamre, ampo hy itajê kwỳ prya kam ipijaxwỳr, mã incwỳar pê me pra, mã hanea ne pryara te ihkwỳ krêr, mã hamre.

⁶ Mã ampo hy ita kwỳ pjê kam kěnti ata kam ipijaxwỳr, ne huprãj pê incrà pyrentu. Ampo na? Kěnti kam pjê ita pururure, ne incràre, ne nee inco nare, na ri incrà ne hamre.

⁷ Ne ampo hy ita kwỳ hõmjĩ me hipe kam ipijaxwỳr itajê, hipe me ajkaam huprãj. Mã hipe te hipej, mã hamre.

⁸ Mã hõtpê ampo hy ita kwỳ pjê impejti kam ipijaxwỳr, ne huprãj, ne cati to mỗ, ne ipicaměn to mỗ, ne apu ihkà, ne hàhtôa to hàhtô. Ỡhỹ, ca ha me ikam gapac to impejti na, ca ha atỳj me hahkre pej — hane.

Ampo hy kre catê jarên kôt harên xà

⁹ Mã me cumã hũjarên jirô pê, ihkôt me ipa catêjê te mehcukij, ne me cumã:

— Ỡhỹ, ampo to mã ca ame imã hahkre? Gũjarên xà jũjê to mã ca ame imã awjarê? — hajỹr.

10 Mã Jeju me cumã:

— Ỹhỹ, quê ha catyt kam Pahpãm me amã ampo cunea to hahkre, ne me amã to capô to impej partu ne. Ne pom Pahpãm me apê ampo cunea jarên to amxu atajê, quê ha me amã harên to capô partu ne. Na wa ha nee jũmjê atajê mã hirã pê ampo itajê to hahkre nare, wa ha cama me cumã hũjarên xà itajê incwÿrpê harên to ipa, mår quê ha cama me ikampa, ne nee me hahkre pej pej nare, ne me rît, ne nee me ampo pupun pej nare.

11 — Ỹhỹ, wa ha me amã cõjkwa kam Inxũ Cati himpej xà jũjarên xà pê ampo hy kre catê jarên xà itajê capô pa. Ne pom ampo hy itajê pê ihhêj rũm Pahpãm jarkwa pyrãac, ne pom pjê kam ipijaxwÿr itajê pê ihhêj rũm, mehĩ pyrãac.

12 — Ne pom pry kam ampo hy pijaxwÿr itajê pê ihhêj rũm jũmjêa pyrãc, ne cute me Pahpãm jarkwa par pyrentu. Ne me ahna ahtũm nare mã me pahcurê xwÿn te mentête Pahpãm jarkwa to pøj. Ne ampo na ri cute me to hajÿr? Quê nee hipêr me Pahpãm jarkwa kôt ame ipa nare to prãm to ri, cute me to hajÿr.

13 — Ne pom pjê kam kënti atajê pê jũmjê pyrãac, necute me Pahpãm jarkwa par, ne kam me hapac to impejti, ne hũrên ame hakry, ne me hũpar kam mehtêm. Ne me ahna ahtũm nare mã me pahcurê xwÿn te me capi, ne ame to kên, mã cute ahna ame amji jicu, ne me hamre.

14 — Hanea ne, pom hipe kam hõmjĩ kam ipijaxwÿr atajê pê jũmjê pyrãac, ne cute me Pahpãm jarkwa par pyrentu, ne me hũpar kam

mehtëm. Ne hanea ne me ahna ahtũm nare, mã me caxwãm pê mehkrihkrit te me kamihtëm, mã ihtyj amji to me hakràj cati prãm, ne me hakràj atajêa to hãn ne amji mã me amji kĩn ton to me ipa to prãm. Ne cute me hajyr itajê te me to hamre. Cwyrjapê, quê nee jũm ata ihkà ne ampo pejti ton nare.

15 — Ne pom pjê impejti kam ipijaxwyr itajê pê jũmjê pyrãac, ne cute me Pahpãm jarkwa par, ne me hũpar pyrentu, ne Pahpãm jarkwa kôt me mõi. Ne ihtyj harkwa kôt me hũcanãr to me mõi, ita kam cute me ampo pej jãhtõa ne me ton — hane. Hõ, Jeju te hũjarẽnto hajyr.

Hãhcujro xà jarẽn xà

16 Pê cormã Jeju me cumã:

— Yhỹ, jũ wyr quê ha jũm ihpõc xà nõ jãhcujro xà caxuw ihpõc, ne paraj krac ri hãm, nare pãrkwyc krac ri hãm. Quê nee jũm ihpõc xà nõ to hajyr nare. Quê ha quêt hãhcujro xà ata põc ne hãm xaa kam hãm, cute mehcujo mã mencjêj, ne me hãhcujro pupun prãmte.

17 Ne por jũ ri ampo pimxur atajê, quê ha ihtyj mehpro mẽ, ne me hõmpu. Ne hanea ne awcapãtkõ kam ampo pimxur atajê, quê ha ihtyj me hõmpu, ne me hãkre pej. Ampo na? Ramã hãhcujro xà ata teihcujo na ri, cute me hõmpun.

18 — Cwyrjapê ca ha me ikampa, ne ikam me gapac peaj ne. Pom ramã jũm mã ampo ata, quê ha Pahpãm cumã ata jirõa pê, hipêr cumã cugõ, ne por ramã jũm pê ampo kryjre, ne cupê

hamreare ata, quê ha ihtÿj hacpÿa mã Pahpãm cupê to pôj pa — hane.

Pê Jeju menxi me, mehkjêjê ahna me ahcukij

¹⁹ Mã hamre, Jeju menxi me, mehkjêjê me, hÿrmã me mõi. Ne jũ wÿr quê cute ahna me hipu tu ita kam hÿrmã me axà.

²⁰ Mã jũm te Jeju mã me harên to:

— Ỡhÿ, ihmát xà põi pê anã me, me akjêjê me, mehcuhê ne me gikaj, cute me amã mehcakôc prãmte — hajÿr.

²¹ Mã Jeju mehcunea mã:

— He quêt Pahpãm jarkwa kam me hapac catêjê me, me hÿpar to me ipa atajê pê ri ijõ inxê me, me ikjêjê — hane.

Pê Jeju kôcti to ankrê

²² Ne amcro nõ na Jeju pàr kre mã hàr, ihkôt me ipacatêjê me, mã me cumã:

— Hacme, ne hÿpôjikjê mã me rê — hane. Ne ma me mõi.

²³ Ne cormã me irêr to me mõi, mã Jeju jôt, mãkôc pahtÿjti te hàpêr kam ihtêm, mã ramã cô harô topra, ne ihtu to pra, ne ihtÿj pàr kre mã incjêj tõi mõi. Ne tàkam ry cute pàr kre to hipu to mõi, ne ramã mehkên mã me hàr xàa kam me mõi.

²⁴ Mã Jeju kôt me ipa catêjê ma hÿrmã me tễ, ne cute mehcujrôn, ne me cumã:

— Me ijõ Pahhi, cu ramã me papictor xàa kam me mõi — hajÿr. Mã Jeju jÿr, ne cutekôc me cô mã harkwa to:

— Me ankrê! — hajÿr. Mã pea kôc me cô pinkrên pyrentu, ne ihcunea pinkrên.

25 Mã ihkôt me ipa catêjê mã:

— Ampo na mã ca nee amji mã me ito ahimpej nare — hane. Mã cute amji mã me ipikrar crire nare, ne ame hūpa, ne me amji mã:

— Pÿhàpà, jũm xũmre mã ajte? Mã ihtÿj ajte kôc me cô te impar — hajÿr.

Pê Jeju hũmre nō kam me pahcurê xwÿn carō kên kwÿ caprã

26 Ne ma, Querat catêjê jō pjê kam, Hīpōjajo jō pjê jīkjê kam me cator.

27-29 Mã Jeju pàr kre pê cator pêê mã hũmre nōhÿrmã cator, ne cute ihcajpar. Ne pê kam me pahcurê xwÿn kwÿ carō kên jàhtōa ne cumã acjêj ne kam ihkrī. Cwÿrjapê pê ihcacrô apu ipa, ne nee ihkà kam apu ipanare, ne nee ikre nō kam ihkrī nare, ne ma me harêt xà, pê kên kre kam pê ihkrī. Ne pê ramã me pahcurê xwÿn carō kên itajê, hũmre ita mã incjêj to hàhtōa to hàhtô, ne ihtÿj ajco cute amji to kên na cumã hũjahkre to ipa. Pê amji caprÿ to mehũkjê atajê ajco mehpro, ne wakÿre teme huwapre xà to me hũhkra me, mehpar juwapre. Pêajco ampo carō kên atajêa me cumã hirên pa, ne ma pō mãhaprô ne ajco to ipa. Mã Jeju te hũmre nō ata kam me pahcurê xwÿn carō kên pupun, ne cupê cator na cumã harkwa hyr. Mã hamre, hũmre ita te Jeju pupun, ne cute caràr kamihtēm, ne cuna mã ihpÿm, ne kÿj cati pēa mã cumã:

— Pahhiti me hirōa pê cati kra pê Jeju, ampo to ca ha me imã? Wa ha me awÿ, ca nee ame ito kên nare — hajÿr.

30 Mã Jeju te ihcukij, ne cumã:

— Jũ mã mã gaprý te? — hajÿr. Mã Jeju mã:

— Ijapry te Me Hàhtôti — hane. Ne ampo na pê amji jarên to hane? Pê ramã me pahcurê xwÿn carõ jàhtôa ne hũmre ita mã acjêj, na pê amji jarên to hane.

³¹ Mã me pahcurê xwÿn carõ kên itajê kwÿ Jeju naahwÿa to ahwÿ, mãr quê nee pjê ata tête ihkãkãnti kam cuhyhti ata wÿr mehkujahêc nare.

³² Ne pê curia hàhkà jakôt na crô hàhtôa ne apu hàpàn to ipa. Mã ampo carõ kên atajê te cumã incjêj prãmte ahna Jeju wÿr, quême to tojnõ, quê crô atajê mã ame acjêj. Mã Jeju te ahna me cumã harkwa, ne me to tojnõ.

³³ Mã me pahcurê xwÿn carõ kên jàhtôti atajê cuneame hũmre nõ ata pê cator, ne ma crô mã incjêj. Mã ma cô mã ihprôt, ne hàpkàjti pñ hĩpô kam ihpÿpÿm, mã cô te hipej tu.

³⁴ Mã crô jamãr catêjê te ita pupun, ne ampeaj kam me cumã hũpa. Mã ma hũpate me pra, ne pryne, pur me, krĩ kôt ame harên to me ipa.

³⁵ Mã cute mempar catêjê ma Jeju pupun prãmte, ma hÿrmã mehprôt. Ne me cator, ne ahna mehàhtêp, ne cute me Jeju te hũmre intête me pahcurê xwÿn carõ kên to pøj ata pupun, ne hõmpun xà ata to amji mã me ipikrar crire nare, ne me cumã hũpa. Ampo na? He hũmre ita aracriihkàa kam ihcarĩcti jÿ, Jeju cahê na.

³⁶ Mã cute me ampo ata pupun atajê te mehcunea mã Jeju te hũmre caprãr ata na harên.

³⁷ Mã Querat catêjê jõ pjê kam mehcunea mehkrĩ atajê mã Jeju jũpaa to hũpa, mã cute me

hō pjê pê cator na hàhwỳr. Mã Jeju pàr kre mã hàr.

³⁸ Mã hũmre pê ampo carõ kên japôj ata te Jeju nahàhwỳr, ne cumã:

— Ito tojnõ, wa akôt mō — hajỹr.

³⁹ Mã Jeju cumã:

— Hãpà, ca ha amji jaxà, ne ma gũrkawwỳr tẽ, ne me akwỳ wỳr acato, ne me cumã Pahpãm te ato impej na amji jarẽ — hane. Ne ma ihkôt me ipa catêjê me, me mō. Mã ma hũmre ita krĩ cunea kôt Jeju te cumã ampo pejti ton xà ata na me cumã amji jarèn to mō.

Pê Jajrô ihkra caxuw Jeju mã akij

⁴⁰ Mã ma Jeju te hĩpô jĩkjê wỳr amji jaxàr. Mã curi mehcunea jàhhuc. Ne por curi ame Jeju jikaj to me ipa atajê, cute amji jaxàr xà pyrên ame hakry.

⁴¹ Mã hũmre nō japrỳ te Jajrô hỹrmã cator, ne cupê Juta catêjê te me cuprôn xà kam me to ihhimpej catê, krĩ ata kam. Ne Jeju wỳr cator, ne cuna mã ihpỳm ne cute ahna hàhwỳr, mār quê hũrkwa wỳr mō.

⁴² Ampo na ri cute to hajỹr? Nee mã ampo na nare, cumã ihkra cuprỳre pyxit peaj na caku te tôxi ata caxuw ri, cute tohajỹr. Pê cupê hà ne ramã ihtyc xàa kam nō na pê. Mã ma Jeju ihkôt mō. Mã me hàhtôa ne ihkôt me mō, ne me hĩ to amji wỳr me Jeju kujahêc to me mō.

⁴³ Mã me hàhtôti ata catàtkre na cahãj nō ata cator, nepê cahãj ata ramã hà ita na ahna caku tôxi, mã hà ita na ipa. Pê ajco caprô ajxwỳ, pê ramã amji na caj jàhtôa ne cumẽ, pê tee ame

caprã, pê nee impej nare. Pê cama amji na ramã hõ pore cunearën pa, ne nee impej nare.

⁴⁴ Ne Jeju kôt mō, ne cute ahna hàhtêp tu, ne hõkôt ahna hitô kà cyt. Mã caprô crã pyrentu.

⁴⁵ Mã Jeju te mehcukij to:

— Jũm te mã ikà cyt? — hajÿr. Mã mehcunea amji na me hàprãr pit, mã Petrô cumã:

— Pÿhàpà me ijõ pahhi, pom mehcunea apu ajpẽnwÿr me hĩ to me akujahêc to me ipa ita? — hane.

⁴⁶ Mã Jeju me cumã:

— Jũm te icyt, mã ipê icarôt cator, wa ite amji cajpêr — hane.

⁴⁷ Mã cahãj ata te cupê amji to ipimxur nare na amji jahkre pej, ne mã Jeju wÿr ihtertet to mō, ne mehcunea jipôc ri, cuna mã ihpÿm, ne cute ihcyt na cumã amji jarën.

⁴⁸ Mã Jeju cumã:

— Ikra, ca ate ito amji mã ahimpej to hajÿr, cwÿrjapê ri ramã apej. Na ca ha apej pêa mã mō — hane.

⁴⁹ Ne cormã Jeju apu cumã ihcakôac kam, mã Jajrô wÿr cumã hàpên catê ata cator, ne cumã:

— Ijõ pahhi, hamre, ramã akra cupÿre ata tyc, na ca ha nee hipêr apu Jeju cahpêrkâr to amõr nare — hane.

⁵⁰ Mã Jeju te kam hapac, ne Jajrô mã:

— Apu pa nare, ne cama ito pit mã amji mã ahimpej, quê ha ihtÿj amã akra impej — hajÿr.

⁵¹ Ne ma curi Jeju cator, ne amji kôt Petrô me Jowãw me Tijac me, me to hàr, mã nee mehkôt hũm me inxi me, jũmjê xàr nare.

52 Pê mehcunea ikre kam ame amrã, ne me hàhkrihkrit catia to cati, pê ramã cuprÿre ata ty na pê ame amrãhti. Mã Jeju te me cumã:

— Hamre, me acwÿr jicu, he nee cuprÿ ita tyc nare, ne cama nõ ne gôr — hajÿr.

53 Mã mehcunea, cute me cuprÿ ata tyc na mehahkre peaj xà na ame cumã.

54 Mã Jeju hÿrmã mō, ne cute hÿhkra na ipyr, ne kÿjcati pēa mã cumã:

— Cuprÿ ita, to xa! — hajÿr.

55 Mã cuprÿ ita hacpÿa mã ihtÿr, ne hãm pyrentu. Mã Jeju te cumã harte na me cumã harkwa.

56 Mã hÿm me inxi te amji mã ipikrar, ne me cumãpaa to pa, mã Jeju te me cumãn, quē nee jÿm mãhacpÿa mã cuprÿ ita tÿr na me harēn nare.

9

Jeju kôt me ipa catêjê te tôxi jàpên xà

¹ Amcro nõ na Jeju te ihkôt me ipa catêjê mã hàkjêr, ne cute me cumã harkwa hyr to:

— Ca ha ma krÿ kôt me ajcrà, ne me kamme pahcurê xwÿn carō kên atajê, ca ha mentête mehcunea japôj, ne me hà catêjê cunea caprã — hajÿr. Ne cute ampo na me cumã hÿjahkre atacaxuw carôt tÿj catia ne hōr.

² Ne cute me cumã harkwa, quē mehcunea mã Pahpämpê Pahhiti na me harēn to me mō, ne hanea ne me hà catêjê caprãr to me mō.

³ Ne cute me cumã harēn to hajÿr he:

— Ýhÿ, ca ha nee amji mã ampo catia tur nare. Ne nee pÿ cajrer to ame aprar nare, ate ahna me

amji cajpar xà caxuw. Ne nee akàhà me, me gõ me, ihpore to me aprar nare. Caha me akatkà pyxít peaj to me pra, ne nee amehkwý incwýr nare.

⁴ Ne ca ha jamã ne krĩ mã me gapôj, ne jũ ri ikre kam, cute me guwahi xà ata ri ame apa, ne ahnaa krĩ ata pê me gapôj.

⁵ Quê ma krĩ nõ kam ame acurê, ca ha cupê me gapôjpyrentu. Ne me gapôj xà wýr hãn ne me apar tête me pro jacrô capĩ, ne me hũrê. Ne me hũrêan kam me cumã gũjarên to hane he: “Ïhỹ, ca nee me gũpar nare, ne nee me ipar nare ijũjarên xà ita na, cwýrjapê wa ha nee hipêr ita ri ame imõr nare!” hane — hajýr.

⁶ Mã ma ihkõt me ipa catêjê cahkũm, ne ame pra, krĩ kryjre cunea kõt, ne me Pahpãm jarkwa pejti jarên to ame ipa. Ne pjê cunea kam me hà caprãr to me ipa.

Pahhi pê Heroti pê amji jahkre kêatre

⁷ Pê Heroti pê Hĩpôjajo jõ pjê jõ pahhi, ne ajcoJezu te Pahpãm carôt kõt ampo pihho jàhtôa ne ton atajê na harên pa. Nehũpar xà atajê na, cupê amji jahkre kêatre. Pêajco ame cumã hũjarên to hane he:

— Ïhỹ, Jowãw xwý te mecumrãr catê ri hacpýa mã ihtĩr — hane.

⁸ Pê ajco mehkwy me hũjarên to, quê Erij xwý te riamji pêr, nare, mam Pahpãm jarkwa to ihcakôc catê nõata mõrmõ hacpýa mã ihtĩr.

⁹ Pê pahhi Heroti ajco taa amji mã:

— Pýpýn, pê wa pa Jowãw xwý krã jakep na ijarkwa ta, pê me hakep ta? Ne mër jũmxũmre

mã ajte? Pom wa ampo itajê na harên pa ita? — hane. Ne tee pahhi Heroti apu Jeju pupun prãm.

Pê Jeju me hàhtôa mã harte

¹⁰ Mã ma Jeju kôt me ipa catêjê te me amji jaxàr, neJeju mã cute me ampo cunea ton atajê name amji jarên partu. Mã ma Jeju te me haprôr, krĩ jacot japrÿ te Tep jô krĩ ita wÿr, ne ahte curi ame ipa xà.

¹¹ Mã me hàhtôti atajê te mempar, ne ma mehũnâr. Mã Jeju te ihtÿj me ahna amji caxàr, ne mecumã Pahpãm pê pjê cunea jô Pahhiti na harên, ne cuteme amji caprâr prãm catêjê atajê caprâr.

¹² Mã ramã caxwa xàa kam, mã ihkôt me ipacatêjê te tôxi atajê ma hÿrmã me pra, ne me cumã:

— Ýhÿ, ca ha me cumã quê ame ajcrà ne ihtÿj ame pra, me pahcahê na krĩ kryjre apu ihcuhê itajê kôt, ne curia quê ha ame apà, ne curia ame ahtwÿ, nãmri ita ri pō pê ampo hamreare — hane.

¹³ Mã Jeju me cumã:

— Ca ha me caa me cumã harte — hane. Mã me cumã:

— Pÿhàpà, ampeaj kam me hàhtôa to mehàhtô, ne me pamã kwÿr te pro te xĩc peaj ne tep pijakrut peaj ita kam, jũ wÿr quê me catwÿ. Ca ha pijamã me hàhtôtiitajê mã ite ihpore to me hō japrôr na me ito? — hane.

¹⁴ Pê curi me hũmre me hàhtô na me mir to xĩc, mã Jeju te ihkôt me ipa catêjê mã harkwa hyr, ne me cumã:

— Ame cumã, quê ame amji jakrã ne amehkrĩ. Quê ahpÿanre na ame xĩncwěnta partu ne amehkrĩ — hajÿr.

¹⁵ Mã ihkôt me ipa catêjê te mempar, ne cute mecumã, mã cute ahpÿanre na me amji jakrã ne amehkrĩ.

¹⁶ Mã Jeju te kwÿr te pro te xĩc itajê, me teppijakrut atajê incwÿr, ne kàj mã cõjkwa wÿr to irĩt, ne Hũm Cati mã to ihcakõc. Jirõ pê mã ri cute kwÿr te pro kryj, ne tep pijakrut ita kryj, ne ihkôt me ipa catêjê mã hõr, mãr quê ame cumã me cugõ. Mã cute ame cumã me hõr.

¹⁷ Mã amehcunea jàpàn, ne ame harte partu. Mãihkôt me ipa catêjê te me hõ cahhur to me kàhà to tôxi ne me to hipu.

Pê Petrô Jeju jarê

¹⁸ Ne amcro nõ na Jeju ahte mehwÿ to pit mã cator, ne apu Hũm mã ihcakõc, mã ihkôt me ipa catêjê te me hàhtêp. Mã cute mehckuj, ne me cumã:

— Jũ mã mã me hàhtõtĩ atajê ito amji kam me hapac to? — hajÿr.

¹⁹ Mã me cumã:

— Mehkwÿ me garěn to, apêJowãw xwÿ te me cumrãr catê ata, ne mehwÿ me garěn to, apê Erij pê rÿ pëa mã Pahpãm ihtĩar to api ata, ne mehwÿ me garěn to, apê mam Pahpãmjarkwa to mehcakõc catêjê nõ, ca hacpÿa mã atĩr — hane. Mã Jeju me cumã:

²⁰ — Ne me ca? Jũ mã mã ca ito amji kam me gapacto? — hane. Mã Petrô cumã:

— Apê Crixtô, ne apê, pom pê Pahpãm me panquêtjê mã jũm to awjahkre ata mã ca — hane.

Pê Jeju ihtyc xà me hacpÿa mã ihtĩr xà na amji jarẽ

²¹⁻²² Mã Jeju te me cumã harkwa hyr, ne me cumãn, quê nee cormã ne jũm mã ita na me harẽn nare, ne hanea ne me cumã:

— Ýhÿ, wa ha ipê me Ahàkà cati, cormãjũmjê jũhkra kam amji pupun xà kêanre to amji pupu. Quê ha Juta catêjê pê prohkam atajê ma ame ipê Ahàkà curê. Quê ha hanea ne me cuxà Pahpãm mã mehcajrẽn catêjê jô pahhi kwÿ me, me cumã Mojxe xwÿ jô kàhhôc to hahkre catêjê me, ma ame icurê. Quê ha me Ahàkà ty, ne ahna amcro incrê jirô pê hacpÿa mã ihtĩr. Na wa me amã awjarẽ.

²³ — Ýhÿ, quê ha jũm mã ikôt amji ton to prãm na, quê ha amjia kôt apu ipa jicu, ne ikôat amji kampa, ne icuxà amji mã ihtyc cupa nare to ipa. Quê ha jũm ata pê ihhêj rũm cuteamcro cunea kam hõ pĩ na ihtyc xà ata japjêr to ipa.

²⁴ — Ýhÿ, quê ha jũm te amji to ipijapar prãm to, cama apu amji jamãr to ipa na, quê ha ihtÿj ty. Ne por quê ha quêt jũm icwÿrjapê ty ata, quê ha icahê na ihtĩr na ipa rohnÿtti mã.

²⁵ — Xà quê ajkĩ jũm pjê cunea kam amji mã ampo pejtiaatajê cunea to hõ tekjê xà caxuw to cuprô, ne nee iràn xà na Pahpãm to amji kamhacpac nare, ne ihkaj na apu ipa ne ahnaa ty, quê ha pijamãcute ampo pejti to cuprôn atajê cunea, ihtyc jirô pê ihtehcajpa? Hãpà, quê ha

cama amji to acto, ne nee Pahpām cahê na amji to ipijapar nare.

26 — Ne por quê ha jūm ijū na apu ihpahàm, ne hanea ne ite ampo to hahkre xà ita jū na apu ihpahàm na, quê ha ipê me Ahàkà hanea ne jūmita jū na apu ihpahàm. Por cōjkwa pīn me Ahàkà te Pahpām pē Pahhiti mā me ipijapu catêjê jàhcujro impejtī ata to cute amji jaxàr xà ata kam, quê ha hanea ne apu jūm ita jū na ihpahàm.

27 — Ýhỹ, me ikampa, ne me ipar xà ita to amji japackrea ne, he wa nee me amã ihêj xi xàa jarēn nare. He ca ha me anō atỳj atīar kamPahpām te ihhimpej xà ata na hōmpu ne cormã ty — hajỹr.

Jeju me Mojxe xwỳ me Erij

28 Ne amcro te xet jirô pê, Jeju te Petrô me Jowãw meTijac me, me haprôr. Ne ma kēn nō ita wỳr me to mō, ne cute Pahpām mā ihcakôc prãmte, hàhkà jakôtti nōna me to hàpir. Ne curia Hūm Cati mā ihcakôc, mā ihkôt me ipa catêjêjõttxwa te me kam ihtēm, mā ihtỳj me hikwa ne ame gōr.

29 Mã cormã Pahpām mā ihcakôac kam, Jeju kuc pintuw ne ihkà te amji to hakati, ne ihpràti.

30 Mã cōjkwa pīn me hūmre pijakrut pē Mojxe xwỳ meErij te amji to me ipipê, ne me cumã ihcakôc kam ihtēm.

31 Ne pē ajwar mempeaj to mempej, ne me ipu na cōjkwa pīn hàhcujrohti ita impejtī. Ne ame Jeju mā, por quê ha putwrỳ nō naKrīpinkrên kam ihtyc xà ata to mehcakôc.

³² Mã Petrô na mehkwy ramã ame hõtswa mã ame hikwa, ne amentohkà to ipijapyn, ne ihprõt pê ame ipimprar, ne cute me Jeju jâhcujrohti ata pupun, ne hanea ne cahê na ajwar me xa atajê pupun.

³³ Mã me hũmre pijakrut atajê te me Jeju mã ihcakôc jicu xàa wÿr, mã Petrô te Jeju mã:

— Me ijõ Pahhi, ita ri me pahkrĩ na ri imãaimpejti, na wa ha me amã ikrere nõ xãm, neMojxe xwy mã mehnõ xãm, ne Erij mã mehnõ xãm — hajÿr. Ne pê Petrô ihtÿj xa ne apu ihcakôc, ne nee ihcakôc xà ata na amji par nare.

³⁴ Ne cormã Petrô apu ihcakôc kwÿa kam, mã ahcacrãcator, mã ihkôt me ipa catêjê mã ampeaj kam ahcacrã temehpro ata cupa.

³⁵ Mã ahcacrã pĩn cute me jũm jõkre ata par, mã mecumã:

— Hũmre ita pê ikra. Pom pê wa amji mã capi ata. Ne quê hãn ne ihcakôc, ca atÿj me kampa — hajÿr.

³⁶ Ne ihkêt, mã mehcarĩcti, mã ihkôt me ipa catêjê te me Jeju pit pupun, ne nee cute me amcro atajê nõ na, jũm mã cute me ampo pupun xà ata jarên nare.

Pê Jeju ahkrare nõ caprã

³⁷ Ne amcro nõ na, hàhkà jakôt pê me iwryc, mã mehàhtôa ne cute me Jeju cajpar.

³⁸ Mã me hàhtôti atajê jipôc ri me hũmre nõ ata te caràr kam ihtêm, ne kÿj cati pêa mã Jeju mã:

— Pahhi! Wa ha icãmter caxuw ana ahwÿ!

³⁹ Nãmri ampeaj kam ikra pyxit peaj ata kêan to kêan. Pê me pahcurê xwÿn carõ kêan nõ ihpro,

pê mõi pejti kam, ihprõt pê caràr kam tẽ, ne amji rẽn kamtẽ, ne ajco ihhàr to ipa, ne apu catàt tỳj, ne harkwa nahàmprô. Ne ampo carõ kên nõ ita apu to kêanre, mã amji cahhy, ne nee jũ caxuw rỳ cute to tojnõ nare.

⁴⁰ Ne wa ramã amji caprỳ to ite akõt me ipa catêjê mã harẽn ne me ahna ijàhwỳr, cute ampo carõ kên ita to pøj prãmte, mã nee cute me to pøj nare. Ne jũ wỳr quê ame amji mã hamã, ne intête me cator — hajỳr.

⁴¹ Mã Jeju me cumã:

— Pỳhàpà, ampeaj kam ri pjê ita kam, meacunea kêanre. Ca nee ajte ito amji mã me ahimpej nare ita kam, xà wa ha itỳj ajkĩ me amã awcanã? Jũ mã wa haajte ne awcanã, ne me acahê na jũ mã amji to amcro to? — hane. Ne cute hũmre ata mã:

— Ajpên acãmter to mõi — hajỳr.

⁴² Mã cute Jeju wỳr me haprôr, mã me pahcurê xwỳncarõ kên ita te hipêr pjê kam ihkra ita mẽn. Mã Jeju te carõ kên ita mã harkwa hyr, quê cupê cato. Mã hamre, cupê cator pyrentu, mã ihkra ita capên pyrentu. Mã Jeju te hũm mã hõr.

⁴³ Mã mehcunea te Pahpãm carõt catia ata to amji mã me ipikrar.

Pê Jeju hipêr ihtyc xà na amji jarẽ

Ne ma cormã Jeju te ampo ton xà ata to me amji mã me ajkra, mã Jeju te ihkõt me ipa catêjê mã hũjarẽn to hajỳr he:

⁴⁴ — Ỡhỹ, ikam me gapac to impeaj ne. Quê ha jũ caxuw jũmjê ihtỳj Ahàkà cati curê xwỳn jũhkra mã me cugõ — hajỳr.

⁴⁵ Mã nee cute me ita par pej nare, ne nee me hahkre pejnare. Cute me hahkre pej xà ita me cupê ipimxur tu ne nōita kam, jũ wÿr quê me hahkre pej. Ne mehpahàm cupate nee cute ampo ata na me Jeju cukij nare.

Pê Jeju amji jirôa pê jũm cati kôt harê

⁴⁶ Mã ihkôt me ipa catêjê te ajpên jirôa pê me cati to ajpên mã mehçakôc kam mehtêm.

⁴⁷ Mã Jeju te ramã, por ampo to ame amjikampa ata na me hahkre pej. Na ri cute ahkrare nō ita pÿn, ne amji cape na hãm, ne me cumã:

⁴⁸ — Ỹhÿ, me ahkrare nō ita pupu he, increire ne capônÿre. Ne imã quêt ahkrare ita cati, ne ihkînte me acunea kryjre. Ne quê ha jũm te icwÿrjapê ahkrare nō ita na amji çaxàr na, quê ha hanea ne ina amji capa. Ne quê ha jũm te ina amji çaxàrna, quê ha hanea ne cute ajpên ikujahêc catê ata na amji capa. Ne por me akam me gapyre mã mehkryjre atajê ri, imã me catia to me cati — hajÿr.

Jeju tehçajpar catê nō

⁴⁹ Mã Jowãw Jeju mã:

— Ỹhÿ, me ijō Pahhi, wa ite me hũmre nō ita pupun, mã ihtÿj gaprÿa to ame pahçurê xwÿn çarōkên to pōj to mō. Wa ite ahna me hōmpun ne me cupê ihçahpêrhÿr. Ampo na? Nee cupê me pahkwÿnare na ri — hane.

⁵⁰ Mã Jeju me cumã:

— Nee ca me jŭm ita cahpêrhyr nare. Ampo na? Quê ha jŭm nee ame ato kên nare na, quê ha ihtÿj me atehcajpar to ipa — hane.

Pê jŭmjê itajê nee Jeju na me amji caxàr nare

⁵¹ Mã ramã còjkwa wÿr Jeju jàpir xà jŏ amcro na hàhtêp to mŏ. Cwÿrjapê ri Jeju te Krîpinkrên wÿr amji kràr.

⁵² Ne cute mam ihkôt me ipa catêjê nŏ kujahêc. Ne ma me mŏ ne Krîrîtpej jŏ pjê kam, krî jacot ata na me cator, cute me hàhhuc xà to me hàhcuprôn prãmte.

⁵³ Mã xãmte curi mehkrî catêjê atajê ma ame Jeju naamji caxàr caca. Ampo na? He cute me Jeju te Krîpinkrên wÿr ihkràr na me hahkre pej na ri. Pê ajco Krîrîtpej jŏ pjê kam mehkrî catêjê atajê ma ame Juta catêjê curê, na pê ma ame Jeju na me amjicaxàr caca.

⁵⁴ Mã Tijac me Jowãw te ita na mempar, ne me Jeju cukij to:

— Xà ajkî amã ite còjkwa pîn cuhy pÿm na ijàhwÿr, mã cute krî ita kam mehcunea to caxàr na meito prãm? — hajÿr.

⁵⁵ Mã Jeju ihkôt me ipa catêjê wÿr ipipkjêr, ne hŏtpê me kam incàcàcre, mã me cumã:

— Me apê ite amji kam ijapac xà na ijahkre kêatre. Ampo na? He nee me Ahàkà ita me hipejxà caxuw meh wÿr cator nare, ne me hÿtâr xà caxuw ri meh wÿr cator — hane.

⁵⁶ Ne ma krî jacot nŏ ita wÿr me mŏ.

Pê Jeju kôt mehkwÿ ame ipa prãm

⁵⁷ Mã Jeju ihkôt me ipa catêjê me, me mŏ, mã mam jŭm xŭmre nŏ me hÿrmã cator, ne Jeju mã:

— Ÿhÿ, wa ha itÿj ma akôt mō, ca ha jÿ ri tē, wa ha ma akôt tē — hane.

⁵⁸ Mā Jeju cumā:

— Xà ca ha pijamā awcanā? He hōtpê xore mǎihkre, mā kam ihkrī, ne hōtpê cuwênre mā hahê, mā kam hikwa, ne ihkīnte ipê me Ahàkà pē hÿrkwa kam hàhhuc xà caxuw hamreare — hane.

⁵⁹ Ne ihkôt Jeju te ihnō cator ata pupun ne cumā:

— Mēr ikôt mō — hajÿr. Mā cumā:

— Wa ha itÿj akôt mō, mēr ito tojnō wa ha ma amji jaxà, ne inxÿ tyc xà na hōmpune harêt, ne cormā me akôt mō — hane.

⁶⁰ Mā Jeju cumā:

— Quêt taa ty, quê ha mehtyc catêjê kwÿa me harêt. Ne ca nare, ca ha quêt ikôt tē, ne me cumā Pahpām pē pjê cunea jō Pahhiti na harên to mō — hane.

⁶¹ Mā jÿm xÿmre nō mehkôt Jeju wÿr cator ne cumā:

— Ÿhÿ, wa ha ma amji jaxà ne tē, ne inxême inxÿ mā amji jarē, ne me akôt imōr pyrentu — hane.

⁶² Mā Jeju cumā:

— Quê ha jÿm hàpên xà kam apupjê to ipip-kjêr to ihcuhtacti to mō, ne hacpÿ mǎamji jahpan xà rīt, ne amji pē to hikôt, ne ahna cupê ihkaj na. Jīkjê na quê hajÿm te Pahpām pē Pahhiti ata mā hàpên kam ihtēm, ne cumā hàpên cahtiri cute hicu na, quê ha nee jÿm xÿmreata Pahpām mā hàpên xà caxuw impej nare — hane.

10

Jeju kôt me ipa catêjê kwỳ jàpên xà

¹ Ita jirô pê mã pê Jeju me hũmre to xetēnta ne ihkôt me to ajkrut ne me capi, cuteamencràn xà caxuw. Ne cute me hũmre to ipijakrut partu neamehkujahêc par, quē mam ame pra ne krī cati me krī jacot cunea kôt, por jũ ri Jeju apu ipa prãm ata wỳr, cute amji cumam amehkujahêc.

² Ne me cumã:

— Ỡhỹ, pom me gápên xà pê Pahpãm wỳr ate me to apipkjêr xà ita pê arỳjhy intep to cuprôn xà pyràac. Ne pur catia to cati, neramã inteptu, ne cute me to cuprôn catêjê ri cormã mencre. Cwỳrjapê ca ha me pur catihtu to hũ tekjê ata na ahwỳ, quē hipêr meamã me to cuprôn catêjê kwỳ kujate.

³ Ne wa ha me ato ampo pryre capônỹreatajê kra pyràac, ne rop cahàc jàprêhti atajê cajpuw me akujate.

⁴ Ca ha nee ame kàhà cwỳr nare, ne nee amehpore incjên xà me, ihpar kà incwỳr nare. Ne me acatyatre na krī wỳr me pra, pom ite me amã krī to ihmpej xà atajêa wỳr. Ne nee prykôt ame gàhhuc, ne cama ame acakôc to me apa nare.

⁵ — Ne ca ha krī ata kam ikre nũ mã axà, ne mehcajrên, ne me cumã: “Hàpà, quē ha Pahpãm ikre ita kam me ato impejti ne, ne me acaxwãm pê me ato acarĩcti ne” hane. Quē ha jũmjê nee cumã amji caxwãm pê amji carĩcti na prãm nare na, quē ha ate mehcajrên xà ita hacpỹa ne me awỳr amji jacjê.

⁶ Ne por curi me gâhhuc xà nõ ata ri, quê ha jũmjê mã amji caxwãm pê amji carĩcti na prãm na, quê ha Pahpãm ihtỳj jũmjê itajê to mehcarĩcti ne.

⁷ Ca ha ikre ata kam me ahtwỳ, ne kaam me apà, ne kaam me ikõ, ne por cute me amã me hõ jõr atajê, ca ha atỳj me ku. Me apê me gâpên catêjê, ne me hâpêncatêjê cunea hõtpê ihtỳj me hâpên jahpan xà na me apà, ne me ikõ. Ne ikre kam me gâhhuc xà ata ca ha kam me gâhhuc tu, ne neeatỳj ihkwỳ kôt ame gapôj to me apa nare.

⁸ — Ne hãn ne krĩ atajê mã me gapôj, quê meana me amji to pôj, ne me amã ampo gõ atajê, ca ha atỳj me ku.

⁹ Ne curia krĩ kam me hà atajê, ca ha atỳj me caprã, ne krĩ kam atajê cunea mã atỳj gũjarên to hane he: “Ỗhỹ, por Pahpãm pê Pahhiti te pjê to ihhimpej xà ata ri, ramã hàhtêp” hane.

¹⁰ Ne ca ha jũ ri krĩ nõ kam me acato, quê jũmjê mehkĩnte curi mehkrĩ catêjê ma ame acaca, ne nee me ana amji caxàr nare na, ca ha krĩcape wỳr me gapôj, ne me cumã gũjarên to hane he:

¹¹ “Me amã me ipar prãm nare ita kam, wa ha itỳj me ipar tête pro jacrô jũrê, ne me acunaa mã me gõ krĩ ita jacrô capĩ. Quê ha te meamã me ipar prãm nare cakrô, ca ha atỳj Pahhiti tepjê to ihhimpej xà ata te me awỳr cator xà ata to me amji japackrea ne” hane.

¹² — Ỗhỹ, ampeaj kam wa ha me amã awjarê, quê ha cute me acukij ne me ato ipicokjêr xàa jõamcro kam ahtwỳ, quê ha Pahpãm nee krĩ ata caprĩ nare. Ne quê ha krĩ ata jirôa pê cumã Krĩhpôc jõ krĩ wej ata caprĩ — hane.

Pê Jeju krĩ krã nare atajê kên mã hàr na harẽ

¹³ — Pỳj me hêj xi Coraxim jŏ krĩ, me Tep jŏ krĩ ata, ca ha atỳj amji kên mã me amji jaxà. Ne wa ha me amã mam krĩ wej itajê jarẽ. Pê krĩ wej itajê japrỳ pê Kên jŏ krĩ me Teppro jŏ krĩ. Pê ajco cama ame Pahpãm to kên, pê Pahpãm cute ame to kên jahpan xà na, me hipej tu. Ýhỹ, ampeaj kam wa ha me amã awjarẽ, quê ha mam krĩ wej atajê kam, pom curmã me akam ame hàpên xà pihho impejtiton to ipa itajê to me apê na mã, quê ha rỳ pêa mã ihkên jicu, ne quêt catyt kam, impejti na ipa, ne caxuw hihô na ipa, ne hipro na ipa, ne ihkà kên na ipa.

¹⁴ Ne mehckij ne me to ipicokjêr xà jŏ amcro kam, quê ha Pahpãm mã me girôa pê Kên jŏ krĩ me, Teppro jŏ krĩ caprĩ.

¹⁵ Ne ca Capernam jŏ krĩ ita, ca atỳj kàj mã, cŏjkwa wỳr gàpir na amji cãmjĩ cakrô, quê ha Pahpãm ahpar mã akujate, nemehtyc jaxà kam amẽ — hane.

¹⁶ Ne Jeju ihkôt me ipa catêjê mã:

— Ne por jũmjê me akampa atajê, quê ha hanea ne me ikampa, ne por jũmjê ame acurêatajê, quê ha hanea ne ma ame icurê. Ne por jũmjê me icurê atajê, quê ha hanea nema ame Inxũ Cati te ikujahêc ata curê — hane.

Pê mehkwỳ me amji jaxà

¹⁷ Mã ma ihkôt me ipa catêjê te me xetênta ne ihkôt me ipijakrut itajê me cutor, ne ma pjê cunea kôt ame ipa. Ne amcro nŏa na cute me amji jacjên, ne me hakrya to me hakry, mã cute Jeju mã me amji jarên to:

— Ỡhỹ, me ijō Pahhi, wa me gaprỳ to pōj, mã me pahcurê xwỳn carō kên kwỳ ihtỳj me ikampa — hajỹr.

¹⁸ Mã Jeju me cumã:

— Ỡhỹ, wa ite me pahcurê xwỳn jōpahhiti pê Xatanaj ata pupun. Mã cōjkwa pīn ihpỳm xà ita pê ihhêj rŭm pahhàjê cuxê pyrãac ne ihpỳm.

¹⁹ Me ikam gapac to impeaj ne he. Wa ite me amã icarôt catia me, ite amji jahkre pej catia jōr, na ca atỳj gapacta ne cagã me, pacti kam ame gàhhuc to me apa, ne ate atỳj me pahcurê xwỳn pê me carôt to ihpec. Na quê ha nee jũ caxuw ampo itajê nō me anō to kên nare.

²⁰ Nee ca me pahcurê xwỳn carō kên te me apar xà pyrên ame gakry nare. Nequêt Pahpãm te mehkwy caxuw me acapi, ne amji mã cōjkwa kam hō kàhhôc kam me gaprỳ nōr pyrên, ca ame gakry — hane.

Ampeaj kam Jeju jakry

²¹ Mã pyt jỹr xà ata kam, Pahpãm Carō Pejti kôt Jeju jakrya to hakry, mã cute harên to hajỹr he:

— Inxũ, apê cōjkwa me pjê kam Pahhiti. Ne ate me cupêhahkre kêatre atajê mã ampo pimxur atajê cunea capô, ne me cumã to apipê. Ne mehkĩnte ate me cumãhahkre pej catêjê me, cute me amji jahkre pej catêjêpê ampo itajê to apimxur. Ỡhỹ Inxũ, pom ite ampo na garên par itajêa to, pê ca ramã amji toahimpej. Ne imã acaca xà ita cunea impej pit.

²² — Inxũ, ca ramã ate imã ampo cunea jōr. Ne amã pit mã ijahkre peaj to ijahkre pej, ne nee

aràn xà na jũm mã ijahkre pej nare. Ne hanea ne imãpit mã gahkre peaj to gahkre pej. Na wa ha jũm mãato hahkre, quê ha hanea ne jũm ita mã gahkre pejpejti ne — hajÿr.

²³ Ne cute ihkôt me ipa catêjê mã pit mã harên, neme cumã:

— Me gakry, hamre me apej mã me apÿm. Por ate meampo pupun ata pyrên ca ame gakry.

²⁴ Ampeaj kam wa me amã harê, Pahpãm jarkwa to ihcakôc catêjê jàhtô, ne pjê jô pahhi catêjê jàhtô, ne te ame ampo itajêpupun prãm cakrô, quê me hõmpun nare. Ne me ca nare, ca atÿj me hõmpu ne me kampa. Mã me akĩnte te ame ampo ita par prãm cakrô, nee cute mempar nare — hajÿr.

Hũmre pê me hàhkÿj na ihtehcajpar catê

²⁵ Mã amcro nõ na me cumã Mojxe xwÿ jô kàhhôc to hahkre catêjê nõ xãm, cute Jeju capi ne ihkên mã mên prãnte ihcukij, ne cumã:

— ÿhÿ, Pahhi, wa ha acukij, jũ mã wa ha ajte ne Pahpãm cahê na itÿr rohnÿtti mã na ipa? — hajÿr.

²⁶ Mã Jeju cumã:

— ÿhÿ, pom pê Pahpãm Mojxe xwÿ mã harê, pê harkwa kôt ahna ihhôc ita? Ne mër ampo ca ate hõ kàhhôc kam cahyt ne kam gapac? — hane.

²⁷ Mã hũmre ita cumã:

— ÿhÿ, wa ite cahyt, mã harên to: “Ca ha ate gĩ cunea me, acarôt cunea me, acaxwÿn cunea me, ate amji kam gapac xà cunea to, amã Pahpãm pê Pahliti ata ihkĩn. Ne hanea ne amã amji kĩnti ita na, quêamã me akwÿ kĩn” hajÿr — hane.

28 Mǎ Jeju cumǎ:

— Ỡhỹ, ca ate to hamǎr, ca ha ate ampo itajê cunea ton to apa na, ca ha Pahpǎm cahê na atĩr rohnýtti mǎ na apa — hane.

29 Mǎ me cumǎ Mojxe xwỳ jŏ kàhhôc to hahkre catê ita te cute amji mǎ ihpahàm hi prǎmte, hipêr Jeju cukij, ne cumǎ:

— Mêr jũmjê mǎ me ikwỳ itajê? — hajỹr.

30 Mǎ Jeju te cumǎ jũmjê pê mehkwy atajê to hahkre to impejti prǎmte, cumǎ hũjarên xà ita jarên, mǎ cumǎ:

— Ỡhỹ, hũmre nŏ ma Krĩpinkrên pĩn, Krĩcuxwati wỳriwrỳc. Mǎ pry cahtiri me hàhkĩj xi catêjê te me kam ihtêm, ne amehcahy, ne me cupê ihkà caxàr, ne ma me to mŏ. Ne curia cute me hìcu mǎ ihtyc cahàc ne nŏ.

31 — Mǎ ahna ahtũmre mǎ hũmre nŏ ita pry ata kŏt mŏ, ne por me hũmre nŏ pry kŏt mŏ ita pê Pahpǎm mǎ mehcajrên catêjê nŏ. Ne cute hũmre ata pupun, mǎ pry kam ihcujpàt neihtyc cahàc ne nŏ. Mǎ ajte nee cute ihtehcajparnare, ne cute pry hyr, ne pry jĩkjêa rũm tẽ ne hakren, ne ma mŏ.

32 — Mǎ ahna ahtũm nare, mǎ ihkŏt me hũmre nŏa cator. Ne por hapu na cator ata pê Pahpǎm jũrkwa jamǎr catêjê nŏ. Mǎ ma mŏ necute hũmre ata pupun, mǎ ihtyc cahàc ne nŏ. Mǎ cupê mam ihnŏ ita pyràac, ne ajte nee cute ihtehcajpar nare, necute pry hyr, ne pry jĩkjêa rũm tẽ ne hakren, ne ma mŏ.

33 — Mǎ ahna ahtũm nare, mǎ me hũmre nŏa pry ata kŏt mŏ, ne curi cator. Ne cupê nee Juta catêjê nŏ nare mehkĩnte, ne cupê Krĩrĩtpej

jŏ pjê catêjê jŏ xŭmre nŏ, ne ihcahkrit. Mă cutehŏmpun, ne ampeaj kam cumă caprî.

³⁴ Mă ahna hàhtêp, ne cute ihtehcajpar pyrentu. Necumă inxec ata cuhhŏn, ne ampo cacô xÿhti ata to cumăihcahhê. Ne hanea ne ampo twÿm to cumă ihcahhê, ne cupêhkà to cumă ihcupu, ne hŏ cawrô cahàcre kam hÿr, ne ma to mŏ. Ne me hàhhuc xà wÿr to cator, ne curia cute hamâr to apê.

³⁵ — Ne apêa kam, cute ikre jŏ pahhi mă ihporehy pijakrut ata to hàmjŏr, ne cute cumă: “Hamre, ca ha hamă, neahna gŏ pore kwÿ rê, wa ha hacpÿ ne amji jaxà, ne itÿj amă amgŏ” hajÿr — hajÿr.

³⁶ Ne Jeju te me cumă Mojxe xwÿ jŏ kàhhôc to hahkre catê ita cukij ne cumă:

— Měr hŏhŏ, imă amji jarê, mencreê atajênŏ te mŏrmŏ jŭm xŭmre ihtyc cahàc ne nŏ ita to amjikwÿ? — hajÿr.

³⁷ Mă cumă:

— Por cumă caprî ata te ri hŭmre atato amji kwÿ — hane. Mă Jeju cumă:

— Měr hŏhŏ, ca ha tê, ne cuxà ate amji kam gapac xà to hanea, ne amă me akwÿ kĭn — hane.

Pê Jeju Martakwÿj me Marijkwÿj pupu

³⁸ Ita jirô pê mă pê ma Jeju ihkôt me ipa catêjê me pry kôt me mŏ, ne ma krĭ jacot ita mă me cator. Mă curi cahăj japrÿ te Martakwÿj ata te hŭrkwa kam me ahna amji caxàr, mă me hàhhuc.

³⁹ Mā Marta tōj japrỳ te Marijkwỳj ita Jeju cape na hỳrne jỹ, ne apu cute ampo to hahkre xà na kampa.

⁴⁰ Mā ihkĩnte Marta ikre kam hàpên xàjàhtôti atajê to apu amji to ahtwỳ, ne apu ihkrihkrit, na ri Jeju na hàhtêp ne cumã:

— Xà ca nee ito amji kam gapac nare, pom wa itōj kĩnte ahte ijàpên xà jàhtôti to apu apê ita? Na ca ha ijàpên xà ita caxuw imã itōj kujate, què itehcajpa — hane.

⁴¹ Mā Jeju cumã:

— Marta, Marta, ampeaj kam caapu amji to ahtwỳa to amji to ahtwỳ, ne apu akrihkrit, ne to apu amji cahpêrkà. Ne ca atōj kĩnte, gápên xà to pit mã amji kam gapac to apa.

⁴² He quêt atōj te amji mã ampo pyxit peaj catihtiata capi ata pê ina hỳr, ne cute ikam hapac. Ne jũ wỳr què jũm cupê ihkrã kam, cute ipar xà itajê to pōj — hane.

11

Pê Jeju Pahpãm mã mehcahôc to me cumã hahkre

¹ Amcro nō na Jeju apu Hũm mã ihcakôc, ne cutecumã ihcakôc jicu, mã ihkôt me ipa catêjê nō te Jeju mã:

— Pahhi, Jowãw xwỳ cuxà me imã Apãm Cati mã me icakôc to hahkre. Pê ajco ihtỳj ihkôt me ipa catêjê mã to hahkre — hajỹr.

² Mā Jeju me cumã:

— Ýhỹ, ca ha Inxũ Cati mã me acakôc prãm, ne megũjarên to hane he:

“Me ijō Inxũ, wa me icunea quêt acatihtime
apejti na, me gahkre pej to prãm.

Ne wa ate pjê kam mehcunea to ahimpej na me
prãm.

³ Ne ahpÿanre na, amcro cunea kam, me imã me
ijō gō.

⁴ Ne ite me ato kên itajê, ca ha me icuxà to tojnō
ne hicu, ahnaa mã waite ramã cute me ito
kên atajê to tojnō ne me hicu.

Ne me ipytà me pahcurê xwÿn pê, quê nee me
imã incaca xà kêanre to hahkre nare.

Hamre” — hane.

⁵ Ne Jezu te ihkôt me ipa catêjê mã hũjarên xà ita
jarên, mâr quê cute Pahpãm mã mehcakôc, mã
ihtÿj me kampa na me hahkre pej, ne me cumã:

— Me ita to amji kampa, ne ihkôt me hakop.
Quê hame anō mã gō ikwÿ nō nō, ca ha caxwa
cahtiri ahnagàhwÿr xà na hũrkwa wÿr tẽ, ne
cumã: “Ikwÿ nō, imã kwÿr krã toincrê ne agō,
wa ha amcro nō na hacpÿa mã amã cugō.

⁶ Curmã ihmat pîn, iwÿr ikwÿ nō cator, ne ipê
cumã ampo jōr xà jamreare, na ca ha imã ihnō,
wa cumã cugō” hane.

⁷ — Quê ha akwÿ nō ita ikre caxwãm pêamã:
“Quê, hamreare, nee ca ame icahpêrkàr nare,
wa ramã ite to harkwa jihê, ne ramã me ikra mea
mã ame ijikwa, jũ wÿr wa to xa ne amã kwÿr krã
itajê nō gō” hane.

⁸ — Ne ampeaj kam wa me amã awjarê, quê
haate cupê hôt cahpêrkàr cupate, ihtÿj to xa ne
amã ateampo cunea na prãm atajê gō. Ne nee

mã apê hō ikwỳ nō cwỳrjapê quê ha amã hōr nare.

⁹ — Cwỳrjapê wa me amã awjarê, ca ha ate me gàhwỳr na, ca ha atỳj me acwa, neate me hapên na, ca ha atỳj me cumã gapôj, ne ate me harkwa cahhyr na, quê ha ihtỳj me amã amji jihê mẽ.

¹⁰ — Ýhỹ, mehcunea ame ampo na ahwỳ atajê, quê ha ihtỳj me cucwa, ne mehcunea amehapê atajê, quê ha ihtỳj me cumã hapôj, ne ame harkwa cahhy atajê mã, quê ha ihtỳj amji jihê mẽ.

¹¹ — Měr hōhō, xà quê me anō kra tep na ahwỳ, ca ha tep kaj na ajkĩ cumã cagã nō gō?

¹² Nare quê akra hĩ xêt kwỳ na ahwỳ, ca ha ajkĩ ihkaj na cumã pacti nō to irô ne agō? Jũ wỳr ca me anō akra to hane.

¹³ He me apê me hũmre pit, ne Pahpãm kĩnte me akêanre cakrô, ca atỳjhōtpê me akra mã me ampo pej pit gō. Měr hōhō, quêha quêt Pahpãm cōjkwakam ihkrĩ ata, ihtỳj me amã, por ca Carō Pejti name ahwỳ ata gō — hane.

Jeju me, me pahcurê xwỳn carō kên jō pahhi

¹⁴ Ne amcro nō na Jeju ame hũmre nō pěrket ita pê me pahcurê xwỳn carō kênto pôj. Pê ampo carō kên nō ata nee ajco hũmre ata cakôc na hamãr nare, na pê nee ihcakôc nare. Pê Jeducupê cator pêê, pê ihcakôc kam ihtêm pyrentu. Mã me hàhtôti atajê te ahna me hōmpun, ne hōmpun xà ata to cute amji mã me ipikrar.

¹⁵ Ne mehkwỳ ajpẽn mã me harẽn kên to:

— Ýhỹ, Jeju ihtỳj ame pahcurê xwỳn carō kên to pôj to ipa. He nee me Pahpãm carôt to

amehapôj nare. Ampo carõ kên jō pahhiti japrỳ pē Perxep pēXatanaj te ri Jeju mã me caxuw carôt jōr — hane.

¹⁶ Ne cute Jeju kên mã me mēnprānte mehkwỳ ihtyj hipêr mehcukij, cute me kam mare mã ampo pihho catia ton, mã mehcunea te me hōmpun, ne cormã quêt Pahpām te cumã carôt jōr na me hahkre pej prānte.

¹⁷ Mã ramã Jeju te cute amji kam me hapac xà ata na mehōmpun, ne me cumã ihkôt harēn to hajjyr he:

— Ỡhỹ, quē pjê nō kam amehkrĩ catêjê atajê me amji jakrã, ne me taa me ajpu ne ihtyj me amji jipej. Ne quē ikre ry nō kam mehkjêjê atajê me, me amji jakrã, ne taa me ajpu, ne hanea ne ihtyj me amji jipej.

¹⁸ Ita pyrác pej ne, quē Perxep pē Xatanaj, pē me pahcurê xwỳn atajê me mehkwỳ me, me amji jakrã, ne taa ame ajpu, ne ihtyj me taa me amji jipej. Came pahcurê xwỳn carõ kên jō pahhi te imã icarôt jōr, wa carôt kôt ampo carõ kên to pōj na, ame ijarê.

¹⁹ Ne mēr jūm te ri me akôt me ipacatêjê mã me carôt jōr, cute ampo carõ kên to pōj xà caxuw? Xà Xatanaj te ri ajkĩ me cumã carôt jōr? He quē ha taa me amã amji jarê, ca ha me caa ate meto ihcupan xà ita na me amji jahkre pej.

²⁰ Ne ampeaj kam, wa quêt Pahpām carôat to ampo carõ kên japôj to ipa, cwyrjapê ri ihkôat ramã me acunea te me Pahpām pē Pahhiti himpej xàte me awyr cator na me hahkre pej.

²¹ — Ỡhỹ, quē ha jūm xūmre tỳjti mã hàprê xà

cunea, quê ha hàprê xà atajêa to amji jamâr to impeaj to ipa, quê ha nee jũm cupê hõ tehkrêj nõ caxàr nare.

²² Nãmri quê ha me hũmre nõ te jũm xũmre ata jirôa pê ihtýtji na, quê ha kam tẽ, neto apkjê, ne cupê hàprê xà itajê cunea pytà, ne amji mã cupê hõ tehkrêj cunea pytà, ne ma to tẽ.

²³ — Ýhỹ, quê ha jũmjê te itehcajpar to prãm nare na, quê ha me cupê icuna mã hàprê catêjê. Ne quê ha jũmjê imã ampo to cuprõn nare na, quê hame cupê ito me ipicràn catêjê.

Ampo carõ kên te amji jaxàr jarẽn xà

²⁴ — Quê ha jũm pê me pahcurê xwỳn carõ kên nõ te cator na, quê ha carõ kên ata ma amcràti kamapu ipa, ne apu ihkôt xà japên to ipa. Ne nee ihkôt xà nõ na cator nare, ne taa amji mã: “Wa ha ma, por hũmre jĩ pê ijũrkwa pê icator ata wỳr amji jaxà” hane.

²⁵ Ne amji jaxà, ne ihhêj ne ikre caprỳ, ne ihcapõn pejtì te hãm na hõmpu.

²⁶ Ne ma tẽ, ne cute hirôa pê me pahcurê xwỳn carõ kên te xet atajê japrôr, ne mehcunea ikre pê hĩ ata mã me acjêj, necuria amehkrĩ. Mã hũmre mã mam ampo carõ kên xàr ata kam, cute amji cajpêr xà ata jirôa pê kam cute amji cajpêr xà, ne ihkêanre — hane.

Pahpãm jarkwa kôat ipa catêjê ri ampeaj kam me hakryti

²⁷ Ne Jeju te itajê jarẽn jirô pê mã ri me cahãj nõ te me hàhtôa jipôc ri kỳj cati pêa mã, cumã harkwa to:

— Jeju ampeaj kam apej. Ne mōrmō pê ca anã kam apým ata ihtyj ajco ato pijahô, ne ampeaj kam apejti ita kam apyrên hakry — hajÿr.

²⁸ Mã Jeju cumã:

— He cute me Pahpãm jarkwa par ne me hũpar tu, ne ihkôat me ipa catêjê atajê ri, inxê jirôa pê me hakry — hane.

Pê Jeju ampo pihho catihti na me hàhwÿr catêjê mã cawpa

²⁹ Mã me hàhtôa te Jeju pu na me cuprôn tu, mã cute me cumã ihcakôc kam ihtêm, ne me cumã:

— Ỳhÿ, amcro ita kam me apê Juta catêjê, ca pjê kam ame akrĩ atajê cunea kêanre. Na ca ajte me ina gâhwÿr to me hane he: “Me imã ampo pihho catihti me ampo pejti to, wa ha me hõmpu, necormã Pahpãm te akujahêc na me gahkre pej” hane. Cakrô wa ha nee me amã ampo pihho catihti, impejti atajê nō ton nare. Ne wa ha cama amji to irô, ne me amã Jona xwÿ jarên xà ita jarê. Ampo na? He ipê hũràac, na wa ha me amã harê.

³⁰ — Ỳhÿ, pê me cumã Pahpãm jarkwa to ihcakôc catê na Jona xwÿ ata ipa, nema Ninew jô krĩ catêjê wÿr tē. Ne curi mehkrĩ catêjê mã Pahpãm jarkwa jarê, por pê Pahpãm Jona mã harên xà atajêa na me cumã harên pa. Na quê ha me Ahàkà Jona xwÿ cuxà ita kam amehkrĩ itajê mã Pahpãm jarkwa jarê.

³¹⁻³² Ne Pahpãm te mehckuj ne me to ipicokjêr xà jōamcro kam, quê ha Ninew jô krĩkam mehkrĩ catêjê me acuna mã me hãm pyrentu,

ne ame ana mehçakôc kêanre ne, ne ihtÿj me acurê mã me amê. Ampo na? Pê Ninew jŏ krĭ catêjê atajê ihtÿj me ampo kên ton jicu, pê Jona xwÿ me cumã Pahpãmjarkwa jarên xà atajê kôt, pê me hïcu. Ne wa ampeaj kam me amã amji jarê. He ipê me Ahàkà, wa amcro ita kam, pjê ita kam apu ipa, ne me Ahàkà ita ri Jona xwÿ jirôa pê cati. Ne ihnŏ xwÿjê, pê Juta catêjê jŏ pahhipê Xarômãw xwÿ ita, me cupê pahhicatêjê kwÿ jirôa pê amji jahkre pej. Mã me cupê pahhi catêjê jàhtôa ne hÿrmã me cator, cute cukwa kam ame ampo jahkre pej prãmte. Ne pêcô cati jĭkjê rŭm pjê xa ata jŏ pahhikwÿj cahãj, ne ma Xarômãw wÿr tē, cute krã kre te amji jakre pejti to hahkre xà atajê na impar prãmte. Ne Pahpãm te mehçukij ne me to ipicokjêr xà jŏ amcro ata kam, quêha pahhikwÿj cahãj ata, ihtÿj me acuna mã ihçakôc kêanre, ne me acurê mã me amê. Ampo na? He amcro ata kam, pjêita kam, ipê me Ahàkà ihtÿj me amã ampo itajê to hahkre to ipa, ne pa wa Xarômãw xwÿ jirôa pê icati cakrô, ca nee me ipar prãm nare.

Pahte amji kam me pajapac xà pejti pê hàhcujro xà

³³ — Ne ihnŏ xwÿjê, jŭ wÿr quê jŭm hàhcujro xà nŏ pŏc ne hãm xà kam hàhcujro impejti kaj na hãm, ne jŭ wÿr quê paraj krac ri hãm. Quê ha quêt hàhcujro xàata xãm xàa kam hãm, quê ha mehçunea me acjêj atajê hàhcujro kam me irĭt pejti ne.

³⁴ — He me panto pê me pajĭ mã hàhcujro xàa. Quê ha me panto irĭt pejti, neampeaj kam me

pajĩ kam me pamã me pajàhcujro hipu. Nãmri quê ha me panto te ihkêanre na, quê ha me pajĩ cunea kam awcapàtkô. Jĩkjê na ca ha ite amji kam ijapac xà pejti pupu, ne mehkôpĩ ne ihkôatme apa na, ca ha atỳj kam me gapac to me apa. Nãmri ca ha ate me hajỹr nare na, ca ha atỳj ame apa, ne me apê amji jahkre kêatre ne.

³⁵ — Cwỳrjapê ca ha ma me amji jamã, ne ma ihhêj rũm me gĩ kam me gàhcujro xà ita jamã, cõt mã ca gàhcujro xà ata to amji pê kam awcapàtkô.

³⁶ Quê ha me gĩ cunea kam hàhcujro xà ita te me ato hipu na, quê ha nee me gĩ kamawcapàtkô nare, ne me gĩ cunea kam hàhcujro ita ihpràti ne. Ne ihhêj ne me acaxwãm pê hàhcujro xà nõ xa ne ahcujro — hane.

Pê Jeju Parixêw catêjê nõ jũrkwa kam apà

³⁷ Mã Jeju te ihcakôc jicu, mã Parixêw catêjê nõ te hũrkwa ri hàpàn prãmte hator. Mã ma Jeju ihkôt mō, ne hō pyxwỳr xà na hỹr.

³⁸ Pê nee Jeju Parixêw catêjê te me amji ton xà ata kôt, hũhkra cuhhõn nare. Mã Parixêw catêjê nõ itate, cute nee hàpàn xà wỳrhũhkra cuhhõn nare ita na hõmpun, ne to amji mã ipikrar.

³⁹ Mã Jeju te me cumã:

— Ỳhỹ, me apê Parixêw catêjê, ca nee ampo caxwãm pê me to amji japackre nare, ne pō rũm pit mã me to amji japackre. Ca pō rũm me gō cuhkõnme, me gō incrat catut cuhhõn to pit mã meamji japackre. Ne me caa, pō rũm pit mã me ate me gàhcukrêj cuhhõn ata kĩnte, meacaxwãm

pê me akên te me ato hipu tu. Cakrô ca ajte nee me acaxwãm pê ate amji kam me gapac xà kên itajê to me amji japackre nare.

40 — Ne ampeaj kam ca ame ato kam waj, ne pom Pahpãm te pō rŭm aton ita te ri hajÿar ne acaxwãm pê aton.

41 Ne gapacta ne me gō incrat caquëc cuhhôn to megapac kêt, me akôm xà me. Ne impejti ita ri quët me amã impej he, ca ha me gō incratkam ampo itajê me, me akôm xà kam ampo itajê, ca ha me cupê hamreare atajê mã me agō. Ca ha ate mecupê hamreare atajê caprĩ na, quê ha pō rŭm ampo itajê cunea me amã ihtetetti ne.

42 — Pÿj me hêj xi Parixêw catêjê kwÿ! Ca ha atÿj me akên mã me axà ne me gamre! He pê ihtÿj Pahpãm me amã ampo cati me ampo kryjre ton na awjahkre. Na ca gōtpêPahpãm mã, por ca ihcunea to me ajpa atajê jĩkjê kryjre ne me agō. Pom ca pàrhÿre me, ampo kwÿ na kyre pê hĩ jàhwÿr atajê pyxit ne hãn ne me cumã agō, ne icahhur to me gō tekjê na ri Pahpãm mã impej. Cakrô, ca nee me akwÿto impej nare, ata pê me amã Pahpãm kĩn nare. Na ri Pahpãm mã, me ate amji kam me gapac xà itajê na me akam, cupê ihkaj na. Ampo na? He cumã ampo ita catia to cati, ihkryjre itajê jirôa pê. Na ri cumã me ate ajwar me ton na, me ato prãm.

43 — Pÿj me hêj xi Parixêw catêjê kwÿ! He ca gōtpê me hŭjamãr catêjê catia krĩ xà ata kam me cahê na me akrĩ prãm, ate me cuprôn xà kam. Ne ca gōtpê krĩ cape na cute me apejti na me garên na me to prãm.

44 — Pỳj me hêj xi! He me apê mehtyc kre kam me hikwa, mã nee me hõmpun ne me hahkre pej nare kam, incwýrpê me pra atajê pyràac. Ne ihhêj ne pō rümme apejti, ne me acaxwāam pê ate amji kam me gapac xà kên pit apu hikwa — hajỹr.

45 Mã me cumã Mojxe xwý jō kàhhôc to hahkre catêjê nō hanea ne curijỹ, ne cute Jeju jũjarên xà ita kam hapac, ne cumã:

— Pỳhàpà, Pahhi, ca acakôc xà ita to ate acakôc nehanea ne me ixũn — hajỹr.

46 Mã Jeju cumã:

— Pỳj me hêj xi me apê me cumã Mojxe xwý jō kàhhôc to hahkre catêjê! Ca hãn ne mehcunea mã harên to hajỹr to me apa ne me cumã: “Ỗhỹ, ca ha atỳj Pahpãm jarkwa cunea kôt me apa. Nãmri ca ha nee ihcunea na, catyt kamihkôt me apa nare, quê ha ihtỳj Pahpãm me ato kêanre ne” hane. Me gũjarên xà itajê ihtỳaj to ihtỳj, ne cupê ihhêj rũm ate me kam me hõ kàhà pytĩapyxwỳr. Jũ wỳr quê jũm awcanã, quê jũm hũcanãr nare. Ne por ca ihhêj ne nee me to ipa xà caxuw gũhkrahhi pyxit to mehtehcajpar prãm nare ata pê nee ate Pahpãm jarkwa na mehtehcajpar, mã catyt kamihkôt me ipa xà nare.

47 — Pỳj me hêj xi! He ca ha atỳj me akên mã me apỳm! Ne ca gõtpê Pahpãm jarkwa to mehcaôc catêjê tyc atajê jarêt xà caxuw me cumã kre pejti to.

48 He ca atỳj me aquêtjê japua na ita to me hajỹr to me apa, ahnaa mã pê me aquêtjê meacumam ajco me Pahpãm jarkwa to

mehcakôc catêjê cura he. Pê taa mehcura, pê ca me caa ajco me harêt.

49 — Cwÿrjapê pê Pahpâm, cute amji jahkre pejti te hajÿr romã mã, ramã harkwa to: “Wa ha me cumã me ijarkwa to mehcakôc catêjê me, me imã memprar catêjê kujate. Quê ha me jũm cura, ne ame jũm to kên” hane.

50 Hajÿr cwÿrjapê quê ha amcro ita kam, cute harkwa to mehcakôc catêjê curan jahpan xà na, ame ipa itajê cunea to hanea, ne ame to kêanre ne.

51 Pê mam pjê intuw kam me Aper xwÿ cura, ne caxuaw ajpên me amji curan na me cupy, ne ajpên me amji curan to me mõi. Ne Pahpâm to amji kam me hapac xàjũrkwa kam, cute me amji curan jicu xà to me Xacarij xwÿ curan. He ampeaj kam wa me amã awjarẽ. Na quê ha Pahpâm, cute mehcuran jahpan xà na, pom ita kam mehÿar ame ipa itajê to apu ihkêanre ne.

52 — Pÿj me hêj xi me apê me cumã Mojxe xwÿ jŏ kàhhôc to hahkre catêjê! Ca ha meakên mã me apÿm! Ampo na? Ca nee me Pahpâm jarkwa jahkre pej prãm nare, ne nee me amã jũmjê te hahkre pej na me to prãm nare. Na ri ihhêj rũm me apê cute me ikre jihê rên xà incwÿr, ne ma amentê, mã nee me to incjêj nare, ne nee jũm mã me hõr, mã cute to hihê mên, ne hàr na me amã to prãm nare — hane.

53 Ne ma Jeju me cupê mõi, mã Parixêw catêjê me, me cumã Mojxe xwÿ jŏ kàhhôc to hahkre catêjê me, cama ame cumãn to mehcyt to amencrôn to me ipa. Ne mencryac kam ampo jàhtôa na mehçukij.

54 Ne tee Jeju jarkwa nõ to me to ipipkjêr, ne cute mehpro prãmte ame to hahkre.

12

Mehkrã kên caca xà

¹ Ne pê me hàhtôa ne me cuprõ, ne me hàhtô kam, ihtỳj ajco amji kam mehcuhhê. Mã Jeju te ihkôtme ipa catêjê mã mam harêñ, ne me cumã:

— Co he, ma amji na me Parixêw catêjê to me guphêa ne, nãmri ihhêj ne ampeaj kam põ rûm mempej, ne me caxwãm pê mehkêanre. Ne amehhêj xia jarêñ to me ipa, neme cupê pàrhyre xỳ pahtỳjti to me hõ cunea to hỳ ita pyrãac.

² Ne hanea ne ihtỳj ampo cunea to me ipimxur to ipa. Quê ha amcro nõ na cute ampo to me ipimxur itajê cunea pro mẽ, ne ampo cunea pupu.

³ Ýhỹ, ca ate awcapàtkô kam me ampo cunea jarêñ atajê, quê ha ihtỳj amcroa kam me kampa. Ne ca ate ikre caxwỳn kam ampo cunea to me apimxur, neahna me to hihê ne caxwãm pê me harêñ atajê, quê ha ihtỳj cà pê mehcunea me harê, ne me kampa.

Cu ha amji mã me Pahpãm pit cupa

⁴ — Me ijõ ikwỳ nõ, ampeaj kam wa ha me amã awjarê, nee ame, por me gĩ pit cura atajê cupa nare. He quê ha nee hipêr me ato kên nare.

⁵ Ne Pahpãm ca ha quêt amji mã mehũa. Pahpãm quê ha ihtỳj quêt jũm jĩcura, ne cormã hipêr apu to kên, ne mã ihkãkãnti kam cuhy kam cumẽ. Cwỳrjapê wa ha hipêr me amã harê, na ca ha quêt amji mã me Pahpãm pit cupa.

6 — Ỹhỹ, por hân ne cuwênre te xĩc toihpore pijakrut peaj na me hàhpan cakrô, quê ha neePahpâm cuwênre ata nõ to hapac kêt nare.

7 Ne hanea ne Pahpâm te ahpÿanre na me akĩ cunea cahyt par. Ne me caa ri cuwênre jàhtôti itajê jirôa pême acati. Cwÿrjapê ca ha nee amji mã ampo cupa nare.

Cu ha Jeju na amji jarẽ

8 — Ỹhỹ, he ampeaj kam wa me amã awjarẽ, quê ha jũm me akam mare mã cute ijahkre pej na amjijarên na, quê ha me Ahàkà hanea ne còjkwa kam Pahpâmjarkwa to imprar catêjê kam mare mã, cute jũm ata jahkre pej na amji jarẽ.

9 Ne por quê ha me kam mare mã, ma ame icaca atajê, quê ha me Ahàkà hanea ne còjkwa kam Pahpâm jarkwa to imprar catêjê kam mare mã, ma apu jũm ata caca.

10 — Ỹhỹ, he quê ha jũmjê ipê me Ahàkà na ihcakôc kên na, quê ha Pahpâm ihtÿj ihkên ata to tojnô ne hicu. Nãmri quê ha jũmjête Pahpâm Carô Pejti na ihcakôc kên na, quê ha nee Pahpâm ihkên ata to tojnô ne hicu nare.

11 — Ne quê ha amcro nõ na me acukij xà caxuw, cute mecuprôn xà jũrkwa wÿr me gaprô. Ne cuteme akên mã me amên prãmte, pahhi catêjê me, mecupê pahhiti catêjê cuna mã me apywxwÿ, ne me acukij. Ne amcro ata na, ca ha nee ame akrihkrit nare, ne nee amji caxwãm pê me amji mã: “Jũ mã wa ha ajte amji jarên to, ne pahhi catêjê itajê pê amji pytà?” hajÿr nare.

¹² He Pahpãm Carõ Pejti quê ha amcro ata kam, me amã me ate me amji jarẽn xà to hahkre, cwỳrjapê ca ha nee ame akrihkrit nare — hane.

Hakràjti krã cunĩ jarẽn xà

¹³ Mã me hàhtôa jipôc ri hũmre nõ xãm, ne Jejumã ihcakôc ne cumã:

— Ỡhỹ, Pahhi! Ca ha itõ mã garkwa ta, quê imã hũmxwỳ jàhcukrêj to ajcapô — hane.

¹⁴ Mã Jeju cumã:

— Pỳhàpà, xà ajkĩ jũm te me amã ampo to ipicràn catê na ixãm? Hãpà. Nee ipê ampo to ipicràn xà caxuw me acukij catê nare — hane.

¹⁵ Ne me hàhtôti atajê japackre, ne me cumã:

— Krãa, me ikampa! Ca ha nee ame hàhcukrêj to me acukrêj to prãm to me apa nare. Gapacta ne ampo to amji mã me cuprõ, ne nee me acukrêj itajê to pit mã ame amji japackre nare. He ampeaj kam ri me pahcukrêj itajê pê nee pahte amjikam me pajapac xà to ihhimpej catê nare.

¹⁶ — Ỡhỹ, wa ha me amã jũm jakràjti nõ jarẽn, ca ha me hahkre pej, ite me amã harẽn xà ita kôt.

— Ỡhỹ, hakràj cati ita mã hõ pur catia, ne hõ pur ita kam cumã ampo jàhtôa to hàhtô.

¹⁷ Mã cute pur kam ampo itajê cunea pupun, ne to amji kam hapac pyrentu, ne amji mã: “Pỳhàpà, ampeaj kam ipurkam ampo jàhtô, ne ipêcaxuw nõr xà cati nare ita kam, jũ mã wa ha ajte to?”

¹⁸ “Ỡhỹ, wa ha to hane he. Wa ha nõr xà incirre ita hu, ne amji mã nõrxà catia nõ xãm, ne curia wa ha ijõ cunea jaxwỳ.

19 Ne wa ha amji mã, ‘Hamre, ramã imãijõa to ijõ, ne ijakràj catia, na wa ha nee hipêr pur nõ xir, ne kam ijâpênnare. Ita caxuw wa ha caku jâhtõa kam cama ikrĩ ne cuku, ne apu to ikõm to ipa, ne ijakry ita na apu ipa’ ” hane.

20 — Mã cõjkwa kam Pahpãm jỹ, ne cute amji kam hapac xà ita na hõmpu, ne cutehakràj cati ita mã: “Ate amji jahkre kêatre. Pê wa amã acaca xà gõ, ne ita kam ca ha caxwari ty, ne hacpỹa mã imã agõ. Quê ha jũmjê amji mã gõ jâhtõti ita to me ahtwỳ” hajỹr. Hõhõ, Inxũ te hakràj cati ata mã harkwa to hajỹr.

21 — He Pahpãm to ate amji kam me gapac to me apa xà ata pê ihhêj rũm cõjkwakam ate amji mã me gâhcukrêj pejti to me cuprõn. Kĩn pej ne, ca ajte pjê ita kam megâhcukrêj me, me gõ to pit mã me amji kam me gapac to meapa, ne nee hĩkjê na, hõtpê Pahpãm to me amji kam me gapac nare na, ca ha me apê hakràj cati atapyràac, ne me amji to acto — hane.

Cu ha pahỳj Pahpãm to amji mã me pahhim-pej to prãm

22 Ne Jeju te ihkõt me ipa catêjê mã, cute ampo kên na ame amji to hàptõ to me ipa nare xà jarên, ne me cumã:

— Cwỳrjapê wa ijõtpê me amã harê, ca ha nee me gõ me, me gâpàn me, me akà to pit mã me amjito gâptõ to me apa nare.

23 He me pajĩ ri me pahkà jirõa pê cati, ne pahte amji kam me pajapac xà ri me pajõ jirõa pêcati, na ca ha itajê to pit mã me amji kam me gapac to me apa jicu.

24 — Ca me wakê pupu, mã nee amji mã pur ton nare, nenee kam hàhkre nare, ne nee amji mã to cuprôn nare, ne nee caxuw amji mã hõ nôr xà pyxwýrnare. Cakrô mã Pahpãm hõtpê me cumã harte. Ne mër hõhõ, Pahpãm mã wakê itajê jirôa pê me acati. Cwýrjapê quê ha ate ampo itajê cunea na, amji to me gàhhuc xà nare kam, quê ha me gamã.

25 Xà ca ha me atyc nare na, amji to me gàhhucxà ata to, ajkĩ atýj amji mã me atĩr jõ caku to ajcamẽ? Hamreare, ca ha nee amji mã me to apicamẽn nare.

26 Mër hõhõ, he ca ramã nee ampo to ate amji kam me gapac xà atajê to, amji mã me apicamẽn nare ita kam, ampo caxuw mã ca cormã ampo kryjre na me amji to me gàhhuc to me apa?

27 — He pĩrã te hajýar he. Nee hàpên nare, ne nee amji mã ihkà ton nare cakrô, mã ihtýj ajcamẽ ne impejti. Ýhỹ, ampeaj kam wa me amã awjarẽ, por pê pahhi xwý pê Xarômãw jakràj jàmkrã catia ata, pê te ihkà impejticakrô, pê pĩrã kà ata Xarômãw kà jirôa pê impej.

28 Ne Pahpãm ri, pom ahkêt amcro kam ihcuhhê neajcamẽ atajê mã ihkà to. Mã hãn ne ahna apẽ mã cuhy to capa. Mër hõhõ, quê ha Pahpãmihkýj me amã me akà to. He ca ihhêj ne cormã kyre pê Pahpãm to amji mã me ahimpej, mã Pahpãm ihtýj me gamãr to prãm.

29 — Cwýrjapê ca nee ame akrihkrit nare, ne nee ate me ampo kur xà me, me akõm xà to pit mã na, ame amji to hàptõ nare.

30 Por pjê kam krĩxàre mehkrĩ, Pahpãm to amji

kam hapac nare atajê ri me hõ me, mehkà to pit mã ame amji kam hapac to me ipa. Ne me Apãm Cati mã, ate ampo na me prãm atajê na me gahkre pej.

³¹ Ca ha mam cati mã Pahpãm pê pjê cunea jõ Pahhiti to amji kam gapac to me apa, ne harkwa kôt ame apa, jahpan xà na, quê ha Pahpãm cormãhipêr me amã ampo cunea na, ate me prãm atajê gõ.

Cu ha cõjkwa kam me papê pahhi catêjê

³² — Ýhỹ, te me acrêre cacrô, ca nee ame hũpa nare. He Pahpãm te amji cahê na, me apê pahhi na me apyxwýr to amji kam hapac.

³³ Gapacta ne me acukrêj to ihpore na meahpa, ne ihpore ata, ca ha gapacta neme cupê hamreare atajê mã me agõ. Ca ha ate me ita to hajýr na, ca ha cõjkwa kamamji mã ampo jáhtôa ne me to acukrêj. Ne ihporeincjên xà itajê, quê ha cõjkwa kam me gõ pore me amã to hipu tu rohnýtta mã. Wýr quê curi me hàhkĩj xi nõ apê ihnõ to ahkĩ, ne nee quê ha krir nõ curi apêampo pejti ihkrêr nare.

³⁴ Ne cõjkwa kam ca quêt me acukrêj pejtiitajê to me amji kam gapac to me apa.

Me hàpên catêjê me hàpên xà to mento juphé jarên xà

³⁵⁻³⁶ — He me apê ihhêj rũm me gõ pahhi jikwa tuw mã me gápên catêjê pyràac. Ne ate hahkà na hõ amji kĩn ata to me gàhcuprõn, ne me amji cũmpej, ne me hikaj na cute me amên. Cwýrjapê ca ha me amji cũmpeaj ne. Ne me atuna hê xà to

me akat kà juwahi, ne megàhcujro xà nŏ mã me haxà, ne mehpôc. Quê ha cato ne ikre jarkwa cahhy, ca ha me cumã hihê mên pyrentu.

³⁷ Ca ha me apê cumã me gâpên catêjê me hikaj, ne nee ame gôt pej nare, ne quêt me arïat ame apa, ne ampo cunea caxuw ame apa, cwÿrjapê ca ha quêt me apej mãme apÿm. Na quê ha me gŏ pahhia, amji tu na, ihtu na hê xà to ihtÿj, ne me apê me cumã hàpên catêjê atajê mã hàpàn xà na me akrĩ na awjahkre, ca ha me akrĩ, quê ha taa me amã me garte.

³⁸ Quê ha te awcahti xà wÿr awcapàtkô pi-capôn kam, me gŏ pahhi me awÿr cator cakrô, me arïat wÿr cato, ca ha me apej mã me apÿm. Ca ha to hane, ne me apê me gŏ pahhi jikwa tuw ata mã me gâpên catêjê impejti pyrâac.

³⁹ — Ÿhÿ, quê ha ikre jŏ pahhi nŏ, me hàhkĩj xi catêjê cator xà na me hàhkre pej na, quê ha neeikre mã jũm xâr, ne jũm te cupê ampo pyr na hamâr nare.

⁴⁰ Ne me ca xwÿjê, ca ha me arïat ame apa. Co he, quê ha me Ahàkà cati ate me hikaj xàjahkre pej nare ata kam, ihprôt pê me awÿrcato. Hŏhŏ, ata to ca ma me amji japackrea ne — hajÿr.

Hàpên catê impej me ihkên jarên xà

⁴¹ Mã Petrô Jeju cukij, ne cumã:

— Ijŏ pahhi, pom ca ame imã ampo jarê ita, xà me imã pit mã, nare, xà ajkĩ mehcunea mã? — hane.

⁴² Mã nee Jeju te cumã jũ măn nare, ne cama cumã:

— Ýhỹ, wa ha amã ikre jamãr catê nõ jarẽ. Por quê ha hõ pahhi ikre jamãr na cumẽ ata, quê hacatyt kam, ahpÿanre na mehkwy mã me hõ jŏr to ipa.

⁴³ Quê ha cute hõ pahhi cator xàakam, catyt kam cumã hàpên tohajÿr na, quê ha impej mã ihpÿm.

⁴⁴ Ýhỹ, quê ha hõ pahhi ihtÿj cumã hàpên catê ita te ikre me, pjê me, ampo cunea jamãr catê na hãm. Quê ha ihtÿj hũpar pyrentu, ne me hàpên catêjê to kênre nare.

⁴⁵ — Nãmri quê ha cute hũpar nare, ne me hàpên catêjê to impejti nare na, quê ha ihkên mã axà. Quê ha ikre jamãr catê ata amji mã: “Pÿhàpà, ijŏ pahhi cator xà ita jũwryato hũwry, ne ramã cator xà jirô pê ihpÿm, cwÿrjapê wa ha ipyxít peaj ne amji to pit mãamji kampa” hane. Ne cute hàpàn ne ihkôm kam ihtêm, ne ipipân kam ihtêm, ne hõ pahhi mã hàpên catêjêkwÿ xũmre me, me cahãj cahhyr kam ihtêm na, quê ha ihkên mã axà.

⁴⁶ Ampo na? Quê ha nee jũ caxuw hõ pahhi te hÿrmã cator xà jŏ amcro jahkre pej, ne nee hikaj nareata kam, quê ha amji jaxà ne cato, quê ha mehpro mẽ. Quê ha ihkên ton jahpan xà na ihcura, ne cute me Pahpãm par nare atajê cuhhê xà kam cumẽ.

⁴⁷⁻⁴⁸ — Ýhỹ, quê ha me hàpên catêjê nõ mã hõ pahhi jarkwa jahkre pej nare, ne cupé hahkre kêt kamnee cute amji cùmpej nare, ne apu hàpên to kèanre ata jahpan xà na, quê hahõ pahhi nee ihcahyr to ihtÿj nare, ne kyre pê ihcahy. Nãmri quê ha me hàpên catêjê nõ te hõpahhi

jarkwa jahkre pej cakrô, nee amji cūmpej nare, ne nee hàpên xà to impej nare, quê ha hō pahhi hahpan xà na, ihcahhyr to catia. Ne quê ha jūm, jūm jūhkra kam, ampo catia ne cupy, quê ha hahpan xà na hacpỹ ne ampo catia ne ahna ahwỳ. Ne quê ha jūm ampo crire ne cupy ne hahpan xà na hacpỹ mã incrire ne cugō. Jĩkjê na mã Pahpãm me ato hanea.

Quê ha Jeju cwỳrjapê ame amji to ajcokjê

⁴⁹ — Ỡhỹ, ite pjê ita to cuhôn prãmte wa hỹrmã icator. Ne ramã ihpôc to mōr na ri imã to prãm.

⁵⁰ Wa ha cormã amji pupun xà kêanre to amji pupun to hanea, pom quê, cô kam cute me amji cumrãr xà ita na, wa ha ite amji pupun xà kêanre ita kam amji cumrã. Ne imã amji kĩn nōti ita kam ahnaa ikên na amji pupun to ihhi.

⁵¹ — Mōrmō ca atỳj amji mã me ito, ite me amã meacarĩcti jōr, ca nee ame apijapu nare prãmte, mōrmō wa me awỳr icator na, ca me ito amji kampa. Hamreare, wa nee ita caxuw me awỳr icator nare. He wa ita kaj na, ite me atoipicokjêr xà caxuw wa quêt icator.

⁵² Ỡhỹ, ita caxuw quê ha icwỳrjapê ikre kam cute me xĩc atajê ame ajcokjê, quê ha menchrê itajê me ipijakrut atajê kam mencryc kam ame ipa.

⁵³ Ne quê ha me hũmjê xwỳjê mehkra xũmre kam incryac kam ame ipa. Quê ha mehkra xwỳjê mehũmjê kam mencryac kam ame ipa, ne mehkra cahãj atajê, quê ha menxyrxwỳ kam mencryac kam hanea ne ame ipa. Quê ha me hũprequêj hanea ne me wỳjxwỳ kam mencryac

kam ame ipa. Quê ha me wỳjxwỳ hanea ne me hũprequêj kam mencryac kam ame ipa.

Amcro cajpěr jarěn xà

⁵⁴ — Ỡhỹ, ca ha ita ri Juta catêjê jŔ pjê kam pytcjêj xà rũm me ahcakrã nõ pupu, quê ha hàpir to mŏ, ca ha me amji mã harěn to hane he: “Quê ha tawrỳ” hane. Quê ha ihtỳj wrỳ.

⁵⁵ Ne ca ha hanea ne me crŏtre jŔ kŏc cajpěr, ne amji mã me harěn to: “Quê ha ita kam ampeaj kam me pahcacro” hane. Quê ha ihtỳj me pahcacro.

⁵⁶ Měr hŏhŏ, pom ihtỳj me amã ampo itajê cunea jahkre pej, ne me amã pjê me, cŏjkwa jarěn jahkre pej ita. Ne měr ampo na mã me apê amcro ita kam, ite ampo to ijàpên xàitajê jahkre kêatre? He ca cama ame ahêaj to ame ahêj!

Cu ha me pahcurê xwỳn to impejti ne

⁵⁷ — Ne měr ampo na mã ca catyt kam me apa na me apê amji jahkre kêatre?

⁵⁸ Ỡhỹ, quê ha jũ caxuw acurê xwỳn nõ apro mễn prãmte mehcukij xà wỳr gaprŏr prãm, ne gaprŏ. Ne pry kŏt cormã ato mŏr kwỳa kam, ca ha cume ajpênpar peaj ne, ne me acator xàa kam me amji to impej. Nãmri ca ha ate me ita to hajỳrnare, ne nee me amji to impej nare na, quê ha acurê xwỳnnŏ ita, mehcukij catê mã agŏ, quê ha mehcukij catê ma krãhtare mã agŏ, quê ha makrãhtare me hacjên xà mã gaxà.

⁵⁹ He wa ampeaj kam me amã awjarê, ca ha me hacjên xà kam akrĩ ita kam ahnaa, por ate

acurê xwỳn to new ata to gàmjōr par nare kam, quê nee me acator nare — hane.

13

Cu ha me pahkên ton jicu nare, ne me ty

¹ Ne amcro ata na jũmjê atajê te Jeju mã Hĩpôjajo catêjê curan xà jarên, ne me cumã:

— He ma Hĩpôjajo catêjê kwỳ Krĩpinkrênwỳr me mō, cute me ampocuran, ne Pahpãm mã me hōr prãmte. Ne cormã Pahpãm mã me ampo jōr prãm kam, mã pahhi Pirat te me hipej na harkwa hyr. Mã cute me hipej — hajỳr.

² Mã Jeju me cumã:

— Ỡhỹ, Hĩpôjajo catêjê itajê tyc xà kêanre, ne mōrmō ca me amji mã me to: “Cute mehkwỳ jirōa pêmehkên ton, cwỳrjapê ri cute me amji pupun xà kêanreita to ame amji pupun, ne amehtyc” hane.

³ Hamreare, he nee mehkwỳ jirōa pê mehkřã kên nare. Ampeaj kam wa me amã awjarẽ, ca ha me caa me acunea te me akên ton jicu nare na, ca ha atỳj me cuxà ame ty.

⁴ — Ne por Krĩpinkrên cahê na cute me tejōjtōne mehkrĩ atajê kam kênte ikre kãhti ata pỳm, ne cute me hipej atajê, mōrmō ca amji mã me to: “Krĩpinkrên kam mehkwỳ mehkrĩ atajê jirōa pê cute mehkên ton, cwỳrjapê ri cute me amji pupun xà kêanre ita to ame amji pupun neamehtyc” hane.

⁵ Hamreare, he nee mehkwỳ jirōa pê mehkřã kên nare. Ampeaj kam wa me amã awjarẽ, ca ha me caa me acunea te me akên ton jicu nare na,

ca haatỳj me cuxà amehtyc xà ita to ame ty — hane.

Pĩxô pàr na hô nare jarẽn xà

⁶ Ne hipêr cute me cumã me hũjarẽn xà nõ jarẽn, cute ame hahkre pej prãmte, ne me cumã:

— Ỡỹ, pê jũm xũmre nõ mã hõ pur kam pĩxô pàrramã hô xàa kam, ne nee cormã hô nare. Pê ajco hô japê, tee hõmpu, ne nee ihnõ na hõmpun nare.

⁷ Ne cute pur jamãr catê mã: “Hõmpu he, ramã pĩxô pàr ita na cakucrê, wa tee apu hô japê, ne nee rỳ ite hô nõ pupunnare. Ne hamre, gapacta ne pĩxô pàr ita jakep pyrentu. Cama ihcuhhê ne pjê pytà, ne nee hô nare” hane.

⁸ — Mã hamãr catê cumã: “Ijõ pahhi, ca nee ite hakepna imã gũjahkre nare caku ita kam, wa ha xa ipu na hahkwỳ, ne kam ampo jĩn to hipu.

⁹ Quê ha ajpên caku mõ ita kam, cute hô na, quê ha ahna impej, nare, quê ha cute hô nare na, ca ha gapacta ne cormã hakep na imê, wa ha itỳj hakep” hane. Necute to hajỹr. Jĩkjê na mã Pahpãm me ato hanea, ne ihtỳj cormã me ato hamre xà to ipinhuc to mõ — hane.

Pê mehkôt xà jõ amcro kam Jeju cahãj caprã

¹⁰ Ne mehkôt xà jõ amcro nõ na Jeju ame cumãampo to hahkre, Juta catêjê te cuprõn xà jũrkwa kam.

¹¹ Mã curi me cahãj nõ kam me pahcurê xwỳn carõ kên, ne cute apu to kêanre, mã ihkô cajõc ne cumã hà, ne jũ wỳr quê capô. Ne pêramã ihkô ita capô nare na ahna caku te tejõtô.

12 Mã Jeju te hõmpun ne cumã hàkjêr, ne cumã:

— Ỡhỹ, cahãj ita, ramã acaprãr — hajỹr.

13 Ne cute ahna hũ xir, mã ihkô capô pyrentu, mã cahãj ita te amji jahpan xà na, cõjkwa kam Paphãm mã impejti jarẽn to mõi, ne cumã:

— Ỡhỹ, me ijõ Inxũ Cati, ampeaj kam apej ne acati, ne ate icaprãr pyrên ijakry! — hajỹr.

14 Mã cuprõn xà jõ pahhi apu, Jejute mehkõt xà jõ amcro kam jũm caprãr ata na, apu kam incryac to incryc, cwýrjapê ri mehkwy mã:

— Pýhàpà, pom me pajàpên xà caxuw amcro te xêj ita? Měr hõhõ, amcro te xêj itajê kam, ca ajpên me ate me amji caprãr prãm catêjê me apa, ne nee mepahkõt xà jõ amcro kam ajpên me amji caprãr prãmte me apa nare — hane.

15 Mã Jeju me cumã:

— Me apê me cumã mehhêj xi catêjê, me ahêj xi hyre nare. Pom ca me acunea mepahkõt xà jõ amcro ita kam atýj me gõ pryti me, cawrôcahàcre mã me hê pô, ne me to apa, mã ikõ ita? Nõi na mã ca ame hane?

16 Měr hõhõ, me cahãj ita pupu he, taa xwýjê pê me panquetti Aprãw xwýtãm xwý tím xwý nõ. Pê Xatanaj pê me pahcurê xwýn carõ kên ihpro ne huwapre, ne ramã huwapre ita na ahna caku te tejõjtõ. Xà wa ha ajkĩ mepahkõt xà jõ amcro kam nee cumã hê pôn, ne caprãr nare? — hane.

17 Mã Jeju jarkwa ata kam Jeju curê xwýn itajê amehpahàm. Mã me hàhtõtì atajê Jeju te ampo pejti ton ata pyrên quêt ame hakry.

Ampo hy kryjre jarẽn xà

18 Mã Jeju me cumã:

— Wa ha me amã Pahpãm pê Pahhiti te pjê to ihhimpejxà ata to hahkre, ca ha me hahkre pej. He ihhimpej xà ita pê ampo hy pyràac.

19 Ýhỹ, cupê ampo hy kryjre pyràac. Mã hũmre nõ te ipyr, ne hõ pur kam ihkre. Mã ampo hy kryjre ita híprāj ne ihkà, ne ipàr pê pĩcatia pàr. Mã pryre jara ihtýj ihpa atajê kam amji mã hahê to. Hõhõ, ita naquê ha Pahpãm te pjê to ihhimpej xà ata.

20-21 — Ne hanea ne cupê cuhy incire ata pyràac. Quê hacuhy incire ata to me ahkêt mã haxà, quê ha ahna ahtũm nare, quê ha ihtýj ahkêt apu ihpôc to ipa. Ita na mã Pahpãm himpej xà te hajýr, ne mam cupê ampo kryjre pyràc, ne ma ihtýj cati to ipa — hane.

Harkwa jatàtre jarẽn xà

22 Pê ma Jeju Krípinkrèn wýr mõ, ne ajco krĩ atajê cunea kôt me cumã ampo to hahkre to ipa.

23 Pê jũm ata Jeju cukij ne cumã:

— Ýhỹ, Pahhi, xà mehkên catia ata pê cute me amji pytàr xà atajê incêre? — hane.

24 Mã Jeju cumã:

— Ýhỹ, cõjkwa kam Pahpãm wýr harkwa ata jatàtre. Ca ha ate amji mã ame acarôt na, ca ha atýj harkwa ata na ame acjêj. Wa ampeaj kam me amã awjarẽ, he me hàhtõane tee ame hàr to prãm, ne jũ wýr quê me axà.

25 — Quê ha ikre jõ pahhi ikre jarkwa na ahtwý ne xa, ne to harkwa jihê. Ca ha põ pê ame apa, ne tee cumã me harkwa cahhy, ne tee me cumã amji jarẽn to: “Pahhi, me imã hihê mẽ, wa me

axà” hane. Quê ha me amã: “Jũmjê mã ca me? Ca jũmjê itajê ame apa, ipê me gahkre kêatre” hane.

²⁶ — Ca ha me cumã: “Por pê wa ramã me acahê na me apà, ne ame ikõ ata? Por pê ca ramã me ijõ krĩa kam ampo to me imã hahkre ata?” hane.

²⁷ — Quê ha hipêr me amã: “Ipê me gahkre kêatre. Wa ite rỳ jũ caxuw jũmjê itajê me apupun nare. Ne me acuto, ate ame ampo to kêanre atajê!” hane.

²⁸ — Ca ha me Pahpãm te pjê to ihhimpej xà atakam, me Aprãw xwỳ me, Ixac xwỳ me, Jaco xwỳ me, pê mam Pahpãm jarkwa to mehcajê catêjê atajê cunea pê me panquêtjê na me hõmpu. Ne mehkĩnte põ pê ca ha ameacwỳr to ame apa, ne me akaj xàhte me axwa gyj to me apa.

²⁹ Quê ha me hàhtôa ne me cato, pjê cunea pĩn, quê ha pyt japôj xà me, pyt cjêj xà me, ne kỳj rũm me cato, ne harã rũm me cato, ne me hàpàn xà na amehkrĩ, Pahpãm te pjê to ihhimpej xà ata ri, ca ha cama ame hõmpun to me apa.

³⁰ — Ỡhỹ, ita kam, por hapua na me ipa atajê, quê hajũ caxuw mam ihkrĩa ri amehcuhhê, ne pjê ita kam mammehcuhhê itajê, quê hahapua na jũ caxuw me ipa — hane.

Pê Pahhi Heroti mã Jeju curan prãm

³¹ Ne Jeju xa ne apu awjarẽ ata caxuw ri hỹrmã Parixêw catêjê kwỳ cator, ne Jeju wỳr me hàhtêp ne me cumã:

— Atêm pyrentu, nãmri Heroti apu acuran to prãm — hane.

32 Mã Jeju me cumã:

— Me pra ne me cagã ata mã me ijarkwa jarên to hane he: “Wa ha ita kam ame pahcurê xwÿn carõ kên japôj to mō, ne ame hĩ caprâr to mō. Ne amcro incrê kam wa ha cormã ijâpên xà ita jicu” hane.

33 Ne wa ha itÿj ijâpên xà ita kam to icrà, ne cormã ma Krîpinkrên wÿr ikrâr, ne amcronõ na wa icator to prãm. Nãmri rÿ jũ caxuw Krîpinkrên kaj na Pahpãm jarkwa to mehcakôc catêjê nõ tyc nare, na wa ha curia me cuxà ty — hane.

Pê Jeju mã Krîpinkrên kînti

34 Ne cute Krîpinkrên kôt harên to hajÿr, ne cumã:

— Krîpinkrên, Krîpinkrên, por akam mehkrî catêjê atajê hõtpê Pahpãm jarkwa to mehcakôccatêjê cura, por me Pahpãm te me amã ihkujahêc atajê, ca gõtpê ate kên to mehcuran prãmte ame tocapê. He wa tee ame ato cuprôn prãm to hanea, pom quê hõxãhxãc hãn ne intore to hara krac ri cuprõ he. Ne ipê hõxãhxãc ata pyrâac, ca ma ajte ame icaca.

35 Ne ita caxuw quê ha gõ krî caprÿ, ne kam hamreare ne. Ampeaj kam wa me amã awjarê, ca ha hipêr me ipupun nare ita kam, ahnaa jũ caxuw me ijarên to: “Por jũm Pahpãm jarkwa kôt me iwÿr tẽ ata pê impejti” — hane.

14

Pê Jeju mehkàj xà nõ ita caprã

¹ Mã mehkôt xà jõ amcro nõ na Parixêwcatêjê nõ te Jeju jator, hũrkwa kamme cahê na hàpàn prãmte. Mã ma Jeju ihkôt mõi, ne cator, ne hàr ne hỹr. Mã me hàhtôa ne mexa atajê ame Jeju kôpĩ.

² Mã hũmre jara me ihkjê tuhti Jeju na hàhtêp.

³ Mã Jeju te Parixêw catêjê me, Mojxe xwý jõ kàhhôc to hahkre catêjê me, mehcukij ne me cumã:

— Xà quê ha ihtýj ajkĩ Mojxe xwý jõ kàhhôcata kôt me pahte amji kam me pajapac xà na, me pahkôt xà jõ amcro kam jũm caprãr na me jũm jamã? — hajỹr.

⁴ Mã nee jũm te cumã jũ mãn nare. Mã Jeju te hũmre ata cupên ne caprãr, ne ma ihkujahêc, mã ma tẽ.

⁵ Jirô pê mã me cumã:

— Xà quê ha me anõ jõ cawrô cahàcre me, pryti nõ, me pahkôt xà jõ amcro ita kam, kwa mã mrõi, ca ha nee ajkĩ me anõ caxàr nare? — hane.

⁶ Mã nee jũm te cumã ampo jarên nare, ne aracri mehkrĩ.

Cu ha me amji to me pahcati prãm to me papa nare

⁷ Jirô pê mã ri Jeju jỹ ne apu cute me hator atajê kôpĩ, mã ihtýj amji mã me hỹr xàimpeaj japên to me mõi. Mã Jeju te me hàpàn xà na mehkrĩ atajê japackre, ne me cumã:

⁸ — Ýhỹ, quê jũm me hikwa tuw jõ amji kĩn wýr gato, ca nee gỹr xà impeaj kam gỹr nare. Quê ihhêaj to me girôa pê jũm catia ata jato, quê ha curi cato.

⁹ Quê ha ikre jō pahhi te gator catê ata amãharkwa to: “Cumã gÿr xà imejti ita jahkre, quê kam jÿ” hane. Hamre, ca ha cama apu apahàm to mō, ne mō ne me hōa kam hapua na jÿ.

¹⁰ Cupate ca ha nee hajÿr nare, ne quêt hane he. Quê jūm gato, ca ihkôt mō ne hapua na me hōa kam, gÿr xà ata kam ca jÿ. Quê ha ikre jō pahhi ataapupu ne amã: “Ikwÿ nō, ajpên mō ne ita ri ca gÿr xàimejti ita kam jÿ” hane. Ita na quê ha quêt mehcunea jipôc ri me kam mare mã acati.

¹¹ — Ýhÿ, pom me amji to cati prãm itajê, quê ha Pahpãm me to ihkryjre ne. Ne pom amji to mehkryjre prãm atajê, quê ha quêt me to cati — hane.

¹² Jirô pê mã ri Jeju te ikre jō pahhi japackre ne cumã:

— Ýhÿ, ca ha jū caxuw me gàpàn xà catia ton to prãm, ne nee me akwÿ nō catêjê jator, ne me akjêjême, me gūkjê jator nare. Ne hanea ne nee me acahê na me hakràj catêjê mehkri atajê jator nare. Ca ha ate me hator na, quê ha ate me hator jahpanxà na, cute me amã hàmjör xà na ihtÿj amcro nō na me gato. Na ca ha nee ita to me hajÿr nare, ne quêt me to hane he.

¹³ — Ca ha jū caxuw amji kīn nō ton to prãm, ne mecupê hamreare atajê ca ha me hato, ne cute me xwÿjato, ne mehkjê xà jato, ne mento tūm jato.

¹⁴ Ca ha ate ita to hajÿr na, quê ha Pahpãm quêt apej mã amē. Ne jū wÿr quê me cupê hamreare atajê, ate ame to hajÿr ata jahpan xà na, me amã

amgõ. Cwÿrjapê quê ha Pahpãm, catyt kam ame ipa catêjê te hacpÿa mã mehtĩr xà jõamcro ata kam, ihtÿj me amã amgõ — hane.

Amji kĩn catia jarên xà

¹⁵ Mã por jũmjê me hàpàn xà na me jÿ atajê nõ te ita na Jeju par, ne cumã harên to:

— Taamã, por jũ caxuw Pahpãm pê pjê jõ Pahhiti te me hator, mã me hàpàn xà na me jÿ atajêri mempej mã mehpÿm xà — hajÿr.

¹⁶ Mã Jeju me cumã to hũjarên to:

— Ỹhÿ, por me hũmre nõ te me hàhtôa ne me hator, quê me cuprõ, quê me cumã hõ amji kĩn to.

¹⁷ Mã ramã amji kĩn jõ amcroa kam hàhhuc, mã cute cumã hàpên catê kujahêc, cute ame hator atajê jator prãnte. Ne me cumã harkwa kujahêc to: “Ajpênname aprar pyrentu, nãmri ramã ampo cunea te amji jipêj” hane.

¹⁸ — Mã xãmte aracri ahpÿanre na cute me cumã amji jarên xà atajê. Mã mam pyxitita te hàpên catê ita mã: “Wa ite pur jũhkàr, ne wa ita kam hõmpun prãm, cwÿrjapê wa ha nee gõ pahhi jõ amji kĩn ita wÿr imõr nare. Na wa ha awÿ, ca nee ikam acryc nare” hane.

¹⁹ — Mã ihnõ ita te hajÿar ne cumã: “Wa ite pjê to ipipkjêr xà caxuw pryti to tej ne hũhkàr, ne waita kam hàpên xà to capi prãm, cwÿrjapê wa ha nee gõ pahhi jõ amji kĩn ita wÿr imõr nare. Na wa awÿ, ca nee ikam acryc nare” hane.

²⁰ — Mã ihnõ ita te hajÿar ne cumã: “Wa curmã ijikwatuw, cwÿrjapê wa ha nee imõr nare” hane.

21 — Mã cumã hàpên catê ita te amji jaxàr, ne hõ pahhi mã me harên. Mã ame kam incryac to incryc, ne cumã: “Atêm pyrentu, ijõ amji kîn ita caxuw, ne pry me krī cape kôt ajpên me cupê hamreare atajê japrô, ne cute me xwý me, mento tũm me, mehkjê xà me, ca ha ame haprô” hajÿr.

22 — Mã ma tẽ, ne ahna ahtũm nare mã cumã hàpên catê ita hacpÿ ne tẽ ne hõ pahhi mã: “Hamre, wa ite, por ate ampo na imên ata ton cakrô, mã cormã nee cute me ikre to hipu nare” hane.

23 — Mã hõ pahhi cumã: “Hipêr tẽ ne krī catut na pry atajê kôt ame pra atajê jator to ihtÿaj ne, ne hanea ne pur kam ne ahkêt kam ame ipa atajê jator to ihtÿaj ne, mãr quê ijũrkwa ita to me hipu tu ne.

24 Ne ampeaj kam wa amã awjarê, quê ha nee mam ite amehator atajê nõ ipê ijõ ita kwý krêr nare” hane. Jĩkjê na mã quê ha Pahpãm me ato hanea — hajÿr. Hõ, Jeju te me cumã hũjarên to hajÿr.

Pê Jeju ikôt me ipa catê na, cute me amji ton kôt harê

25 Mã amcro nõ na hipêr me hàhtôa ne ma Jeju kôt me mõi, mã me hÿrmã ipipkjêr ne cute me cumã hũjarên to:

26 — Ýhÿ, ca ha me anõ te ikôt apa prãm na, quê ha ihtÿj me anõ mã ikîn, ca ha ikôt apa. Ne meapãmjê jirôa pê amãikîn, ne me axyrxwý me, me aprô me, me akra me, meakjêjê me, me akjêjê cahãj jirôa pê me amãikîn. Nãmri ca ha itajê jirôa pê amã ikîn nare, ne amji jirôa pê amã ikîn nare na, ca ha nee apê ikôt ipa catê nare.

27 Ne quê ha jũm mã ikôt amji ton to prãm na, quê ha jũm ata ihtỳj amjia kôt ipa jicu, ne ikôt pit mã ipa, ne amcro cunea kam icuxà, hõ pĩ na ihtyc xà ita japjê. Nãmri quê ha amã ita to hajỹr prãm nare na, ca ha nee jũ caxuw apu ikôt apa ñare.

28 — Ýhỹ, ca ha me anõ ikre kàhti nõ xãm prãm, nemam jỹ ne amji kampa, ne gõ pore cahyt, mår ca hahkre pej, jũ mã quê ha gápên xà ata hàhwỳr to. Ne jũ mã quê ha apê gõ pore to ne capa.

29 Ca ha nee apu amji mã hahkre pej par nare ne kam to tẽ, ne apu ihhê pit pyxwỳ, ne nee hipêj nare. Quê hamehcunea me ikre ita pupu, ne me ato hapactu kamtẽ, ne me ajpên mã,

30 “Me hõmpu he, hũmre ita te ikre ton kam ihtẽm, ne nee cute hìcu xà mã to mẽn nare” hane. Ca ha atỳj apu apahãam to apahãm.

31 — Ne ihnõ xwỳjê te hajỹar he. Quê ha krĩ pijakrut jõ pahhiti atajê me ipijapu tõ prãm, ne ihnõ mã hõ krãhtare jàhtô te mir te tej, ne hirôa pê ihnõ ita mã hõ krãhtare te mir te winti. Quê ha me harên pa, ne jỹ ne toamji kampa, ne amji mã: “Pỳhàpà, meijirôa pê me icatêjê jàhtô, wa ha pijamã me cunamã mencreêre itajê to ahtwỳ? Jũ wỳr wa ha me to amjimã hamã” hane.

32 Ne ihtỳj me catêjê jõ pahhiti nõ ata mã harkwa kujahêc pyrentu, cormã ampỳre mã apu mõi reria mã, mår quê nee ame ipijapu nare.

33 — Měr hõ, ca ha me amji kampa, ne me gàhcukrêjcunea mã me hikra, ne cormã ikôt me apa catêjê na meamji to. Nãmri ca ha ate me to

hajÿr nare na, ca ha nee me apê me ikôt me apa catêjê nare — hane.

Caaxwa xen nÿre jarên xà

³⁴ Ne hipêr Jeju me cumã:

— Hõtpê caaxwa pê ampo pejti ata, ne quê ha hànnõ mã axà, jũ mã cu ha me to, ne hacpÿ mã me to wa?

³⁵ Hamre, quê ha ihkên mã axà, ne ampo cunea caxuw ramã ihkêanre, ne nee ampo xõ mã cute pjê to caxà xà na impej nare. Na cu ha me pahtÿj caaxwa xen nÿre atato me awcapê. Por ate me ipar xà na, me akam me gapac ihcuhê ata, mêr me to ikam gapac to impeaj ne — hane.

15

Carà cahàcre hôhti pictor jarên xà

¹ Ne amcro nõ na Jeju wÿr me hàhtôa ne me mõi, cutemempar prãmte, mã pahhitijarkwa na me hũhkra kam me hàmcwÿr catêjê jàhtôane ihwÿr me mõi, ne mehkwÿte amji kam me hapac xà kêanre.

² Mã Parixêw catêjê me, me cumã Mojxe xwÿ jõ kàhhôc to hahkre catêjê me, cute me Jeju te mehkrã kên catêjê mã ampo to hahkre na me hõmpun, ne me ahna xwÿ kam mehtêm, ne me ajpẽn mã:

— Me hõmpu he, hũmre ita ihtÿj mehkên na amji to pøj, ne me cape na apà — hajÿr.

³ Mã Jeju te me hapackre kam ihtêm, ne me cumã:

⁴ — Ýhÿ, quê me anõ mã carà cahàcre hôhti te xêj, ne pyxit ne apê acto, xà ca ha ajkĩ nee hapên

nare? Ca ha atỳj cute nowēntinowi atajēmã pŏ kam hikra, ne ma pyxit ata japên to mŏ, ne cumã acato.

⁵ Ne hūrên gakry, ca ha apỳ ne ma to amji jaxà.

⁶ Ne ikre mã to acato, ne acahê na gŏ ikwỳ nŏ mehkrĩ atajê to cuprŏ, ne me cumã: “Me gakry, nãmri wa ite carà cahàcre hôhti pictor ata mã icator” hane.

⁷ — He me apê carà cahàcre hôhti jàhtô na, cute nowēntinowi atajê pyràac, ne atỳj amji pej na me amji cãmjĩ. Ne por me anŏ pyxit te ihkên jicu, ne hacpỹa mã Pahpãm wỳr amji jaxàr ata pê ri carà cahàcre hôhti pyxit pictor ata pyràac.

— He wa ampeaj kam me amã awjarê, ita kôpit na, quê ha cŏjkwa kammehkrĩ atajê ihtỳj me apej catêjê pyrên ame hakry. Ne por quê ha jũm pyxit peaj ne ihkên jicu, ne catyt kam ipa kam tễ, ata pyrên quê ha cŏjkwa kam mehkrĩatajê me girôa pê me hakry.

Ihpore hy pictor jarên xà

⁸ — Ne ihnŏ xwỳjê, quê ha cahāj nŏ mã wakỳre prà jakare te ihpore hy tej, ne cupê pyxit ne acto, quêha ihtỳj hapê. Ne cute cumã cator xà caxuw, quê ha hàhcujro xà nŏ pŏc, ne ikre capŏ ne hapên to impeaj to mŏ, ne ihtỳj cumã cato.

⁹ Ne me hŏ ikwỳ nŏ catêjê me, me cahê na amehkrĩ atajê to cuprŏ, ne me cumã: “Me gakry, ite ihpore hy pictor ata mã icator” hane.

¹⁰ — He wa ampeaj kam me amã awjarê, ihpore hy pictor ata pê jũm te ihkên ton to ipa ata pyràac. Ata kôpit na, quê ha Pahpãm jarkwa to imprar catêjê cŏjkwa kam, por jũm pyxit peaj te amji kam hapac xà kên mã hikran, ne hacpỹa mã

Pahpãm wỳramji jaxàr ata pyrên, quê ha ame hakry.

Ihkra xũmti pictor jarên xà

11-12 — Ne ihnõ xwỳjê te hajỳar. Ýhỹ, pê jũm xũmre nõ mã ihkra xũmre ajkrut. Pê amcro nõ nahapu na ihkra intuw ita hũm ita mã: “Inxũ, ita kam imã ate atyc jirô pêimã ampo jŕr xà atajê gŕ. Jũ wỳr wa ha atyc xà itajikaj” hane. Mã hũm te cume amji mã ampo to ipicapôn.

13 — Mã ahna amcro jàhtô nare, mã hapu na ihkra ita te ampo to hŕ tekjê ita to cuprôn, ne ma pjê nõ wỳr to mŕ. Ne curia ihkrĩ, ne cuteihkên to amji to hipu tu, ne por cute hũm pê ampo cwỳratajê to ampo kên cunea na hamre partu.

14 — Ne hamre, cute ampo to hamre jirô pê, ampeaj kam pjê ata kam me cumã prãm cati. Mã prãm te kam ihtêm.

15 Mã cute pjê ata kam jũmjê krĩ atajê na hàhwỳr, cute me cumã hàpên ne amji mã harte prãmte. Mã cute crô to ipijapar xà wỳr mehkujahêc, cute crô mã harte, ne me cumã hamãr xà na.

16 Mã curia apu crô jamãr to ipa, ne ampeaj kam cumãprãm. Mã te crô jŕata kwỳ krêr to prãm cakrô, mã nee jũm te cumã crŕjŕ ita kwỳ jŕr nare.

17 — Mã cute hỹr, ne amji kam hapac ne amji mã: “Ampeaj kam inxũ mã me hàpên catêjê jàhtô, ne me cumã hŕ cati, ne cute mehakren tu. Wa mehkĩnte ajte ita ritee prãm to amji curan prãm.

¹⁸ Ne wa ha ma inxũ wỳr amji jaxà, ne cumã amji jarěn to hane he: ‘Inxũ, wa ite còjkwa kam Pahpãm me, acuna mã ikêanre ton.

¹⁹ Na wa nee hipêr ate ito amji kra na ana ijàhwỳrnare. Ca ha ito amji mã cama amã ijàpên catê’ ” hane.

²⁰ Ne ma hacpỹ mã hũm wỳr cute amji xàr.

— Ne hũm wỳr cator to mỗ, mã hũm te prycãmpun, mã cormã ampỳa mã mỗ. Ne cumã caprĩ, mã hỹrmã tẽ ne cute impỳn, ne cahôr.

²¹ — Mã cumã: “Inxũ, wa ite còjkwa kam Pahpãm me acuna mã ikêanre ton. Na wa nee hipêr ate ito amji kra na ana ijàhwỳr nare. Ca haito amji mã cama amã ijàpên catê” hane.

²² — Mã hũm te cumã me hàpên catêjê nỗ mã harkwa hyr, ne me cumã: “Ame kware ne ajpên me cumã ihkà impeaj nỗ to tẽ, ne me cumã haxà, quê toihkà. Ne hũhhi na hê xà nỗ to cumã me hũhkrahhi na hê, ne hanea ne ihpar kà nỗ mã me haxà.

²³ Ne hanea ne ajpên me pryti krahti nỗ jicotti to me mỗ, ne mehcura, cume to amji kїн to.

²⁴ Nãmri, wa ikra pictor ita tyc na amji mã to hajỹrcakrô, mã ihhêj nehacpỹa mã ihtĩr ne mỗ ne cator, cwỳrjapê rihũrên ijakry” hane. Ne cute amji kїн kam me to ihtêm.

²⁵ — Ne cormã ame amji kїн ita toan kam, mã ihkra kà ita pur kam apu apê. Ne cute amji jaxàr, ne ramã ikre na hàhtêp to mỗ, ne cuteme hõkrepôj me, me hàkrun jàhkrihkrit kam hapac.

²⁶ Ne cute me hàpên catêjê nỗ na hàhwỳr, ne ihcukij ne cumã: “Ampo na mã ame hane?” hajỹr.

27 — Mã hàpên catê nŏ ata cumã: “Gapyre teamji jaxàr ne impej pêa mã cator. Cwÿrjapê ri apãm te amji kîn ita caxuw pryti kra jicotti curan na me imên, wa ite mehcuran, mã ame to amji kîn” hane.

28 — Mã ihkra kà te ita kam hapac, ne apu kam incryc. Ne ma apu ikre mã hàr caca, ne ma amehkôt amji kîn ita na amji ton caca. Mã hũm pŏ mãcator, ne tee apu to hàr to hahkre.

29 Mã cute hũm mã: “Rÿ pêa mã wa ipê amãijàpên catê pyràac, ne amã ijàpên to ipa. Ne nee wa rÿ jũ caxuw ite garkwa par caca nare cakrô, carÿ jũ caxuw ate imã carà cahàcre nŏ jŏr, wa ite ijŏ ikwÿ nŏ catêjê me, me to amji kîn nŏ ton nare.

30 Mã akra kêanre ita te, por mecahãj pijapit xyre atajê na, ate cumã ampo jŏr atajê rên partu. Ne cute amji jaxàr, ca ate quêt cumã prytijicotti ita curan, ne ame to amji kîn” hane.

31 — Mã hũm te cumã: “Ikra, apu hajÿr nare, ca gŏtpêicahê na apu apa. Ne wa ampocunea to itekjê itajê, pê atekjêa ri.

32 Ne ampeaj kam wa ite amji kîn ita ton na amji mã prãm, me pajakry prãmte. Ampo na? He me pamã amji kîn nŏti ita na ipê ihkaj na. Ne ampo nawa ite ita ton? He gapyre ita ramãihhêj ne ihtyc, ne hacpÿa mã ihtÿr, ne hanea ne ipictor ne hacpÿa ne cator cwÿrjapê wa ite ton” — hajÿr.

16

Me hũrkwa jamãr catê hêj xi jarên xà

1 Ne Jeju te hipêr ihkôt me ipa catêjê mã hũjarên, ne me cumã:

— Ỡhỹ, por hakràj cati nŏ mã hũrkwa jamãr catê. Mã jũmjê atajê te ikre jŏ pahhi mã, cama cute apu cupê hŏ tehkrêj rên to ipa na harênto kêanre.

2 Mã cute ahna hàhwÿr ne cumã: “Pÿhàpà, xà ampeaj kam mã me garê? Krãa caxi, imã amji jarê, ne imã ijŏ ampo itajê cuneana ihhŏc. Ne cute me ito new catêjê japryatajê cunea na imã ihhŏc, wa gápên xà jahkre pej. Ne ca ha nee hipêr apê imã ijũrkwa jamãr catê nare” hane.

3 — Mã hũjamãr catê ita mŏ ne hÿr, ne cute amji kam hapac ne amji mã: “Pea hito, wa itea amji pê ijàpên xà ita to ipictor. Ne nee imã icarôt cati nare ite pjê jahkwÿn xà caxuw, ne me ahna ijàhwÿr na ipahàmti ita kam, ampo to mã wa ha ajte?

4 Ỡhỹ, wa ite hajÿr itakam, quê ha ijŏ pahhi ikujate, wa ha nee hipêrcute me to new catêjê jũhkra kam ijàmchwÿr to ipanare. Ne wa ha to hane, wa ha mam cute me ijŏ pahhi to new catêjê to impeaj ne, mãr quê cute ijàpên xà pê icator jirô pê, ihtÿjme hũrkwa kam me ijuwahi. Ne me taa me itehcajpa” hane.

5 — Ne cute me hŏ pahhi to new catêjê cunea na hàhwÿr. Mã cute me cuprŏn, mã cute ahpÿanre na mehcukij par. Ne cute mam ita cukij ne cumã: “Jũ mã ca ate ijŏ pahhi to new ton?” hane.

6 — Mã cumã: “Hànhcujro xà cacô incjên xà te xějto wa ite to new” hane. Mã cumã: “Ihnãm ate

new na gō kàhhôc ita he, to jÿ ne cute xīncwēnta peaj na, ca ihhōc” hane.

7 — Ne cute ihnō ita mǎ: “Ne ca, jū mǎ ca ate newton?” hajÿr. Mǎ cumǎ: “Arÿjhy incjēn xà temir to wa ite to new” hane. Mǎ cumǎ: “Cute ôjtôxēnta peaj na ca ihhōc” hane. Ne cute me to new catêjê cunea to hajÿr partu.

8 — Mǎ hō pahhi te ita par, ne cumǎ: “Ahêj xicakrô, ampeaj kam ate amji jahkre pej” — hajÿr.

Ne Jeju te ihkôt me ipa catêjê mǎ:

— Ýhÿ, ihhêj ne catyt kam me ipa nare catêjê atajê te ri, catyt kam me ipa catêjê jirôa pê me amji jahkre pej.

9 Cwÿrjapê wa me amǎ: “Gapacta ne amji to megakràj, ne gapacta ne catyt kam me ipanare catêjê to me amji kwÿ nō. Quê ha jūcaxuw amǎ ampo atajê cunea apê hamre, quêha me gō ikwÿ nō catêjê ihtÿj me hūrkwá kam me ana amji to pôj” hane.

10 — Ýhÿ, quê ha jūm hōtpê ampo kryjre atajê jamār to impejti na, quê ha hanea ne ampo catia jamār to impeaj ne. Quê ha jūm apu ampo kryjre atajêto ihhêj to ipa na, quê ha hanea ne ampo catia to ihhêj to ipa.

11 Ýhÿ, ca ha pjê ita kam me gâhcukrêj to ame ahêj to me apa, quê ha nee jūm me amǎ Pahpām jâhcukrêj nō jōr nare.

12 Na ca ha jūm jâhcukrêj to ate ame ahêj to me apa na, ca ha nee me gâhcukrêj cwÿr nare.

13 — Ne jū wÿr quê jūmjê hō pahhi pijakrut jarkwa kôt me ipa. Ampo na? Quê ha cumǎ

hōpahhi pyxit nō ata pit kīn, quē ha cumāa apê. Ne ma apu ihnō ita caca, ne hīcu ne cumā hikra. Ita jīkjê na, ca ha Pahpām mā me apê, ne nee ate mehporē catia ne ipyr na, me amji cāmji nare. Nāmri ca ha ate ihporē ita topit mā me amji japackre na, quē ha cupê ihhêj rŭm me gō pahhi, ca ha ihkōat me apa ne atỳj Pahpām mā hikra — hajỹr.

Pê Jeju Parixêw catêjê mā ihporē cawpa

¹⁴ Mā Parixêw catêjê mā ihporē pit kīn atajê te me ita par, na ri ame Jeju xŭn.

¹⁵ Mā Jeju me cumā:

— Ihhêj ne mehcunea cuna mā me apê me hŭmre impejti, ne Pahpām mā ri quêt me ate amji kam me gapac xà cuneajahkre pej. Ýhỹ, me hŭmre mā pjê kam ampo pej ne cati na prām atajê ri, Pahpām mā ihkīn nare, ne ahna cupê ihkēanre.

¹⁶ — Pê Jowāw te me cumrār catê cator xà wỳr, ihtỳj ajco me Mojxe xwỳ jō kàhhôc kampa, ne me Pahpām jarkwa na ihcakôc catêjê kampa, ne ajco ihkōat ameipa. Ata japu na, wamehcunea mā Pahpām pê pjê jō Pahhiti na harên to mō, ne ahpýanre na Pahpām himpej xà mā mencjêj prāmte ame amji mā carôt.

¹⁷ Xà quē ha pijamā jŭ caxuw cōjkwa mepjê hamre? He quē ha ihtỳj jŭ caxuw hamre, ne Pahpām jarkwa nare, quē ha quêt jŭ caxuw hamre nare. Quē ha nee Mojxe xwỳ jō kàhhôc kamhàhhôc kryjre hikwa itajê nō ipictor nare.

¹⁸ — Ne quē ha me hŭmre nō apu hīxi caca ne cumā hikra, ne ma tē ne ajteare mā cahājnō

me hikwa na, quê ha cupê hũmre inxyre ata, ne ihkêanre ne. Quê ha cupê hũmrenõa te cahãj mã hikran ata me hikwa ata, ne hanea ne cuxã inxyre ne, ne ihkêanre ne.

Hakràjti me Raxaro pê hamreare nare ata jarên xà

19 — Ýhỹ wa ha me amã me hakràj te amji kam hapac xà kôt harê. Ýhỹ, pê hũmre nõ jakràj cati, ne ajco ihkà impej to pit mã ihkà, ne ajcoamcro cunea kam hõ impej pit kur to ipa, ne ajco amji kĩn catia ton to ipa.

20 Pê hanea ne hũmre nõ pê hamreare ata japrýRaxaro. Ne ihkà xêt, ne hĩ cunea kam ahna cuhê. Pê Raxaro jũkjê atajê ajco hũmre jakràj cati ata wýr me to pra, ne hũrkwa jarkwa mã me cunõ.

21 Pê ajco curia harkwa mã hikwa. Por hakràj catê ata jàpàn xà pê hõ pihur, mã cute to harte prãmte ajco hikwa. Pê hanea ne rop ajco hỹrmã pra ne cumã cuhê atajê cũmtwý.

22 — Ne ty, pê me hĩ jarêt, pê Pahpãm mã imprar catêjê cõjkwa pĩn, mamempejti tyc atajê krĩ xà wýr me caxwýn to tẽ, ne me panquêtti Aprãw xwý kjê kamme hỹr, pê huwahĩ ne to jỹ. Pê hanea ne hakràj catê ata ty, pê me hĩ jarêt.

23 — Pê Raxaro kĩnte mehtyc kêanre atajê krĩ xà kam, cute me amji pupun xà kêanre xà ata kamamji pupu. Ne irít, ne ihmãt ri cute Aprãw xwý pupun, ne cute hĩkjê rũm Raxaro xwý pupun.

24 Ne cumã caràr to: “Quêtti Aprãw, icaprĩa ne! Imã Raxaro kujate, quê cô to hũhkrahhi inco

ne to ijarkwa jakry! Ampo na? He wa cuhy ita kamamji pupun xà kèanre to amji pupu!” hane.

²⁵ — Mā Aprāw cumā: “Itàmxwỳ, he pê ca cormā atīr reria mā ajco quêt amji mā ampo pejti cunea incwa ata to ca amji japackrea ne. Pê Raxaro ajcoakīnte girôa pê amji mā ihkên pit cwa. Ne ita caxuw rī quêt imā caprī, mā apu hakry ne ampo ita cunea to amji mā amji kīn. Ca ihkīnte, ita caxuw amji pupu he.

²⁶ Ne xwỳjê mā, me pahcote na pjê catacti ita kam, cu nee me pahnō ajpên wỳr parêr nare” hane.

²⁷ — Mā hakràj cati ita cumā: “Ỗhỹ, quètti Aprāw, wa ha awỳ, ca kepê inxũ jũrkwa wỳr Raxaro kujate.

²⁸ Quê cormā curi me ikjêjê te xīc ne me hàhhuc atajê mā mehkên cawpa, mār quê mehkên ton jicu, ne nee ikrī xà kèanre ita wỳrmemprar, ne icuxà me amji pupun xàkèanre to hajỳr nare” hane.

²⁹ — Mā Aprāw cumā: “Pom ramā me akjêjê mā Mojxejō kàhhôc me, Pahpāmjarkwa na mehcahôc catêjê jō kàhhôc itajê. Ne quê ha taa me cumā ita to hahkre, ne me hapackre ne me cumā ihcawpa. He me cumā ihcawpa xà ita caxuaw rī ihkàhhôc atajê” hane.

³⁰ — Mā cumā: “Hamreare quètti, jũ wỳr quê ha ihkàhhôc itajê kampa. Quê ha quêt jũm tyc ata hacpỹa mā ihtīr, ne me hỹrmā cato, quê ha ihtỳj me kampa, ne mehkên itajê jicu” hane.

³¹ — Mā Aprāw cumā: “Quê ha cute nee Mojxe jō kàhhôc par nare, ne hanea ne nee me Pahpām jarkwa na ihcahôc catêjê jō kàhhôc par nare na,

quê ha nee jũm hacpỹa mã jũm tĩr ata kam hapac nare” — hane. Hõ, Jeju te Parixêw catêjê mã hũjarẽn to hajỹr.

17

Mehkên cunea jicu kôt harẽn xà

¹⁻² Ne Jeju te hipêr ihkôt me ipa catêjê mã:

— Ỹhỹ, ampeaj kam quê ha hõtpê mehkwy, Pahpãmcuna mã mehkên xà kêanre to. Ne pỹj me xi, por cute me cumã mehkên to hahkre, ne me cumã to mehhimpej atajê, quê ha ame amrãa to ame amrã. Ampo na? He quê ha Pahpãm, por cute jũmjê kryjremã mehkêanre to hahkre atajê, quê ha Pahpãm mehkên mã me cumẽ. Ne mehkên mã me hàr xà ata ri ihkêanre. Quê rỳ mã mehkên kêanre ata xwỳjrea na memput na kên pytĩa nõ mã hê, ne cõxwa tua kam ahna me cumẽ, quê cô me hipej.

³ Co he, me guphê! Quê ha atõ ampo to ato kên, ca ha intête cumã. Quê ha ihkên ita jicu, ca ha cute ato kên ata to tojnõ, ne nee to amji japackre nare.

⁴ Quê ha atõ, amcro pyxit kam, ato kên to xet, ne awỳr pra ne amã: “Waha ite ato kên ita jicu. Ne nee hipêr ato hajỹr nare. Ikam acryc nare” hane. Ca ha atỳj cute ato kên ita to tojnõ, ne nee to amji japackre nare — hane.

Cu ha pahỳj Jeju to amji mã me pahhimpej to prãm

⁵ Mã ihkôt me ipa catêjê te ita na me Jeju kam hapac, cwỳrjapê ri cute ahna me hàhwỳr to:

— Ÿhỹ, me ijŏ Pahhi. Wa me hirŏa pē amji mǎ me atoihimpej na me itehcajpa — hajỹr.

⁶ Mǎ me cumǎ:

— Ca nee cormǎ ito amji mǎ me ahimpej nare. Kepē ca ito amji mǎ me ahimpej kryjre to hanea, pom quē ampo hy kryjre ita he, ne atỳjampo pĩ pàr catia xa ita mǎ garkwa ta, necumǎ: “Garē mea mǎ amji capa, ne ma cŏxwa kam amji kre” hane. Quē ha pĩ pàr ita ihtỳj me akampa, ne me akam hapac to kēnre nare, ne ma cŏxwa kam amji kre — hane.

Cama me cumǎ hàpēn catē jàpēn jarēn xà

⁷ Ne hipēr me cumǎ:

— Quē jũm cama me anŏ mǎ hàpēn catē na ipa, ne amǎ pur kam apē, ne amācarà cahàcre hôhti jamǎ, ne pyt xàr xàa wỳr pur pĩn amji jaxà, ca ha ajkĩ cumǎ: “Hamre, ate gàpēn xà jicu ita kam gapacta ne gàpànxa na jỹ ne apà” hane?

⁸ Jũ wỳr ca ha cumǎ hane. Ca ha ajteare mǎ cumǎ garkwa to: “Hamre, ita caxuw ca ha akà pro xà to amjipro, ne imǎ ijŏ nŏ to, ne imǎ agŏ, waha apà ne ikŏ, jirŏ pē mǎ ca ha gapacta ne apà” hane.

⁹ Nare ca ha ajkĩ amǎ hàpēn catē ata mǎ: “Caate ipar pejtĩ, ne ateitehcajpar to catia, cwỳrjapē ri apyrēn ijakry” hane? Jũ wỳr ca ha cumǎ garkwa to hane.

¹⁰ — Mēr hŏhŏ, he me apē hàpēn catē nŏ ata pyràac. Na ca ha ate me, pom ite ampo cunea na me amēn itajēton na, ca ha me amji jarēnto hane he: “Me ipē meamǎ me ijàpēn catējē kēanre, wa me ite, por ampo na ate me imēn ata to pit mǎ

me ijàpên, ne neegarkwa jirô pê, amjia kôt hipêr me ijàpên nare” — hane. Hõ, Jeju te ihkôt me ipa catêjê mã to hahkre to hajÿr.

Pê Jeju mehka xêt te tej caprã

¹¹ Pê ma Jeju Krĩpinkrên wÿr mõi, ne Krĩrĩtpejme Hĩpõjajo jõ pjê te ajpên mã ahhyr cajpuw mõi.

¹² Ne ramã krĩ jacot mã hàr xàa kam, pêmehkà xêt catêjê me tej nehÿrmã me pra. Ne ampÿa mã me ahtwÿr ne me xa.

¹³ Ne ame caràr, ne mecaràar kam me Jeju na hàhwÿr to:

— Pahhi pê Jeju! Me icaprĩa ne! — hane.

¹⁴ Mã Jeju te me hõmpun, ne me cumã:

— Amũ me pra, ne Pahpãm mã mehcajrên catêjê wÿr me axà, quê me gaxajre ata jakàn pê ameapupu, ne ame akõpĩr to impej, ne ame gakrô — hajÿr. Mã me hÿrmã memprar kwÿa kam, mã ramã mehcunea impej to mõi.

¹⁵ Mã mehka xêtti atajê nõ te ramã caprãr na amji cajpêr, ne amji kà pupun, ne Jeju wÿr amji jaxàr pyrentu, ne kÿj cati pëa mã caprãr pyrên hakryti na, cõjkwa kam Pahpãm to hàmnãn to mõi. Ne jũm ata pê nee Juta catêjê nõ nare, ne cupê Krĩrĩtpej jõpjê catêjê nõ.

¹⁶ Ne Jeju wÿr cator, ne cuna mã hõ põrpo ne nõ, ne cumã:

— Ýhÿ, ikrã tũm ampeaj kam apej, ne ate-icaprãr xà ita pyrên ampeaj kam ijakry — hane.

¹⁷ Mã Jeju te ihcukij ne cumã:

— Pÿhàpà, jõ ri mã me akwÿ cahhur? Xà nee ìte me acunea caprãr narena mã apÿxit peaj te

amji jaxàr? Jō ri mǎ me akwỳ kwỳ te me nowi atajê?

¹⁸ Ampo na mǎ apê mehcahkrit pê nee Juta catêjê nō nare ita te pit mǎ amji jaxàr, ne Pahpāmmǎ hūrên gakry na amji jarên to mō?

¹⁹ To xa ne mō. Ca ito amji mǎ ahimpej, cwyrjapêri ramǎ acaprār pejtu — hajÿr, mǎ ma tē.

Pahpām te pjê to ihhimpej kôt harên xà

²⁰ Mǎ amcro nō na Parixêw catêjê nō te Jeju cukij, ne cumǎ:

— Jū caxuw mōrmō quê ha Pahpām pjêcunea to ihhimpej kam tē? — hajÿr. Mǎ Jeju cumǎ:

— Quê ha ihtÿj Pahpām cato, cute pjê ita to ihhimpej xà caxuw. He jū wÿr ca ha ampo pupu, ne ihkôt amcro nō na cator xà atajahkre pej.

²¹ Quê ha ihprôt pê cato. Cwyrjapê jū wÿr quê ha jūm amǎ harên to: “Hōmpu he, pjê ita to ri Pahpām himpej xà” hane. Nare, quê ha amǎ: “Hōmpu he, ihm̄at ri pjê ata to quê ha ihhimpej” hane. He ramǎ Pahpām te me acaxwām pê, meanō mǎ, cute amji kam hapac xà to ihhimpej — hane.

Jeju te amji jaxàr xà kôt harên xà

²² Mǎ cute meh̄kôt me ipa catêjê mǎ:

— Quê ha jū caxuw ipê me Ahàkà jōamcro kam ahtwỳ, ca ha amcro atajê pupunprām cakrô, nee hōmpun nare.

²³ Quê ha mehkwỳ me amǎ: “Ita ri ca Pahpām pupu he” nare quê ha me amǎ: “Ihm̄ut ri ca hōmpu he” hajÿr cakrô, quê ha nee cator xà

hajÿr nare. Cwÿrjapê ca ha nee me harkwa kôt apu hapên to apa nare.

²⁴ Quê ha ipê me Ahàkà jō amcro ihprôt pê cato. Quê ha me icator xà pê ihhêj rŭm pahhàjê cuxê pyràac. Pom pahhàjê cuxê ne cōjkwa cunea cujroita na, quê ha icator xà hane.

²⁵ Ne icator xà ita wÿr, quê ha xa me amji pupunxà kēanre to me amji pupu, ne ame icurê.

²⁶ — Ne por pê me panquêtti Nowe xwÿ jō amcroajco hapôj ata na, quê ha me ijō amcro hane.

²⁷ Ne por ihtÿj ajco mehcunea me apà ne me ikō to me ipa. Ne nee amji na me ampo cāmĵī nare kam, mehŭmre me pyjê ajco me hikwa tuw to mōr ata kam, pê ahnaaNowe xwÿ te pàr kreti mǎ hār jō amcro kam ahtwÿ. Ne me hār jirō pê, pê cō cati cato, ne mehkwy jipej tu.

²⁸ — Ne menquêtti Ro xwÿ jō amcro ata kam pê me hanea. Ne nee amji na me ampo cāmĵī nare kam mehcunea ajcome apà, ne ajco me ikō, ne ajco ame ampo jŭhkār to me ipa, ne ajco ihpore to ampo na me hàhpan to me ipa, ne ajco pur kam ame ampo hy kre to me ipa, neajco amji mǎ me ikre pyxwÿr to me ipa.

²⁹ Ata jō amcro kam, pê Ro xwÿ Krīhpôc jō krī pê cato, pê ihprôt pê kēn te cuhy cōjkwa pīn ihpŷm, ne krī me, mehkwy cunea to caxār tu.

³⁰ — Hō, quê ha me Ahàkà cator xà jō amcroa kam ahtwÿ, quê ha hanea.

³¹ Ne amcro ata kam, ca ha me anō ikre jō mǎ ahtyc mǎapu mō, ne ma atēm pyrentu, ne nee ampo pyr prāmte gŭrkwa mǎ axār nare. Ne me

anõ pur kam apu apê, ne nee hacpỹ ne gũrkwa wỳr atẽm nare.

³² Co he, Ro xwỳ prõ tehacpỹ mã Krĩhpôc jõ krĩ wỳr ihtẽm prãm, cwỳrjapê ri ihtyc, na ca meto amji japackre. Na ca ha nee me hajỹr nare!

³³ Quê ha jũm apu ihtĩr prãm, ne ihtỳj amji to acto. Ne jũm te amji to ipictor prãm ata, quê ha Pahpãm cahê na ihtĩr rohnỳtti mã.

³⁴ — Ne caxwa ata kam, quê ha me hũmre ajkrut ne menõ, me hikwa xà kam, quê hapyxit ne me haprô, quê ha pyxit ne ahtwỳ.

³⁵ Quê ha me cahãj me ajkrut ne ame arỳjhy twỳ, quê ha me pyxit ne me haprô, quê ha pyxit ne ahtwỳ.

³⁶ Ne me hũmre ajkrut ne pur kam ame apê, quê ha me pyxit ne me haprô, quê ha pyxit ne ahtwỳ — hane.

³⁷ Mã ihkôt me ipa catêjê te mehcukij, ne me cumã:

— Jeju, jõ ri quê ha ita hane? — hajỹr. Mã Jeju me cumã:

— He me apê xõnti pyrác, ne nee cormã ne ate me hahkre pej xà nare cakrô, quê ha jũ ri cumã ampo ty, quê ha ihtỳj ahna cuprô — hane.

18

Mehcukij catê te cahãj tehcajpar prãm nare jarẽn xà

¹ Quê hãn ne hõtpê Pahpãmmã mehcakôc, ne nee quê jũ caxuw intête meamji hi kwĩn nare, prãmte ri Jeju te me cumã hũjarẽn xà ita jarẽn. Hõ, cute harẽn to hajỹr he:

2 — Ýhỹ, pê hũmre nõ ata pêmehcukij catê, ne cupê me hõ pahhi. Ne nee ajco amji mã Pahpãm cupa, ne harkwa kôt ipa nare. Ne hanea ne nee cumã jũm cupa nare, ne krĩ nõ ita kam ihkrĩ.

3 Pê hanea ne krĩ ata kam jũm cahãj pêimpjên ty ata ihkrĩ. Ne ahte ajco apu ipa. Ne ajco mehçukij catê wÿr pra ne cumã: “Itehcajpa, ne icurê xwÿn ata na ahcukij, ne cumã garkwata, quê hacpÿa ne imã ampo pê itekjêa atajê gõ” hane.

4 — Pê amcro jàhtôa kam ma mehçukij catê ita apucahãj ita tehcajpar caca. Pê ajco mãnea mã cahãj ata amji caxuw ihcukij to ipa. Mã jũ ita caxuw cute amji mã: “He nee imã Pahpãm cupa nare, ne nee imã jũm cupa nare cakrô, wa ha itÿj cahãj ita tehcajpa.

5 Ampo na? Cahãj ita cama apu icahpêrkàr to ipa, cwÿrjapê wa ha ahcukij nehÿtà. Nãmri wa ha ite to hajÿr nare na, quê ha ihtÿj ito hamre” — hajÿr.

6 Ne Jeju ihkôt me ipa catêjê mã:

— He mehçukij catê kêanre ita jarên kam me gapac to impeaj ne.

7 He Pahpãm pê nee mehçukij catê kêanre ata pyràc nare. Ne quêt ihtÿj mehkwÿ, caxwa me, amcro kam amjitehcajpar xà caxuw ame cumã caràr to me ipa atajê tehcajpa ne me hÿtà. Xà quê ha ajkĩ cute mehçehcajparxà ita wÿr apu ihkên? Quê nare!

8 Ampeaj kam wa me amã awjarê, Pahpãm quê ha ihtÿj mehkwÿa pytà, ne mehçehcajpa, mehçukij ne me to ipicokjêr xà jõ amcro kam, ne hũjarêan kam to.

— Ne quê hapijamã pjê kam jũm ipê me Ahàkà cator xà ata jŏ amcro kam, amji mã ito ihhimpej? — hane.

Me hũmre pijakrut Pahpãm mã mehcahôc jarẽn xà

⁹ Ne pê me hũmre kwỳ atajê mehkwỹ jirôa pê mempej na me amji to hane. Cwỳrjapê ri Jeju te me cumãhũjarẽn xà ita to hũjarẽn to hajỳr he:

¹⁰ — Ỗhỹ, me hũmre pijakrut ne ma Pahpãm to me amji kam hapac xà jũrkwa wỳr me tẽ, cumã mehcahôc prãmte. Ne ihnõ ata pê ri Parixêw catêjê nõ, ne ihnõ ita pê ri pjê jŏ pahhi jarkwa kôt mehũhkra kam hãmchwỳr catê.

¹¹ — Mã Parixêw catêjê nõ ita xa, ne hirãa pê Pahpãm mã ihcahôc, ne ampo pyrên hakry na cumã amji jarẽn to: “Ỗhỹ, me ijŏ Inxũ, nee mã ipê ijàhkĩj xicatê nare, ne nee ipê me cumã ihêj xi catênare, ne nee wa apu, por me ikwỳ amji pê mehprô caxun to ipa atajê cuxà me cupê mehprô caxun to ipa nare, wa nee hajỳr nare. Nee mã ipê pjê jŏ pahhi jarkwa na mehũhkra kam hãmchwỳr catê xa ata pyrác nare pyrên ijakry.

¹² Wa ijŏtpê ipijacri impejti to ipa, ne amcrote xet ita kam, amcro pijakrutita kam, wa nee ampo kur to ipa nare. Ne wa hanea ne ampo cunea to itekjê atajê, quê ha imã ihkrã tejwa ha ijŏtpê to ajcrà, ne hãn ne pyxit ne gũrkwa mãhacjê. Cwỳrjapê ca ha ito impejti ne” hane. Hõ, cute Pahpãm mã ihcahôc xà to hajỳr.

¹³ — Mã me hũhkra kam hãmchwỳr catê ita ihpahãmte, ihkĩnte ampỳa mã xa, ne nee kàj mã, còjkwa wỳr, ihkuc to irĩt nare. Necama

apu hitôhkre kam amji cahhy, cumã amji kîn nõ xâhte, ne ma Pahpãm mã ihcakôc ne cumã: “Ijõ Inxũ, he ipê ikên ton catê, icaprĩa ne” — hane.

¹⁴ Mã Jeju me cumã:

— Ampeaj kam wa me amã awjarẽ. Pom hũmre te Pahpãm mã ihkêanre na amji jarẽn ita ri, cuna mã cumã impej, ne nee ihkên nare. Ne ma quêt impej pêa mã, cuteamji jaxàr ikre wỳr. Mã ihkĩnteParixêw catêjê nõ ata ri Pahpãm mã ihkêanre, na ri nee impej nare.

— Ỡhỹ, quê ha jũm apu amji to cati prãm to ipa, quê ha ihtỳj Pahpãm toincri. Ne jũm amji to incrire prãm to ipa ata, quê ha ihtỳj Pahpãm to cati — hane.

Jeju me, me ahkrare

¹⁵ Mã krĩ ata kam mehkwỹ te me ahkrare kwỳjapỳn, ne ma Jeju wỳr me to pra, cute me ahnahũ nõr, ne Hũm mã mehcajrẽn prãmte. Mã ihkôt me ipacatêjê te ahna me hõmpun, ne ame kam mencryc, ne ma intête ame huwahi.

¹⁶ Mã quêt Jeju te amji wỳr me ahkrare nahàhwỳr, ne ihkôt me ipa catêjê mã harkwa to:

— Quêt taa me ahkrare itajê ajpên iwỳr me mõi, amehcahpêrkàrnare. Quê ha jũmjê itajê pê me ahkrare itajê pyràac, ne ihtỳj jũmjê itajê Pahpãm himpej xà mã me axà.

¹⁷ Ita to me amji japackrea ne, quê ha jũm Pahpãm himpej xà na amji caxàr to hanea, pom quê ahkrare te ahna me amji caxàr he, ita na quêha ihtỳj jũ caxuw Pahpãm krac ri me axà — hane.

Pê pahhi jakràjti nõ ata Jeju cukij

18 Mã Juta catêjê nõ pê pahhi cator, necute Jeju cukij, ne cumã:

— Me imã ampo to hahkre catê, pom quêt apejti ita, jũ mã wa ha ne ityc jirô pê me Pahpãm jŏ krĩkam apu ipa to? — hajÿr.

19 Mã Jeju cumã:

— Ampo na mã ca apu ipej na ijarê? Ampo na? Neeme pahnŏ impej nare. Me Pahpãm pyxit peaj ri ne impeaj to impej.

20 Pom ramã ate me Pahpãm jarkwa jahkre pej ita, pê me pamã harkwa to hane he: “Nee ame cupê mehprŏ caxun nare, ne nee amehcuran nare, ne nee apugàhkĩj nare, ne nee apu ahêj xi jarên nare, ne atÿj me apãmjê me, meaxyrxwÿ jarkwa to me amji japackre to me apa” — hane.

21 Mã hũmre ita cumã:

— Ýhÿ, icrire naa mã, wa Pahpãm jarkwa kôt amji to ihmpej to ipa — hane.

22 Mã Jeju te ita na impar ne cumã:

— Ýhÿ, ca ha cormã ampo pyxit peaj ata to. Ca ha amũ tẽ, ne amji pê ampo cuneato ihpore na ahpã, ne me cupê hamreare atajê mã ihpore cunea jŏr pa. Ca ha ate ampo itajê to hajÿr na, wa ha cŏjkwa kam ate amji pê ampo jŏr atajêjirôa pê amã ampo pej pit gŏ. Ýhÿ, ca ha ate hajÿr ne ampo itajê to amji caprãr na, ca haajpèn tẽ, ne atÿj amji to ikôt apa catê na — hajÿr.

23 Mã hũmre ita te ita na impar, ne cumãamji kĩn nare, ne ihpeacre. Ampo na? Cupê hakràj cati na pê cumã hàhcukrêj atajê japê.

24 Mã Jeju te cumã amji kĩn nare na hŏmpun, ne ihkôt me ipa catêjê mã:

— Hamreare, jũ wỳr quê jũm jakràj cati ihtỳj Pahpãmte ihhimpej xà ata mã axà.

²⁵ Ampeaj kam, quê ha nee jũm jakràj cati nŏ Pahpãm te ihhimpej xà ata mã hàr nare to hane, pom quê neecawrô cahàc kô jarôti nŏ aguj te kre nacator xà nare he — hajỹr.

²⁶ Mã cute me ita par catêjê ita na me ahcukij, ne me cumã:

— Mêr, jũ mã quê ha me, ne jũm amji pytà, ne cumã axà? — hane.

²⁷ — Jũ wỳr quê me hũmre nŏ ampo itajê nŏto. Ne quêt me Pahpãm mã ri ihtỳj ampoitajê cunea ton jahkre pej — hane.

²⁸ Mã Petrô cumã:

— Me ipupu he, wa ite me ijũrkwa jicu, ne me apynãr — hane.

²⁹⁻³⁰ Mã Jeju cumã:

— Ỡhỹ, ampeaj kam wa ha me amã awjarê, quê ha jũm tePahpãm himpej xà ata cwỳrjapê hũrkwa jicu, ne ihprŏ rer, ne mehkjêjê rer, ne me hũmjê rer, ne menxyrxwỳ rer, ne mehkra rer na, quê ha pjê ita kam ampo itajê jirôa pêcucwa, ne ihtyc jirô pê mã Pahpãmcahê na ipa, ne ihtĩr rohnỳtti mã — hane.

Pê Jeju hipêr ihtyc me hacpỹa mã ihtĩr xà jarê

³¹ Mã ma Jeju te me hàhtôa atajê intête ihkôt me ipa catêjê te tôxi atajê japrôr ne me to mŏ, ne me cumã:

— Me ikampa! Cu ha ma Krĩpinkrên wỳr me mŏ, por pê rỳ pêa mã Pahpãm jarkwa to ihcakôc catêjêahna ihhôt ata wỳr, ne curia quê ha ame ipê Ahàkà to kên.

³²⁻³³ Quê ha Roman catêjê jũhkra mã me haxà, quê ha ame cumã, ne ame hũn, ne ame kam harcô rē, ne amehcahhy, jirô pê mã quê ha mehcura. Quêha ahna amcro incrê, quê ha hacpỹa mã ihtĩr — hajỹr.

³⁴ Mã ihkôt me ipa catêjê te me ita par pejnare, ne nee cute me Jeju jũjarēn xà ata jahkre pej pejnare. Ne cute me hahkre pej xà ita me cupê ipimxur tu.

Pê Jeju into tũm nõ caprã

³⁵ Pê Jeju Krĩcuxwati na hàhtêp to mõi, pê hũmreinto tũm nõ pry jahkà kam jỹ, ne ajco me ahna ahwỹ.

³⁶ Ne cute cahê na amji to me mõi na mempar, ne cute mehckij, ne me cumã:

— Ampo mã? — hajỹr.

³⁷ Mã me cumã:

— Pom Naxare jõi krĩ pĩn Jeju cator ita ri mõi — hane.

³⁸ Mã into tũm ita jũpar, ne cute caràr kam ihtēm, ne Jeju mã:

— Jeju! Apê pahhi Tawi xwỹ tàmwxỹ ita, icaprĩa ne! — hajỹr.

³⁹ Mã mam me mõi itajê cama ame kam incryc, ne amecumã:

— Kêt! Ne aracri jỹ! — hane. Mã hipêr cute caràr to:

— Pahhi Tawi xwỹ tàmwxỹ ita, icaprĩa ne! — hajỹr.

⁴⁰ Mã Jeju te impar ne hàhhuc, ne cute cumã hàkjêr na me mēn. Mã ajpên into tũm ata to me mõi, ne Jeju na me to hàhtêp. Mã cute ihcukij ne cumã:

41 — Ampo na ca prãm? Ampo to wa amã? — hajÿr. Mã cumã:

— Ýhÿ, Jeju, wa hacpÿa mã irĩt prãm — hane.

42 Mã Jeju cumã:

— Rĩt! Ramã acaprãr. Ate ito amji mã ahimpej, cwÿrjapê wa ite hacpÿa mã ato to amã impej — hane.

43 Mã hũmre ita irĩt pyrentu, ne ma cute Jeju pynãr, ne hacpÿa mã cumã into impej ita jahpan xà na cõjkwã kam Pahpãm pejti, necatihti na harẽn to mõi, ne cumã into impej pyrẽn hakryti na amji jarẽn to mõi. Mã mehcunea te me ita pupun, ne Pahpãm pejti na cute me harẽn kam mehtẽm.

19

Jeju me Xaquêw

1 Pê Jeju Krĩcuxwati mã axà ne ma krĩ japõc to mõi.

2 Pê curi hũmre nõ japrÿ pê Xaquêw ita ihkrĩ. Ne pê hũmre ata pê hakràj catê. Ne cupê pjê jõ pahhi jarkwa kõt me hũhkra kam hàmcwÿr catêjê jõ pahhi, ne ajco hõ pahhi jarkwa jirõa pê me hũhkra kam amcwa, ne amji mã huwahi. Cwÿrjapê pê mehcunea mã ihkĩn nare ne ma ame curê.

3 Pê tee ajco apu Jeju pupun nehakre pej prãm, ne jũ wÿr quẽ hõkre nõre ita kam, ipu na me hàhtõtĩ ita kam hõmpu.

4 Ne ma cute hõmpun prãmte, hĩpê cumam ipicahur ne pĩxõ pàr na hàpir, por pê ihkrac ri mõi xà ata na.

⁵ Mǎ Jeju mǎ ne kàj mǎ irīt, ne cute Xaquêw pupun, ne cumã:

— Xaquêw, awrÿc pyrentu, wa ita kam gũrkwa kam ijàhhuc to prām — hajÿr.

⁶ Mǎ Xaquêw jũjarêan kam iwryc, ne cute cumã amji kĭan kam hũrkwa kamahna amji caxàr.

⁷ Mǎ mehcunea te me ita pupun, ne ahna me cupêihkaj na, cwÿrjapê ri cute ahna mehcakôc kên kammehtēm, ne me amji mǎ:

— Pÿhàpà, quê ha Jeju ajte ihkrā kên catê ita jũrkwa kam ahtwÿ — hajÿr.

⁸ Ne me hàpàn jirô pê mǎ ri Xaquêw xām, ne cute Jeju mǎ amji jarēn, ne cumã:

— Ijō Pahhi, ikampa, wa ha me cupê hamreare atajê mǎ ijàhcukrêj jĭkjê gō. Ne me cupê ijàhkĭj atajê, wa ha hacpÿa mǎ me cupê ijàhkĭj pyxitjahpan xà na, me cumã ijàmjōr to cwat — hajÿr.

⁹ Mǎ Jeju cumã:

— He ampeaj kam ate amji kam gapac xà ton ita na impej. Ne toa ca ate mehcunea mǎ hanea ne apê Aprāw xwÿ tàmwxwÿ na amji jarēn. Cwÿrjapê quê ha ita kam, Pahpām ikre ita kam mehkrĭ catêjê itajê kên catia pê me hũtā.

¹⁰ Ÿhÿ, ampo na ri ipê me Ahàkà pjê ita kam cator? He cute me ipictor catêjê japên, ne Pahpām wÿr me haprôr xà caxuw — hane, ne ma ihkôt me ipa catêjê me, me mǎ.

Ihpore hô catia te tej jarēn xà

¹¹ Ne ramã Krĩpinkrên na hàhtêp, cwýrjapê ri me cumãa ramã Pahpãm te ihhimpej xà ata cator xà kam hàhhuc xàa kam na amehcãmji.

¹² Cwýrjapê ri Jeju te me cumã Pahpãm himpej xà to hahkre prãnte me cumã hũjarên xà nõ ita jarên, ne me cumã:

— Ýhỹ, pê hũmre ita cati, ne cupê pahhi nõ ita kra. Ne ajco amji to pjê jõ pahhi to prãm, cwýrjapê pê ma pjê nõ jũwrya kampahhiti cati ihkrĩ ata wýr tẽ, cute amji to pjê jõ pahhi prãnte. Ne hỹrmã ihtêm jirô pê, quẽ ha cupê pahhi ne amji jaxà.

¹³ Ne ihtêm xà wýr, cute cumã me hàpêncatêjê te tej atajê capi, ne me hahkre pej prãnte me ahna hàhwýr, ne cute ahpýanre na me cumã ihpore hô catia pyxit ne hõr par. Ne cute me cumãharkwa hyr, ne me cumã: “Ihpore hô cati ita py neto tẽ, ne gapacta ne kam me to apixô to mõi. Krãa caxi, jũ mã ca ha me, ne ihpore hô ita kamme to hàhtô to amõr to? Mãr wa amji jaxà, necormã me gahkre pej” hajýr. Ne ma pjê nõ wýr tẽ.

¹⁴ — Pê hõ pjê kam me curê xwýn kwý amehkrĩatajê mã hũmre ita pê me hõ pahhi na amehcaca. Ne ma ihkõt me jũmjê itajê kujate, cute pahhiti mã me hũjarên prãnte, ne me cumã: “Wa ma ame me ijõ pahhi na me hũmre ita caca” hajýr cakrô, mãhũmre ita ihtýj amji caxuw hõ pahhiti cukij, mã cute pjê jõ pahhi na ton.

¹⁵ — Mã cupê pahhi, ne hũrkwa wýr cute amji jaxàr. Necute me cumã hàpên catêjê mã ihporehõ cati jõr atajê na hàhwýr, cute me

hahkre pej prãnte, jũ mãmõrmõ cute me, ne ihpore ita to me ipicamẽn.

16 — Mã mam ita hỹrmã cator, ne cute hõ pahhi mã: “Ỗhỹ, ijõ pahhi, ate imã ihpore hõ pyxit ne hõrata, hamre, wa ite kam to ipixô, ne hipêr hipy to tej ne kam incwỳr” hajỹr.

17 — Mã cumã: “Ahnaa ri ita! Apê imã gápên catêimpeaj to impej. Ne apê ampo kryjre jamãr pejti catê, na ca ha ita caxuw ampo catia jamã. Wa ha krĩ te tej jõ pahhi na axãm” hane.

18 — Mã cumã me hãpên catêjê nõ ita hỹrmã cator, ne cumã: “Ỗhỹ, ijõ pahhi, ate imã ihpore hõpyxit ne hõr ata, hamre, wa ite kam to ipixô, ne kamto xĩc ne incwỳr” hane.

19 — Mã pahhi ata cumã: “Taamã, ita caxuw wa ha krĩte xĩc jõ pahhi na axãm” hane.

20 — Mã hapua na cumã hãpên catê ita hỹrmãcator, ne cute hõ pahhi mã: “Ỗhỹ, ijõ pahhi, ate imã ihpore hõ pyxit ne hõr ata, wa itecupêhkà kam harĩj ne ma apu intê. Na wa ha hacpỹa mã amã cugõ.

21 Ne acupate wa ite nee kam ampo to ipixô nare. Wa ite ramã gahkre pej pejtu, apê hũmre jãprêhti na. Ne ca atỳj me cupê ampo toate atekjê nare atajê to pøj. Ne ate ampo kre nare atajê, ca gõtpe ame cupê ihkêhkê” hane.

22 — Mã cumã: “Apê imã gápên catê kêanre, wa ha garkwa ita kôt apu ato kên. Pom ramã ate ijãprêhti ita na ijahkre pej pejtu ita? Pom wa mecupê ampo to itekjê nare atajê incwỳr to ipa, ne pom wa ite ampo krenare itajê, wa hãn ne me cupê ihkêhkên to ipa ita?”

23 Měr ampo na mã ate nee me ihporejamār catêjê mã ijõ pore itajõr, mã kam cute me to imã ipicamên crire nare? Měr ampo na mã ate me cumã hõr nare? Ca ha kepê to hane na mã, wa ha ijõtpê hipêr ihkwýincrìre ne kam cupy” hane.

24 — Ne cute cahê na mehcuhhê atajê mã: “Intête me ijõ pore hô ita capa, ne jùm mã cute tej ata mã, ca me agõ” hajÿr.

25 — Mã me cumã: “Pÿhàpà, me ijõ pahhi, pom ramã cumã ihpore hô te tej ita” hane.

26 — Mã me hõ pahhi me cumã: “Ampeaj kam wa me amã awjarê, por ampeaj kam me cumã hàhtô atajê, quê ha me cumã hàhtô atajê jirôa pême cucwa. Ne mehkînte me cupê ihkryjre atajê, quê ha me cupê capa.

27 Ne hamre, ita caxuw, ajpên me icurê xwýnatajê cunea japrô ne me to mõi, por ma me hõ pahhina ame icaca atajê, ne icunaamã, ikam mare mã me hipec tu!” — hane.

Pê Jeju Krîpinkrên mã axà

28 Ne hamre, Jeju te me cumã hũjarên xà ita jarênjicu jirô pê, ma Krîpinkrên wÿr ihkôt meipa catêjê me, me pra.

29 Mã ramã krî jacot japrÿ to ame Pîxô jõ krî me, Mehkênpujuxà jõ krî na mehàhtêp, por Pîxô jõ kên cahê na krî atajê na. Ne ma mam cute ihkôt me ipa catêjê to ipijakrut ne mehkujahêc, ne cute me cumã harkwa hyr to:

30 — Mam me tẽ, me pahcumam krî jacot ata wÿr, ne ca ha ramã me axàr xàa kam, me cawrô cahàcre kam nee cormã jùm jÿr nare ata pupu,

ne ramã cumã hêhiahpuro ne xa. Ca ha me cumã hê pô, ne ajpên me to tẽ.

³¹ Quê ha jũm ate me cumã hê pôn na me apupu, ne ahna me acukij, ca ha me cumã: “Pahhi ri apu ahna prãm, ne cute hỹrmã me ikujahêc” — hane.

³² Mã ma ajwar me tẽ, ne Jejute hũjarên xà atajêa na cute me hõmpun.

³³ Ne cormã ame cawrô cahàcre mã hêpôan kam, mã cute me to hõ tekjê catêjê te ahname hõmpun, ne mehcukij to:

— Ampo na mã ca ame cawrô cahàcre ita mã hê pô? — hajỹr.

³⁴ Mã me cumã:

— Pahhi ri apu ahna prãm, ne cute hỹrmã me ikujahêc — hane.

³⁵ Ne ma Jēju wỳr me to mõi ne to cator. Ne kam cute me cumã cupêhkà jaxwỳr, ne cute kam hỹr na mehtehcajpar, mã kam hỹr.

³⁶ Ne cormã to mõi prãm kam mã, cumam me cumã me hõ cupêhkà capô, ne pry kôt me cumã nõi to mõi.

³⁷ Ne ma ramã Krĩpinkrên na me hàhtêp to mõi, ne ramã Pĩxô jõ kên jõ ajpô xà mã me iwỳrc to mõi. Mã ihkôt me ipa catêjêjàhtôa ne ihkôt me mõi. Ne cute me Pahpãm carôt kôt Jēju jàpên xà pihho catia pupun atajê pyrên ame hakrya to ame hakry. Cwỳrjapê ri kýj cati pêa mã cute mePahpãm pejti na me harên kam me to ihtêm.

³⁸ Ne me caràr to me hane he:

“Me pajõ Pahhiti me pahwỳr cator!
Ne Pahpãm jarkwa kôt hãn ne ipa!

Mã cōjkwa kam mehkrĩ catêjê atajê cuneapinkrinti.

Ne mehcunea te ramã cupêPahpãm catia na me hahkre pej” hane.

³⁹ Mã Parixêw catêjê kwỳ me hàhtôa jipôc riamehcuhhê atajê ame Jeju mã, ne me cumã:

— Me cumã ampo to hahkre catê, akôt me ipacatêjê mã garkwa ta, quê me kêt — hane.

⁴⁰ Mã Jeju me cumã:

— Ampeaj kam wa ha me amã awjarê, quê ha me kêt, quê ha ihtỳj kên itajê me haxà kam, caràr kam ihtêm pyrentu — hane.

Pê Jeju Krĩpinkrên kam amrã

⁴¹ Ne Jeju te Krĩpinkrên na hàhtêp, ne cutehôm̄pun ne apu caprĩ, ne apu kam amrã.

⁴² Ne incwỳar kam cute hũjarên to:

— Pỳj me hêj xi!

Krĩpinkrên kam me akrĩ catêjê, he me apê amji jahkre kêatre.

Wa tee me amã, me ate amji kam me gapac xà carĩcti to hahkre, ca ajte nee me amji caxwãm pê me amji to me acarĩcti prãm nare.

Me apê amji jahkre kêatre!

⁴³ Ýhỹ, quê ha amcro nõ na me acurê xwỳn meakrã tu ne, ne me ana ajxê.

Quê ha ame ana pjê hakôtne ajpên wỳr me gagã, ca ha nee ame gapôj nare.

⁴⁴ Quê ha me gũrkwa cunea to amehkêanre ne, ne me to hamre tu. Ne por kên te

kwỳc caxwãm pê amehkrĩ atajê, quê ha
mehkrare me, me hamre tu.

Nee quê hakrĩ ita jaxà kam kên nõ hàhhuc nare.

Ne nee hakàn pê cumã hãm xà nõ hàhhucne
hãm nare.

Me apê amji jahkre kêatre to, ca nee ate me
ipupun pej nare, cwỳrjapê ca ha me akên
mã me axà.

Ne nee me amã Pahpãm jõ amcro cator xà ata na
hahkre pej nare.

Ne cute me apytâr xà jõ amcro ata kam, ca ha
ma hỹrmã ame apipkjêr caca — hajỹr.

Pê Jeju me to Hũm Cati jũrkwa caprã

⁴⁵ Ne Jeju Pahpãm to me amji kam hapac xà
jũrkwawỳr mỗ ne cumã hàr, ne cute kam ihpore
to ampo na me hàhpan catêjê japôj kam ihtẽm.

⁴⁶ Ne cute me cumã harkwa to:

— Inxũ Cati jõ kàhhôc kam, ihhôc te harẽn xà
ata te hajỹr he:

“Ỡhỹ, ijũrkwa pê kam imã mehcakôc xà” hajỹr.

Ca ajte ate harkwa kaj na me tome hàhkĩj xi
jũrkwa — hajỹr.

⁴⁷ Ne pê Jeju ajco amcro cunea kam me cumã
ampo to hahkre. Pê Parixêw catêjê me, me cumã
Mojxe jõ kàhhôc to hahkre catêjême, me hõ
pahhi me, ajco tee ame Jeju curan prãm.

⁴⁸ Ne jũ wỳr quê me ita to. Ampo na? Pê
mehcunea mã Jeju par prãm na pê.

20

Pê Jeju Hũm Cati jarkwa kôt apê

¹ Ne amcro nŏ na, Jeju ame cumã ampo to hahkre, ne ame cumã Pahpãm jarënto mŏ. Mã mehwý cator, Jeju cukij prãmte. Ne mehwý atajê pê Pahpãm mã mehcajrën catêjê jŏ pahhi kwý me, Mojxe xwý jŏ kàhhôc to hahkreatêjê kwý me, me prohti kam kwý.

² Ne hÿrmã me cator, ne cute me Jeju cukij to:
— Ýhÿ, me imã amji jarê, jũm jarkwa kôt mãca apu ampo itajê to? Ne jũm te mã ahna amã harkwa? — hajÿr.

³ Mã Jeju mã cormã cute mehpro na to prãm nare, na ri me cumã:

— Ýhÿ, wa ha hanea ne me acukij pyxit, ca ha me imã amjijarê, jirô pê wa ha itÿj hanea ne me amã amji jarê.

⁴ Ýhÿ, jũm te mã Jowãw mã harkwa, mã cutecô kam me cumrãr? Xà cŏjkwa kam Pahpãm te mã cumã harkwa? Nare xà ajkĩ pjê kam me hũmre nŏ te mã cumã harkwa? — hajÿr.

⁵ Mã cute me ajpën cukij kam mehtêm, ne me ajpën mã:

— Ampo cu ha ajte me cumã harê? Cu me cumã: “Pahpãm te ri Jowãw mãharkwa” hajÿr na, quê ha hipêr me pahcukij, neme pamã: “Mêr hŏhŏ, ampo na mãca nee ate amji mã me Jowãw to hajÿr nare?” hane.

⁶ Nare, cu ha me cumã: “Me hũmre nŏa te ri-Jowãw mã harkwa” hajÿr na, quêha me hàhtôti itajê ma ame pahcaca, ne kën to amepahcapê.

Ampo na? Ampeaj kam ri me cumã Jowãw pê Pahpãm jarkwa na ihcakôc catê — hane.

⁷ Cwÿrjapê ri me Jeju mã:

— Wa nee ite me jũm te Jowãw mã harkwa hyr ata na me hahkre pej nare — hane.

⁸ Mã Jeju me cumã:

— Ca ma ame imã amji jarën caca, cwÿrjapê wa ha hanea ne nee me amã, por wa jũm jarkwa kôt apu ampo itajê ton to ipa ata na amji jarën nare — hane.

Pur to me hàpên catêjê kên jarën xà

⁹ Ita jirô pê mã ri Jeju te me cumã hũjarën xà itajê nũa jarën, ne me cumã:

— Ỹhỹ, hũmre nũ te hõ pur ata cunea kam amji mã pĩxô krô japrÿ te uwaatajê kre. Ne cute pur jamãr catêjêkwÿ mã hõ pur ata jahkre, mãr quê ma me hamã, quê hô ne întep. Ne ma pjê nũ wÿr tẽ, ne curi cute amji to putwÿrÿ jàhtôa.

¹⁰ — Mã cute uwa to cuprôn xà jõ amcroa kam ramã hàhhuc, mã cute mehÿrmã cumã me hàpên catêjê nũ kujahêc, mãr quê pur jõ pahhi mã ihkwÿ ta, ne cute me hamãr catêjê mã cute me to hàpên jahpan xà naihcahhur cunea juwahi prãmte. Mã ajte pur jamãr catêjê atajê amji mã pĩxô atajê cunea juwahi prãmte, cama amehcahhy, ne ma cute hũre kam mehkujahêc.

¹¹ Mã cute hipêr me cumã hàpên catêjê nũ kujahêc, mã cute me to hajÿar ne me cumã ihpahàm catiaton, ne hanea ne amehcahhy, ne ma hũre kam cute mehkujahêc.

¹² Mã hipêr cute cumã me hàpên catêjê nũa kujahêc, mã pur jamãr catêjê te me to hajÿar, ne

hanea ne ame to kêanre, ne ma pur pê me to cator.

13 — Mã pur jŏ pahhi ita te amji kam hapac, ne amji mã: “Jũ mã wa ha ajte? Ỹhỹ, wa ha hane, nema mehwÿr imã ikra kĩnti ata kujate. Quê ha ihhêaj to amji mã me hũpa, ne nee amehcaxunnare” hane. Ne ma cute me hÿrmã ihkra ita kujahêc.

14 — Mã pur jamâr catêjê itajê te amji wÿr mehkra ata pupun, ne me ajpên mã: “Me hõmpu he, pom ihkra xũmre ajpên mŏ ita pê pur jŏ pahhi kra. Hacme ne mehcura, ne me to hamre, quê ha pur ita pê me pahtekjêa” hane.

15 — Ne cute pur pê mehkra xũmre ata to me cator, ne cute amji mã me mên, ne mehcuran — hajÿr. Hŏ, Jeju te me cumã hũjarên xà ita to hajÿrjirô pê mã ri cute mehcukij to:

— Jũ mã mŏrmŏ quê ha pur jŏ pahhi ita cute amji kam hapac xà ita to?

16 Ỹhỹ, quê ha me to hane he. Quê ha mehwÿr cato ne me hũjamâr catêjê kêanreatajê cunea jipej tu, ne ajteare mã me hũjamâr catêjê kwÿ mã pur ita jahkre — hajÿr. Mã cute me ita par ne me cumã:

— An! Ampo na mã cute mehkra ita curan? Quê me pa mã mã, wa ha nee mehcuran nare! — hajÿr.

17 Mã Jeju me hõmpun tÿjti, ne me cumã:

— He ihhêj ne me caa, ca ha ito me jũm kra ata pyrâc ne me icura. Ampo na? Pahpãm jŏkàhhôc kam ramã harên xà ita te hajÿr he:

“Pom ikre to me hàpên catêjê ma ame ikre mã hãm xà caxuw kên pejti caca ita te ihkwỳ jirôa pê amji to cati, ne ihcuhtac tỳjti” hane.

¹⁸ Ne ihhêj rŭm ipê ikre mã hãm xà caxuw mam kên pejti cuhtacti atapyràac, mã ma ame icaca, necute me ijicu. Co he, por quê ha jŭm kên ata kam ihpỳm ata, quê ha apu hirên tu. Nare, quê ha kên ata jŭm kam ihpỳm ne to hacrôre ne — hane.

Pê me curê xwỳn hipêr Jeju cukij, cute ihkên mã me mên prãmte

¹⁹ Mã me cupê Mojxe xwỳ jŏ kàhhôc to hahkre catêjê me, me cupêPahpãm mã mehcajrên catêjê atajê te, Jeju te me to hŭjarên xà ata na amji na me hahkre pej pyrentu, cwỳrjapê ri ma ame curê, ne cama mehpro ne me haxàr pyrentu to prãm. Mã me hàhtôti te me Jeju par atajê mã ampeaj kamihkĩn. Ne Jeju curê xwỳn atajê mãampeaj kam me hàhtôti atajê cupa, cwỳrjapê ri nee cute me Jeju pro nare.

²⁰ Ne ihtỳj cama amehkôpĩr to me ipa. Ne cute mehkhôpĩr catêjê atajê mã me hàmjôr, măr quê amehkôpĩ, ne ihtỳj ampo na mehcukijto ipa, ne ampo kênre kôt mehpro, ne krĩ jŏ pahhi jŭhkra mã me haxàr to prãm tori ame ipa. Ýhỹ, ihhêj ne pŏ rŭm kam mempejti, ne mecaxwãm pê, kam cute me amji kam hapac xà kêanre.

²¹ Mã me hŭmre atajê ame Jeju cukij, ne me cumã:

— Ýhỹ, ampo to hahkre catê, wa ite ramã me acakôc xà me, ate ampo to me imã hahkre xà atajê pê ampeaj kam na me hahkre pej. Ne nee amãjũm cupa nare, na ca mehcunea to amji kam gapac xà to apipênti to apa.

²² Ne ampeaj kam caxi me imã awjarê. Xàwa ajkĩ itỳj me pjê cunea jŏ pahhiti mã pjê jahpan xà na me ijàmjŏr xà ata to meamgŏ? — hane. Ne pê cute mehcukij xà ata to, ihkên mã me mên prãmte pê amehcukij. Ampo na? Quê ihhêaj to Jeju me cumã: “Ca ha atỳj me amgŏ” hane, quê ha me hàhtôti atajê ihtỳj ame kam incryc. Ampo na? He me cumã hàmjŏr prãm nare, na quêha ame kam incryc. Nare, quê ihhêaj to me cumã harkwa to: “Ca ha nee me gàmjŏrnare” hajỹr na, quê ha pjê jŏ pahhi mãme hàpên catêjê atajê ihtỳj ame kam incryc, na pê amehcukij to hane.

²³ Mã Jeju te me cumã, cute amji kam me hapac xà kêanre ita na hũcapi pyrentu, ne me cumã:

²⁴ — Ajpên me imã ihpore hy nõ, wa hŏmpu — hajỹr. Mã cute me cumã hŏr. Mã cute me cumã:

— Mêr jũm japrỳ me, ampo carŏ mã ihpore hy ita kam nõ? — hajỹr. Mã me cumã:

— Pjê cunea jŏ pahhiti pê Xexa carŏ me haprỳ — hane.

²⁵ Mã Jeju me cumã:

— Mêr hŏhŏ, ca ha me pjê cunea jŏ pahhiti pê Xexa mã me hàhcukrêaj gŏ, ne hanea ne Pahpãm mã me hàhcukrêaj gŏ — hane.

²⁶ Mã mehcukij catêjê itajê pê ihpro jahkre kêatremã aracri mehcuhhê ne me ajpên mã:

— Pỳhàpà, cu amehpro prãm cakrô, mã cute ihcakôc xà ita to hamãr kênre nare ita kam, jũ mã cu ha me to, ne mehpro? — hane.

Hacpÿa mã ihtĩr na ihkôt harẽn xà

²⁷ Mã Xato xwỳ kôt me ipa catêjêma apu mehtyc te hacpÿ mã ihtĩr naame ahna aprã atajê kwỳ Jeju na me hàhtêp. Ne cute hanea ne me hàhcukjêr xà ata to, Jeju kên mã me mẽn prãmte, cute mehcukij to:

²⁸ — Ýhÿ, ampo to me cumã hahkre catê, pê Mojxe xwỳ me pamã incaca xà ita naihhôc to hane he:

“Quê jũm ihprô nõ me hikwa, ne nee kam ihkra nare kamty, quê ha hĩxi ahte apu ipa.
 Quê ha impjên tyc ita tũa cahãj pijapit ata mehikwa, ne kam ihkra.
 Quê ha ihkra ita to amji mãme mam impjên tyc ata kra” hane.

²⁹ Hõ, pê me pamã ahna ihhôt to hane. Ne pê xwahna jũmjê itajê me xet ne ajpẽn to mehkjêjê pit. Pê mam ihtõ kà itahĩxi ata me hikwa, ne nee kam ihkra nõ juwahi nare kam ty.

³⁰⁻³¹ Mã hanea ne ihtõ te amji to hapu te hajÿar ne cume hikwa, ne hanea ne kaam ihtyc. Ne pê me xet itajê cunea mehprô pyxit ata me, me hikwa partu, ne mehprô ita kam jũm te mehkra nõ rer nare kam mehcunea mehhi.

³² Mã hapu na mehkôt mehprô ita te hajÿar ne ihtyc.

³³ Ne mehtyc jirô pê, hacpÿa mã amehtĩr jõ amcro kam, cute me xet itajê cunea cumehikwa

ita kam, jŭm quê ha mehprô ata to ihprô? — hane.

³⁴ Mă Jeju me cumă:

— Me amăa, nee hacpŷ mă mehtyc tŷr xà nare, na mă ca ame icukij to hane. Ne ca ihkaj na ame to. He pjê ita kam pyjê me, me hŭmre ihtŷj ame hikwa.

³⁵ Ne por me Pahpăm kampa, ne catyt kam me ipa, ne me ty, ne hacpŷa mă mehtyc xà jahpa ne mehtŷr, ne Pahpăm wŷr me api, ne cahê na mehkriatajê ri, nee me hikwa tuw xà nare.

³⁶ Ne me cupê cōjkwa kam Pahpăm jarkwa to memprar catêjê pyràac. Jŷ wŷr quê jŷmty, ne jŷ wŷr quê hanea ne jŷm hikwa tuw. Ne me cupê Pahpăm kra. Ampo na? Hacpŷa mă amehŷr, cwŷrjapê ri me cupê Pahpăm kra.

³⁷ — He pê Mojxe xwŷ hirăa pê me amăhacpŷa mă mehtyc ne mehtŷr nato hahkre. Xà ca nee me aprêj pôc ne nee cute caxàr nareata jarên to me amjijapackre nare? Pê aprêj pôc te caxàr nare atakam Pahpăm jōkre Mojxe măawjarê, ne cumă:

“Ipê apăm Păm Cati, ne cormă ipê me aquêtjê Aprăw me, Ixac me, Jaco Păm Cati wa” hane.

Ne nee pê amji jarên to:

“Pê ipê Aprăw me, Ixac me, Jaco Păm Cati” hajŷr nare.

³⁸ Ne cute amji jarên xà ita kôt ri me pamă Pahpăm pê mehtŷr jō Pahpăm na hahkre pej,

ne nee cupê mehtyc jõ Pahpãm nare. Pahpãm mã mehcuneatĩr pit, ne nee cumã jũm tyc nare. Cwỳrjapê cu me pahte me Aprãw xwỳ me, Ixac xwỳ me Jaco xwỳ tĩar na me harên par — hane.

³⁹ Mã Mojxe jõ kàhhôc to hahkre catêjê nõ kwỳ hanea ne curi mehcuhê itajê te me cumã:

— Nee ate gũjarên xà ita to ihcupan nare. Negũjarên xà ita peaj to impej — hajỹr.

⁴⁰ Hamre, mã hipêr jũm mã ihcukij xà nõ to ihcukij prãm nare.

Pê Jeju hacpỹa mã mehcukij

⁴¹ Mã Jeju cormã me cumã:

— Wa ha por pê Pahpãm jũm pê Crixto to awjahkre ata na me acukij. He ca ajte Crixto pê Tawi xwỳ tàm xwỳ tàm xwỳ na me harê.

⁴² Ne pê Tawi xwỳa ajco ihkàhhôc kam increr xà kam ihhôc to hane he:

“Ijõ Pahhiti te ijõ pahhi mã harkwa to hajỹr he: ‘Icahê na, Pahhi jỹr xà kam, awpôc rũm jỹ.

⁴³ Wa ha apar krac ri me acurê xwỳn atajê cunea nõr na me to, quê ha me nõ, ca ha ate me tohjê na cute me gahkre pej xà na, me hipy apar xãm’ ” hane.

⁴⁴ Pom pê Tawi xwỳ Crixto to hõ pahhi na ihcukij ita kam, jũ mã quê ne cupê ihtàm xwỳ? Ampo na? He cormã Tawi ihtĩar na Pahpãmcahê na cõjkwa kam apu ipa — hane.

Pê Jeju me cumã Mojxe xwỳ jõ kàhhôc to hahkre catêjê cawpa

⁴⁵ Mã me hàhtôti atajê ame Jeju kampa, mã Jeju te ihkôt me ipa catêjê mã harkwa to:

⁴⁶ — Co he, me cumã Mojxe xwỳ jõ kàhhôc to hahkreatêjê to me guphêa ne, nãmri mehkà impeaj kam hãnne ame ipa to prãm, ne hãn ne cute me hũpa kam mecumã mehçakôc na me to prãm. Ne ma hãn ne cute me cuprôn xà kamapu pjê kam mehkri caca, nemehkri xà impeaj kam hãn ne mehkri to prãm. Nehanea ne me hõ pahhi jõamji kìn kam, hãn ne me hõ impeaj na mehprãm.

⁴⁷ Ne hãn ne pyjê pê impjên tyc ne impijapit atajê mã amehhêj, ne hãn ne me cupê ampo to ahkĩ. Ne me cupê me hàhkĩ xi na amji to me ipimxur prãmte, hãn ne mehcunea kam mare mã Pahpãm mã mehçakôc to mehkrynre nare. Cwyrjapê quê ha mehkên xà te mekam ipihur xà atajê me cumã ihkêanre ne — hajÿr.

21

Pê impijapit Pahpãm mã hõ pore cunea gõ

¹ Ne amcro nõ na Jeju, Hũm Cati to me amji kam hapac xà jũrkwa kam hãm ne xa, ne ame hakràj catihtti atajê te mehporêjôr na me hõmpu, mã ihpore incjên xà kam me cucjê.

² Ne hanea ne cute jũm cahãj pê impjên tyc neimpijapit ata pupun, mã cute ihpore incjên xà kam ihporehy tõ ipijakrut peaj ne hàr.

³ Mã Jeju te ihkôt me ipa catêjê mã harkwa to hajÿr he:

— Ampeaj kam wa ha me amã awjarẽ. Cahãj pê hamreare atate ri mehcunea jirôa pê ihpore jõr.

⁴ Ne mehkwy jakràjti catêjê te me hõ porecahur jàhhuc atajê pit jõr. Ne cahãj ita nare, cute to amji to ipijapar xà ita ri, cute amji pê ihcunea jõr — hajÿr.

Pê Jeju Hũm Cati jũrkwa jamre na harẽ

⁵ Mã mehkwy Pahpãm to me amji kam hapac xà jũrkwa toamehcakôc to:

— Ampeaj kam ikre ita pej! Ne ahna kẽn itajêimpejti! Ne kam cute ame Pahpãm mã ampopejti jõr atajê cunea impejti — hane. Mã Jeju te mempar ne me cumã:

⁶ — ÿhÿ, pom ampo cunea impejti ca ame hõmpu itajê, quê ha ihtÿj jũ caxuw ihcunea hamre tu, ne nee pom ca ame kẽn pupu itajê nõ hàhhuc, ne amji jipy nõr nare — hajÿr.

Amji pupun kên jõ amcro jarẽn xà

⁷ Mã cute me Jeju cukij to:

— Me imã ampo to hahkre catê, jũ caxuw quê ha itahane? Ampo quê ha jũ na me imã, wa ha ihkôt me ita tehajÿr xà ita jahkre pej? — hajÿr.

⁸ Mã Jeju me cumã:

— Me guphêa ne, quê nee jũm me anõ mã ihhêj nare. Ampo na? He quê ha me hàhtôa ne ijapry na ame amji to mehhêj to me ipa, ne me amã: “Hamre, ramã amcro hyr xàa kamhàhhuc” hane, nare, quê ha me amã: “Ipê Pahpãm teCrixto to côjkwa pĩn me amã hũjahkreatã mã,

wa he” hane. Cakrô, ca nee me anō ihkôt amji kamgapac nare.

⁹ Ca ha jū ri me ipijapu nō jarēn pa, ne nee ame hūpanare. Nare, quē jū ri, krī nō kam pahhi na ame ajpēn jūrê, ca me harēnpa, ne nee ame hūpa nare. Quē ha ampo itajê cuneahane cakrô, nee cormã me hamre xà kam hàhhuc nare, ne ihtyj hōtpê ita hapôj to ipa.

¹⁰ — Quē ha krīxàre kwỳ me, mehkwyà ame ajpu, nekrī kwỳ me, krī kwỳa me ajpēn kam pra.

¹¹ Ne pjê jàhtôa kam pjê ahcujrō, ne pjêjàhtôa kam prãam to prãm, ne pjê jàhtôa kam quē haame hà catia to cati. Quē ha ihprôt pê cōjkwa kam ame ampo kēanrepupu, ne pjê kam cute me ampo kēanre pupunxà ata, quē ha mehcunea mã hūpaa to hūpa.

¹² — Ne ita te hajÿr xwỳjrea na, ca ha ame amjipupun xà kēanre to ame amji pupu. Quē ha ame gahê ne meapro, ne hãn ne ame acahhy, ne me hacjên xà mã me gacjê, ca ha kam me acuhhê. Jirô pê mã quē ha, cute me cuprôn xà jūrkwà kam mehcukij catêjê jūhkra mã me gacjê, quē ha me acukij pa, jirô pê mã quē ha hipêr me hacjên xà kam hãn ne me ato awcapê. Ne icwỳrjapêa quē ha pjê jō pahhi cuna mã me apyxwỳ.

¹³ Ca ha cuna mã me acuhhê, ne me ijarēn pejti to me cumã ijarē.

¹⁴ Ne nee me acakôc xà to ate ame amji pytâr xàatajê to cormã ne ame amji japackre nare.

¹⁵ Ampo na? He wa ha cormã me amã acakôc xà gō, ne me amã ate me amji jahkre pejti gō,

quê ha nee me acurê xwỳn atajê ame ato hữrác nare.

¹⁶ — Ne quê ha ajte me apãmjêa me, me akjêjêa me, megũkjê catêjêa me, me gõ ikwỳ nõ catêjêa me, amjiakôt me hacjên xà kam me ato awcapê, ne ihtỳj me anôcura.

¹⁷ Ne icwỳrjapêa quê ha mehcunea ame acurê.

¹⁸ Ne me awcanãa ne. Ampo na? Quê ha nee me apêakĩ nõ pyxitre nõ ipictor nare.

¹⁹ Na ca ha ampeaj kam me awcanã, ne atỳj me amji pytà.

Pê Jeju Krĩpinkrên jamre na harê

²⁰ — Ca ha krãhtare me, me hàprê catêjê me, cute meKrĩpinkrên krã na me hõmpu, ne krĩ ata jamre na me to amji japackre pyrentu.

²¹ Por ca jũmjê Juta jô pjê kam ame apaatajê, kěnti wỳr me aprar pyrentu! Ne Krĩpinkrên jôkrĩa kam ame apa atajê, krĩ pê me gapôj, ne me aprar pyrentu! Ne porca pur kam ame apa atajê krĩ wỳr me aprar nare!

²² Ampo na? He amcro atajê pê quê ha Pahpãm te Jutacatêjê to kên xà jô amcro. Ne pê ramã Pahpãm hõkàhhôc kam, amcro atajê na, ampo cunea kên xà te hajỳr na to awjahkre.

²³ — Pỳj me hêj xi, pyjê mehkra to tic atajê, ne haneane pyjê mã me kra kryjre atajê me, mehkà na kjêcatêjê atajê! Ne pjê ita kam, quê ha me ate amjipupun xà kên crire nare me awỳr cator. Quê ha Pahpãm meawỳr me akên xà kėanre kujate, pjê ita wỳr.

²⁴ Quê ha me hàhtôa ne wapo xwahhi to mehcure, nehanea ne me hàhtôa ne mehprone

pjê cunea wÿr ame to ajcrà. Por krîxàre pê mehcahkrit te mePahpâm jahkre kêatre atajê, quê ha ihtÿj Krîpinkrênkam ame ipa ita na, quê ha ahnaahō amcro cahhur kam ahtwÿ.

Pê Jeju pjê wÿr cute amji jaxàr xà jarẽ

²⁵ — Ne itajê cunea te hajÿr xà wÿr, ate me hahkre pejxà, quê ha pyt kam hapôj, ne putwÿr kam hapôj, ne caxêre kam hapôj, na quê ha pjê kam itajê mehkrã acto tu ne. Cōxwa jàhkrihkritkêanre ata cupate, quê ha nee jūm cute amji kam hapac xànō na amji jahkre pej nare.

²⁶ Ne mehcunea mã, quê ha pjê wÿr ampo kên cator xà ata hūpaa to hūpa. Na quê ha pjê kam me ajhu ne me hikwa. Ampo na? Hequê ha cōjkwa kam caxêre cunea amji mã ihkrîxà to ahpa, cwÿrjapê quê ha hūpate amjia kôt pjê kam ame ajhu.

²⁷ — Ata caxuw quê ha cōjkwa pîn ahpar mã ipê me Ahàkà carôt tÿjti me, hàhcujrohti ata mea mã, ahparmã iwÿrc to mō, ahcacrã kam. Quê ha mehcunea me hōmpu ne me Ahàkà pê Pahhiti catia na me hahkre pej.

²⁸ Quê ha ampo itajê hajÿr kam tẽ, ca me awcanãane, ne me amji tÿaj ne, ne cōjkwa wÿr, ca kàj mã merît. Ampo na? He ahtūm nare wa ha me apytà. Ne por ite me apytàr xà ata kôt harên xà te hajÿr he.

Pîxô kôt harên xà

²⁹ — Por pîxô pàr nō ata, nare, ampo pàr ata he.

³⁰ Quê ha ramã ihhō tetet cato, ca ha me hōmpu, ne me amji jahkre pej pyrentu, ne me amji mã harēn to: “Ahtũm nare, quê ha ta iwryc pyrentu” hane.

³¹ Quê ha ampo itajê cunea apu hane, ca ha mehōmpun to hane, ne me to amji japackre pyrentu, nãmriPahpãm te pjê to ihhimpej xà jō amcro ata ramã catorxàa kam.

³² — Ne me to amji japackre peaj ne, nãmri quê hamehtĩr itajê tyc xwỳjrea na ampo itajê cuneahajỹr to hane.

³³ He me ijarkwa ita to amji japackrea ne, nãmri quê ha pjê me cōjkwa ihtỹj jũ caxuw hamre, ne icakōc xà ita, quê ha quêt hàhhuc rohnỹtti mã, ne nee jũ caxuw hamre nare.

Cu ha me amji jamār prãm to me papa

³⁴ — Ne me ca, me amji kōt hakop to impeaj to me apa. Nenee amji kĩn na me gākrun to pit mã me amji japackre tome apa nare. Ne nee cōxỹhti to amji to me apipãn topit mã ame amji japackre nare. Ne nee me ate amji to ameapijapar xà to pit mã ame amji japackre to me apa nare. Ca ha itajê to pit mã ate ame amji japackre to me apana, quê ha ampo cunea jamre xà jō amcro awỳr cato, ne amōr pejti kam aproto hane, pom quê ampo pro xà ihpro he.

³⁵ Ne quê ha pjê cunea kam amehkrĩ atajê cunea wỳramcro ata cato.

³⁶ Cwỳrjapê ca ha gōtpê me amji kōpĩr peaj to me apa, ne ma Pahpãm mã me amji cajrēn, mār ca xwỳmã ampo itajê pê me amji pytà, ne cupê me gapōj, neicuna mã me acuhhê tu — hane.

³⁷ Pê Jeju amcro cunea kam ajco me cumã ampo tohahkrea to pyt, Pahpãm to me amji kam hapac xà jũrkwa kam. Ne ahna caxwa, pê ma krĩ pê hapôj, Pĩxô jô kên wÿr, ne curia hãn ne amji to apê.

³⁸ Pê cõjkwa caprêc kôt ajco me hàhtôa ne maPahpãm to me amji kam hapac xà jũrkwa wÿr me pra, cute me Jeju kam hapac prãmte.

22

Pê Jeju curê xwÿn ahna me ajpẽn pa

¹ Pê ramã me Hakren xà jô amji kĩnata wÿr amcro incrêre ne nõ.

² Pê ajco Pahpãm mã mehcajrẽn catêjê jô pahhi me, Mojxe xwÿ jô kàhhôc to me cumã hahkre catêjê me, ihtÿj ame Jeju curan prãm, ne tee ame to hahkre. Ampo na? Pê ampeaj kam ihkôt me cumã me hàhtôti atajê cupa na pê.

Pê Juta ihpore kôt Jeju kên mã mẽn prãm

³ Pê me pahcurê xwÿn pê Xatanaj carõ kên ata Jejukôt me ipa catêjê te tôxi atajê nõ, pê Juta Carijotata mã axà.

⁴ Pê ma Juta tẽ, ne Pahpãm mã mehcajrẽn catêjê jô pahhi me, Pahpãm to me amji kam hapac xà jũrkwa jamãr catêjê me, Jeju na cute me ajpẽn par. Mã Juta te me hũhkra mã Jeju to hahkre ne haxàr na, me cumã amji ton.

⁵ Mã ame hakry, ne cute me Juta mã ihpore jõrna me amji ton.

⁶ Mã hamre, Juta te ihpore pyr na ihtÿj cute me cumã Jeju jõr na amji ton. Quê ha nee me hàhtôti

atajê nõ Jeju pupun nare kam, cute jũ riahte me cumã hõr na, me ajpẽn par.

Pê Jeju me Hakren xà jõ amji kїн jõ na awjahkre

⁷ Mã ramã me Hakren xà to cute ame amji-japackre xà jõ amcroa kam hàhhuc. Mã amcro ata kam, amji kїн ata caxuw Juta catêjê te ahpÿanre na ame carà cahàcre hôhti kra pê mehkritxwÿ ata curan.

⁸ Mã Jeju te Petrô me Jowãw kujahêc, ne me cumã:

— Me mõi ne me pamã pyt caxuw me Hakren xà jõ amji kїн jõ nõ to — hajÿr.

⁹ Mã cute me Jeju cukij ne me cumã:

— Jõ ri wa ha mër ame pajõ ita to? — hajÿr.

¹⁰ Mã Jeju me cumã:

— Me ikampa, ca ha ramã krĩ mã meaxàr xàa kam, quê ha me hũmre nõ ata cô jacjê ne to ipa, ca ha me ajpẽn cajpa, ne ma me hũnã, ne ihkõt me mõi. Quê hajũ ri ikre nõ mã axà, ca ha hanea ne ihkõt me axà.

¹¹ Ne me ikre jõ pahhi ata cukij, ne me cumã: “Me cumã ampo to hahkre catê te me acukij xà na me ikujahêc, wa me acukij, jũ ri mõrmõi ikre caxwÿn nõ ita, pom quê ha ihkõt me ipacatêjê me kam me me Hakren xà jõ to apà ita?” hane.

¹² Quê ha kÿaj pê me amã ikre caxwÿn cati nõ atajahkre, ne ramã kam ampo cunea, kam cuhôn xà, ne kam ahna mehkrĩ xà, ne kam ahna me hàpàn xà, quê ha me amã hahkre. Ca ha curia pyt caxuw me me Hakren xà jõ nõ to — hane.

13 Mã hamre, ma me pra, ne krĩ mã me hàr, ne Jejute me cumã ampo cunea jarën xà atajê cunea na me cator, ne cute pyt caxuw me hõ ita ton.

Pê Jeju ihtyc xà na amji jarën

14 Mã ramã kaam hàhhuc, mã Jeju me, ihkôt me ipacatêjê me, me hàpàn xà na me hÿr, me hàpàn xà caxuw.

15 Mã Jeju me cumã:

— Wa ijôtpê ikên mã ixàr xwÿjrea na, me acahê na me Hakren xà jô ita kur na amji to prãm.

16 He ampeaj kam wa ha me amã amji jarë, wa ha hipêr me Hakren xà jô ita nō krër nare, quê ha ahnaa Pahpãm pjê kam mehcunea to ihhimpej kam tẽ, wa ha cormã ihnō krë — hane.

17 Ne cute mehkôm xà pyr, ne cute Pahpãm mã to hÿrên hakryti na amji jarën, ne ihkôt me ipacatêjê mã:

— Mĩ, me akôm xà ita py, ne me acunea me to akôm pa.

18 Ampeaj kam wa ha me amã amji jarë, wa ha hipêr jũ caxuw pĩxô cacô ita kwÿ to ikôm nare, quê ha ahnaa Pahpãm mehcunea to ihhimpej kam tẽ, wa ha cormã ihnō kwÿ to ikō — hajÿr.

19 Jirô pê mã ri cute pãw pyr, ne Pahpãm mã to hÿrên hakryti na cumã amji jarën, ne ihcokjêr ne ihkôt me ipa catêjê mã hõr par, ne me cumã:

— Pom pãw ita, ijã mã he, wahãn ne me amã cugõ, ca atÿj me ku. Jirô pê mã, ca ha ate me ito amji japackre prãmte, atÿj pĩxô cacô ita to me ikõ, ne me pãw ita kur to me acuhhê tu — hane.

²⁰ Ne me hàpàn jirô pê, cute hajÿar ne pîxô cacô na me cumã ihkôm xà jŏr, ne me cumã:

— Pom pîxô cacô ita, icaprôa mã he, ne me anaa wa ha haxwÿ. Ata to wa ha me amã ite amji kam ijapac xà intuw to awjahkre.

²¹ — He ramã, pom ca me jÿ itajê nõ te icurê xwÿn catêjê jühkra mã ijaxàr, mã cute me icuran na, imã hahkre pej.

²² ÿhÿ, wa ha itÿj ipê me Ahàkà cati ityc to prãm. Ampo na? Pêramã Pahpãm ityc xà ata na amji mã to ihhimpej hiahpuro. Pÿj me hêj xi, por quê ha me ikên mã ijaxà ata, quê ha ijirôa pê amji pupun xà kêanre to amji pupu — hajÿr.

²³ Mã ahpÿanre na, cute me ajpên cukij kam mehtêm, neme ajpên mã:

— Pÿhàpà, jũm mã quê ha ajte me hühkramã haxà? — hajÿr.

Jũm ri amji jirôa pê cati

²⁴ Mã me ahna ahtũmre, Jeju kôt me ipa catêjê te ajpênjirôa pê me cati na me amji jarên kam mehtêm.

²⁵ Mã ahna Jeju pê ihkaj na me kam, mã me cumã:

— ÿhÿ, pjê ita cunea kam krìxàre jŏ pahhi cati catêjê cunea mã amji to me catia prãm. Ne cumã mehcunea te hàpên na to prãm, na ri ihtÿj me to ihhimpej. Ne por mehcunea tehcajpaatajê te ri amji to me cati prãmte amji mã me haprÿ to: “Mehcunea Tehcajpar Catêjê” hajÿr.

²⁶ — Itajê cunea te hajÿr pit, ne me akwÿa kam, quê neeitajê nõ hajÿr nare. Me akwÿa kam, quê ha jũm catihtì ata pê curmã jũm tuw ata pyràac.

Ne por me gō pahhi ata, quē ha ihhêjrũm cupê me amã hàpên catê pyràac.

²⁷ Měr jũm ri, me hũmre mã amji jirô pê cati? Xà ajkĩ hàpàn xà na jỹ ata? Nare, xà ajkĩ me cumã me hõ jõr to praata? Ýhỹ, por hàpàn xà na jỹ ata ri, me hũmre mã mehirôa pê cati. Ne Pahpãm mã ita na ihkaj na. Ne cumãa, por me cumã hõ jõr to pra ata ri quêt cati. Ne ipêa ri me amã hàpên catê ata pyràc.

²⁸ Ca gõtpe ikôt me apa, ne icahê na ramã meate me amji pupun xà kèanre kwỳ to ame amji pupun.

²⁹ Cwỳrjapê ri Pahpãm te me acunea to ihhimpej xà na ixãm. Ne pa, wa ha hanea ne me ate me to ahimpej xà na me apyxwỳ.

³⁰ Ca ha, por curi ite ihimpej xà kam, ijapàn xà na me akrĩ xà ata kam me apà, ne ahna me ikõ. Neca ha hanea ne me Pahhiti krĩ xàhti catia ata kam me akrĩ, ne Ixaher catêjê kwỳ te tôxi atajê mã cute amji kam me hapac xà na awcapi, ne ahna mehçukij, ne me cumã to ahimpej to me akrĩ — hane.

Pê Jeju Petrô mã awjarẽ

³¹ Ne cute Ximãw Petrô mãn ne cumã:

— Ximãw, Ximãw, nãmri ajco, nãmri ramã me pahcurê xwỳn pê Xatanaj teato arỳjhy, ne acarêr ne acajpêr prãmte acaxuw amji mãPahpãm na hàhwỳr.

³² Wa ramã ite, ca nee ate itoamji mã ahimpej jicu nare na, Pahpãm mã acajrên. Na caha gõtpe ipê ampỳre mã apumõ, ne ana ahtũm nare, ca ha

hacpÿa ne iwÿr amji jaxà, ne acato, ne me akwÿ
mã hũcanãr xà to ihtÿaj ne ajco — hajÿr.

³³ Mã Petrô Jeju mã:

— Ÿhÿ, wa ita kam ihcuneacaxuw apu mō.
Quê ha hapacta ne akôt me ijaxà, ne jũ na me
ito. Wa ha itÿj awcanã ne akôt ty. Ne nee imã
ihnō na hũpa kênre hamreare — hane.

³⁴ Mã Jeju cumã:

— Petrô, ampeaj kam wa amã awjarē. Ca
ha caxwa ita kam, hôxãhxãc kàr xwÿjrea na
ateijahkre pej nare na, amji to ahêj to incrê —
hane.

Ihpore cjên xà me wapo xwahhi jarên xà

³⁵ Jirô pê mã ri Jeju te ihkôt me ipa catêjê cukij,
ne me cumã:

— Xà ca gōtpê amcro ata to me amji japackre,
mãrpê wa me akujate ta to? Pê wa me apê
ihpore cjên xà nare kam me akujate, ne me apê
me akà nare kam me akujate, ne me apê ampo
hamrearekam me akujate. Xà ca gōtpê ajkĩ ite
me apê ampo hamreare kam me akujahêc ata to
me amji japackre? Xà pê ajkĩ hōtpê meapê ampo
hamreare? — hajÿr. Mã me Jeju mã:

— Quê, me ipê ampo hamreare nare, pê hōtpê
me imã ampo cunea — hane.

³⁶ Mã Jeju me cumã:

— Por me amã ihpore cjên xà atajê me, me
gàhcukrêj atajê me, gapacta ne ita caxuw me
acwa. Ne por me apê wapo xwahhi nare atajê,
atÿj me gitô kà to ihpore na me ahpa, ne amji mã
me to wapo xwahhihti japrô.

37 Pê ramã Pahpãm jarkwa na mehçakôc catêjê nõ hõ kàhhôc kam, ina ihhôc to hane he:

“Quê ha mehkên catêjê me, me to ajpëan” hane.

Ampeaj kam wa me amã awjarê, por pê ramã ihkàhhôc ina ampo to hũjarên xà to awjarê ata, quê ha ihtỳj ito hanea to ito hane — hane.

38 Mã ihkôt me ipa catêjê me cumã:

— Me ijô Pahhi, nãmhã, ramã wapo xwahhihti pijakrut he — hane. Mã Jeju me cumã:

— Mër nãmhã, quê ha taa mã — hane.

Pê Jeju Píxô jô kên wỳr mỗ

39 Mã hamre, ma çaxwa ri Jeju Píxô jô kên wỳr mỗ. Pê ramã curi ipa to amji pyrãac, na pê mỗ. Pê ma ihkôt me ipa catêjê ihkôt me mỗ.

40 Ne curi me cator, mã cute amji mã hỳr xà ata mã cator ne kam hỳr, ne ihkôt me ipa catêjê mã:

— Ma Pahpãm mã me acakôc, ne cumã me amji cajrên, ne ahna me ahwỳ, mãr quê ma me atête me pahcurê xwỳn to pên to mỗ, mãr quê nee me acyt, ca ame cumã me apec nare prãmte — hajỳr.

41 Ne hãm, ne cute cahi rên to trĩnta ne ihkôn krã nahỳr, ne cute Hũm Cati mã ihçakôc kam ihtêm, ne cumã:

42 — Inxũ Cati, pom wa ikên xà na amji pupu ita pê ihhêj rũm ikôm xà pyrãac. Wa ma apu ikên ita cunea to ikôm caca. Quê ha amã itête ikên to ikôm xà ita camên prãm na, ca ha gapacta ne atỳj itête camê, nãmri quê ha amã ite to ikôm naito prãm na, wa ha itỳj to ikõ. Ampo na? Por

ate ampo to amji mã ina prãm xà ata na, wa ha itỳj ahnaa mã akôt amji kampa — hajỹr.

⁴³ Mã cōjkwa pīn Pahpām jarkwa na imprar catê nōhỹrmã iwryc, cute cumã hũcanār xà to ihtỳj prãmte.

⁴⁴ Mã cumã amji kīn nare ata te ihcām xêr, ita pēihhêj rŭm ampo xà ihtỳaj te ihcām xêr. Mã hũcanāarkam cormã Hŭm Cati mã ihcakôc. Mã ahna cō pehpec ita pē ihhêj rŭm caprô te pjê kam apu ihpehpec pyrâac.

⁴⁵ Mã cute cumã ihcakôc jirô pē hãm, ne ma ihkôt me ipa catêjê wỳr mō. Ne me hôt wỳr cator, mã ihtỳj me hikwa ne ame gōr, ne pē me cumã amji kīn nare, na pē me hikwa ne ame gōr.

⁴⁶ Mã cute me cumã harkwa cator, ne me cumã:
— Ampo na mã ca me gikwa ne ame gōr? Ame ampra ne ame to acuhhê, ne Pahpām na ame ahwỳ, mār quê nee me pahcurê xwỳn me amã ampo kên to hahkre nare — hajỹr.

Pê Jeju cama amji na me hamã, quê mehpro

⁴⁷ Ne Jeju cormã ame cumã ihcakôc kwỳa kam, mã mehàhtôa ne hỹrmã me cator. Ne pē Juta Carijot ita pē Jeju kôt me ipa catêjê te tōxi atajê nōa, Jeju wỳr me hàhtôa ne me to mō, ne ma Jeju wỳr tē, ne cute cahôr prãmte ahna hàhtêp.

⁴⁸ Mã Jeju cumã:

— Xà ca ha ajkī atỳj ipê me Ahàkà cahôr xà ita to kên mã amē? — hane.

⁴⁹ Mã Jeju kôt me ipa catêjê te ita na me hōmpun tohajỹr, ne cute me Jeju mã:

— Me ijō Pahhi, xà wa haitỳj me ijō wapo xwahhihti ita to me kam tē? — hajỹr.

⁵⁰ Mã mehnõa te wapo xwahhihti to Pahpãmmã mehcajrën catêjê jŏ pahhi mã hàpên catê nõ atakam ihtëm, ne cupê hapac jakep, awpôc rûm.

⁵¹ Mã Jeju cumã:

— Ame hajÿr nare! — hane. Necute hapac jakep ita na hũ xir, ne cumã ihcupên, ne cumãto impej pyrentu.

⁵² Jirô pê mã ri Pahpãm mã mehcajrën catêjê jŏ pahhi me, Pahpãm jũrkwa jamãr catêjê me, prohti kam me, cute mehpro. Mã Jeju teme cumã harkwa to:

— Pÿhàpà, xà ajkĩ ipê cute me pahhi jũhhyr na me to ihhimpej catê jŏ pahhina mã, ca me gŏ kôtàre me, me gŏ xwapo xwahhihti itajêto me ipro to me mŏ?

⁵³ Pom wa amcro cunea kam Pahpãm to me amji kam hapac xà jũrkwa kam me acape na apu ipa ita? Ca rÿ jũ caxuw ate me ipro prãm nare. Ne hamre ita kam ri me gŏ amcro, ne me pahcurê xwÿn jŏ amcro, na ca ha atÿj me pahcurê xwÿn jŏ awcapàtkôa kam ame apê — hajÿr.

Pê Petrô Jeju pupun nare na amji to ihhêj

⁵⁴ Ne hamre, cute me Jeju pro, ne ma-cute Pahpãm mã mehcajrën catêjê jŏ pahhi jũrkwawÿr me to mŏ, ne me to hàr. Mã Petrô hapua na Jeju na mehkôt mŏ.

⁵⁵ Mã ikre jarkwa cahê na, carã ata kam cute me cuhôn, ne ipu na amehkrĩ, mã ma Petrô mehWÿr mŏ, ne me cahê na cuhy na hÿr.

⁵⁶ Mã ikre kam hàpên catêjê cahãj nõ atate Petrô pupun, ne xa ne hŏmpun tÿjti, ne cumã:

— Pom jŕ ita pê Jeju na mehkwy nõa ri — hajŕ.

⁵⁷ Mã Petrô cumã:

— Pÿhàpà, pyjê nõ ita, wa nee ite jũm ita jahkre pej nare — hane.

⁵⁸ Ne ahna ahtũmre mã mehkwyã xũmre nõ ita tẽ necumã:

— Apê mehkwy nõa mã ca — hane. Mã Petrô cumã:

— Hũmre nõ ita, nee ipê mehkwy nare, ipê jũmjê itajê jahkre kêatre — hane.

⁵⁹ Ne hamre, ahna ahtũm rya mã mehnõa hŕrmã mõ, necute Petrô mã:

— Ŷhŕ, he ampeaj kam ri cupê mehkwyã nõ mã, pom hanea ne cupê Hĩpõjajo catêjê nõ ita? — hajŕ.

⁶⁰ Mã Petrô amji tẽte apu cumã ihhêj, ne cumã:

— Hãpà, hũmre nõ ita, pom ca apu ampo jarê ita, ipê hahkre kêatre, wa nee ite hahkre pej nare — hane. Ne cormã jŕ ne apu ihcakõc kwya kam mã hõxãhxãc kàr.

⁶¹ Mã ikre kam, hacpŕ ne Jeju Petrô wŕr ipipkjêr nehõmpun tÿjti. Mã cute Jeju te cumã: “Caxwa ita kam, hõxãhxãc kàr xwÿjrea na, ca ha ate ijahkre pej nare na amji to ahêj to incrê” hajŕ na, to amji japackre pyrentu.

⁶² Ne ma hãm ne cator ne mõ. Mãihpahàm te ihcãm xêr pyrentu, mã amrãa to amrã.

Pê krãhtare Jeju cahhy

⁶³ Mã me hũmre ame Jeju jamã atajê ame hũn kêanre, ne amehcahhy.

⁶⁴ Ne mento pro ne mehcukij to:

— Mêr jũm te mã acakwĩn? Harê! — hane.

⁶⁵ Mã hamre, me hũmre itajê ame hapactua kam ame ahnaxwỳ.

Pê Jeju prohti kam me cuna mã xa

⁶⁶ Mã apê, mã cute me amji to cuprôn. Prohti kam me, cute Pahpãm mã mehcajrẽn catêjêjõ pahhi me, me cumã Mojxe xwỳ jõ kàhhôc to hahkre catêjê me, cute me amji to cuprôn. Ne cute me cuprôn jirô pê mã ri cuteme Jeju na hàhwỳr, prohti kam me hipôc ri hãm prãnte. Mã cute me hãm.

⁶⁷ Mã cute mehçukij, ne me cumã:

— Me imã amji jarê, xà apê, por pê Pahpãm Crixto capi ne to awjahkre ata mãca? — hajÿr. Mã Jeju me cumã:

— Ýhÿ, xà wa me amã amji jarê, ca me ikampa ne gõtpe amji mã me ito ahimpej? Hãpà.

⁶⁸ Xà wa hanea ne me acukij, ca ajkĩ me imã ampo jarê? Hãpà.

⁶⁹ Ne hamre, quê ha hãn ne ipê me Ahàkà, Pahpãm carôt catia kam, awpôc rũm, hĩkjê rũm jÿ — hane.

⁷⁰ Mã mehçunea me cumã:

— Pÿhàpà, xà ampeaj kam mã apê Pahpãm kra? — hane. Mã Jeju me cumã:

— Ýhÿ, pom ca me caa ipê Pahpãm kra na me ijarê ita? — hane.

⁷¹ Mã cute mempar ne ajpẽn mã me harkwa to:

— Ýhÿ, ita caxuw cu nee jũ rũm me jũm te harẽn xà kên nõ kam me pajapac prãm nare. Ampo na? Ramã harkwa te harẽn xà kêanre

to harĕn, cu pahte me pajapac jĭa to mempar — hajÿr.

23

Pĕ Jeju Pirat cuna mǎ xa

¹ Mǎ prohti kam mehcunea xām, ne ma Jeju to, por Pirat pĕ Roman jŏ pahhiti jarkwa kŏt krĭ to ihhimpej catĕ ata wÿr me mŏ, ne cuna mǎ cute me hām.

² Ne cute me Jeju kŏt harĕn to me hĕj xi xà kĕanre kam me to ihtĕm, ne me cumǎ:

— Ÿhÿ pahhi Pirat, wa ampo na ite me hŭmre ita pro ne awÿr me to imŏr nare. Wa ite me ijapac jĭa to mempar, mǎ apu Roman catĕjĕ jŏ pahhiti pĕ Xexa jŭhhyr prām. Ne hanea ne, me ikam mare mǎ, quĕ nee pjĕ jahpan xà na me Roman catĕjĕ jŏpahhiti mǎ me hāmjŏr nare na, me to ihcakŏc to ipa. Ne hanea ne apu cupĕ Crixto na amji jarĕ, ne quĕ ha xwahna ihtÿj amji to me ijŏ pahhiti — hajÿr.

³ Mǎ Pirat te Jeju cukij ne cumǎ:

— Xà ajkĭ apĕ Juta catĕjĕ jŏ pahhiti? — hajÿr.
Mǎ Jeju cumǎ:

— Pom ca caa ijarĕ ita? — hane.

⁴ Mǎ Pirat te Pahpām mǎ mehcajrĕn catĕjĕ jŏpahhi me, me hàhtŏa atajĕ mǎ:

— Ampo cwÿrjapĕ wa ihcuran na me cumĕ?
Wa nee ite hŭmre ita kam ampo kĕn pupun nare — hajÿr.

⁵ Mǎ hipĕr Pirat cunaa mǎ, cute me harĕn kammehtĕm ne me harĕn to:

— Krĩ cunea kôt cute ampo to hahkre xà itajê to ajpêncaxuw me irêc to ipa. Hĩpôjajo jŏ pjê kam ricute kam to ihtêm, ne ramã me pajŏ krĩ pêKrĩpinkrêan kam, cute ton kam ihtêm he — hajÿr.

Pê Jeju Heroti cuna mã xa

⁶ Mã Pirat te me kam hapac ne me cumã:

— Pÿhàpà, xãmte hũmre ita pê Hĩpôjajo jŏ pjê catêjê nõ mã? — hajÿr. Mã me cumã:

— Ỹhÿ — hane.

⁷ Mã Pirat te Jeju pê Hĩpôjajo catêjê nõ na hahkre pej, ne ma pahhi Heroti pê Hĩpôjajo jŏ pjê jŏ pahhi mã ihkujahêc. Pê ramã Krĩpinkrên kamHeroti apu mŏ, na pê hÿrmã ihkujate.

⁸ Mã curi me to cator, mã Heroti apu hakry. Ampo na? Cumã Jeju pupun prãm, cwÿrjapê ri apu hakry. Ne rÿ pêa mã hãn ne Heroti Jeju te ampo cunea pihho impejti ton xà atajê na harên pa. Ne rÿ jũ caxuw cute hŏmpun nare, ne cormã cute hŏmpun, cwÿrjapê ri apu hakry. Ne apu Jejucukij, Jeju te kam mare mã cumã ampo pihho pejti ton, mã cute hŏmpun prãmte.

⁹ Ne cute ampo jàhtŏa ne ahna ihcukij, mã nee Jeju tecumã jũ mãn nare, ne aracri cupê xa.

¹⁰ Mã hamre, Pahpãm mã mehcajrên catêjê jŏ pahhime, me cumã Mojxe xwÿ jŏ kàhhôc to hahkre catêjê me, Heroti wÿr me cator, ne Heroti kam mare mã cute me Jeju to mehhêj xi xà kêanre to mehhêj xi kam mehtêm.

¹¹ Mã Heroti jŏ krãhtare atajê cama apu Jeju to hapactu xà kêanre to me hapactu. Ne ame ahna xwÿ, ne pea cute me pahhi kãmã haxàr, ne me

hapactua kam ame to pahhi. Ne pahhi kàimpejti ata mã cute me haxàr, jirô pê mã ri hacpÿa mã cute pahhi Pirat mã mehkujahêc.

¹² Mã hamre, amcro ata kam, Heroti me Pirat te amjito me ikwÿ nõ. Pê mam nee amji to me hõ ikwÿ nõ nare. Pê mam nee me amji cajrën nare, ne ajco me ajpën curê.

Pê Pirat Jeju curan na harkwa

¹³ Mã Pirat te me Pahpãm mã mehcajrën catêjê jõpahhi me, Juta catêjê jõ pahhi me, por curi me hàhtôa ne ahna me xa atajê me, cute me to cuprôn, ne me cumã:

¹⁴ — Pom ca iwÿr me hũmre to mõi, ne ate me imã cutepahhi jũhhyr na harën ata na, ite ramãihcukij, ne nee ite kam ampo kên mã icator ne hõmpun nare, pom ca ampo na ame imã to awjarê atajê na.

¹⁵ Mã hanea ne Heroti te harkwa kên nõ na imparnare, cwÿrjapê ri hacpÿa ne cute imãihkujahêc. Ne nee me anõ kam mare mã hũmre ita te ampo to kên nare. Ne mër ampo cwÿrjapê wa ha ajte ahna me cumê, quê mehcura?

¹⁶ Wa ha cama pryti kà kam wakÿre to ihcahyr na me cumê, quê ha amehcahy, jirô pê mã wa ha ma ihkujate, quê ha tẽ — hajÿr.

¹⁷ Ne me Hakren xà jõ amcroa kam ri cute ampo to me amji pyrác xà ata pê hane he. Pê Pirat hãn ne hõtpê me harkwa kôt me cumã me hacjên catêjê pyxit ne hapôj.

¹⁸ Mã me hàhtôti atajê te me caràr kam mehtêm, ne ame caràr to:

— Me imã hũmre ita tyc na toprãm, ne Parapa mã ca ha me imã hikra — hajÿr.

¹⁹ Ne pê Parapa ata pê apu pahhi jũhhyr prãm, pê hanea neramã jũm ita cura, cwÿrjapê pê me haxà, pê ajco hikwa.

²⁰ Mã hacpÿ ma mã Pirat te me hàhtôa atajê cukij, cute Jeju mã hikran prãmte.

²¹ Mã hipêr mehcunea te me caràr to:

— Pĩ kam me axô, quê ty! Pĩ kam me axô, quê ty! — hajÿr.

²² Mã hamre, Pirat te mehcukij to incrê ita caxuw ri mecumã:

— Nee cute ampo to kên nare, wa ha ajte ihcuran na mecumẽ. Wa ha cama pryti kà to apu ihcahhyr na pit mã me cumẽ, quê ha amehcahhy, wa ha ma cumã hikra, quê ha tẽ — hajÿr.

²³ Hamre, mã kÿj cati pëa mã ame caràr, ne pĩ kam menxôr na awjahkre, me caràar kam. Necute me caràr ita to me Pirat hi kwĩn.

²⁴ Mã Pirat te Jeju curan na me mẽn. Pom pê ahnaa ajco me to prãm ata na ri cute ahna me mẽn.

²⁵ Ne cute Parapa te apu pahhi jũhhyr prãm, ne ramã jũm curan ata mã hikran. Ne me hũhkra mã Jeju jaxàr, quêt taa jũ na me to, por jũ mã cute ame ton prãm xà ata na.

Pê Jeju ma ihcuran xà wÿr mō

²⁶ Mã hamre, ma Jeju to me mō. Ne me to mōr kwÿa kam cute pry kôt me Xiren jō krĩ catêjê nō cajpar, pê haprÿ Ximãw. Pê pur pĩn mō, pê mehcajpa ne mehpro ne pĩhti ata krac ri me haxà, ne ahna me cumã quêt to mō, pê ma Jeju kôt to kwÿ.

27 Mã me hàhtôa ne hapu na Jeju na me hõmpun to memõ. Mã pyjê kwỳ Jeju kôt me mõi atajê ahna amehõmpu, ne cama ame caprĩ ne ame kam amrã.

28 Mã hacpỹ mã me hỹrmã pipkjêr, ne cute me cumãharkwa to:

— Krĩpinkrên jō pyjê itajê, nee ca ikamame acwỳr nare, ne me akra kam ca quêt ame amrã.

29 Ampo na? He quê ha cormã krĩ itajõ amcro kêanre kam ahtwỳ, quê ame garên to:

“Por jũ caxuw pyjê itajê nõ mã ihkra nare, mã nee cute to pijahôr nare, ne nee to ipijapar nare atajê, quê ha ame hakrya to ame hakry” hane.

30 Quê ha jũ caxuw amcro ata kam ahtwỳ, quê ha me hũmre kwỳ me kēnti nõ mã:

“Hã, kēnti ita me ijipyapým” hane.

— Quê ha hanea ne me hũmrekwỳ kēn jawênre atajê mã:

“Me ito amxu” hane.

31 Ỹhỹ, me papê cuhy caxuw pĩ pyrãac, ne pa ri cormã icoti na wa apu amji pupun xà kêanre to amji pupu. Ne me ca nare, ca ha jũ caxuw me acrã, ne ijirôa pê ame amji pupun xà kêanre nõ to ame amji pupu — hane.

Pê pĩ na me Jeju xô ne me ahna xwỳ

³² Ne Jeju kôt me hàhkĩj xi pijakrut ne me to mō, cute mehcuran prāmte.

³³ Ne kēn japrỳ te Corcota ata kôt harēn xà te “Mehkrāhhi jō kēn” ata wỳr me tocatōr. Ne pĩ na cute wakỳti to me Jeju jũhkra me ihparcuhhêc, ne ahna me hām. Ne hanea ne me hàhkĩj xi atajê to cute me hajỳar ne pĩ na me haxôr, ne awpôc rũm me ita xôr, ne awke rũm me ita xôr.

³⁴ Mā Jeju te Hũm Cati mā mehcajrēn to:

— Inxũ Cati, pom ame ito kēnitajê pê ijahkre kêatre, cwỳrjapê ri ame ito hane, na ca ha nee ame kam acryc nare, ne cute me ito kēn ita to tojnō — hajỳr. Mā krāhtare atajête Jeju kà to ame ipicràn, ne kēn te amji pêhũhkàr xà to ihkôt ame amji pê hũhkà, jũm mōrmō quē ha amji pê to ihkà itajê jũhkà.

³⁵ Mā me hàhtôa ne ahna me xa, ne ame hōmpu. Mā me kam mare mā, Juta catêjê jō pahhi kwỳ apu Jeju na xwỳ, ne me cumā:

— Pỳhàpà, pom ca atỳj mehkwyỳ pytār to apa ita? Pom apê Pahpām kra ita, ca mēr pĩ ita pê amji capa ne wrỳ ne amji pytā. Me imā nee apê Pahpām kra nare. Quē ha apê Pahpām kra na mā, ca haatỳj pĩ ita pê wrỳ — hane.

³⁶ Mā hamre, krāhtare catêjê ame ahna xwỳ ne amecumā. Mā mehkwyỳ xwỳjê ame cumān kêanre, ne me hapactua kam ame ahnaxwỳ. Mā krāhtare nōa Jeju wỳr pĩxô cacô xỳre ata totê, ne cute to kam hapac, ne cumā:

³⁷ — Krāa, pom apê Juta catêjê jōpahhi ita, mēr ampo na mā ca pĩ ita pê ate amji caxàr ne awrỳc nare? — hajỳr.

38 Ne Jeju krã incwÿrpê pĩ na ihkàhhôc ajêt ata pê hũjarĕn to hane he: “Cupê Juta Catêjê JŏPahhiti” hane.

39 Mã me hàhkĩj xi pijakrut ne pĩ na Jeju cahê na meajêt atajê nõ apu Jeju mã, ne cumãn to:

— Pÿhàpà, pom apê Crixto ita? Xà ca ha amji pytâr ne amji kôt me ipytâr nare? — hane.

40 Mã me hàhkĩj xi catê nõ Jeju jĩkjê rũm ajêtata apu Jeju cwÿrjapê ihnõ ita kam incryc, ne cumã:

— Pÿhàpà, xà nee amã Pahpãm cupa nare? Ampo na mã ca apu cumã? Pom cu me pancrê itajê cunea me amji pupun xà kêanre to me amji pupu ita?

41 Pahte ri ampo kêanre ton, ne hũmre ita te nee ampo kên ton nare cakrô, ihtÿj me pahcunea kên xà ita mã hàr. Ne pahkên xà ita pê cu ajco amji to hapê, ne hũmre impejti ita pê neeajco amji to kên xà ita japên nare — hane.

42 Ne cute Jeju mã amji jarĕn, ne cumã:

— Jeju, ca ha jũ caxuw Juta catêjê jŏ pahhi na amji to, ne hacpÿ ne ate amji jaxâr xà ata kam, ito amji japackrea ne — hajÿr.

43 Mã Jeju cumã:

— Ÿhÿ, wa ha ampeaj kam amã awjarĕ, ca ha itakam icahê na, pŏr curi mempejti tyccaxwÿn tĩar ame ipa ata ri, cu ha ajwar apu mŏ — hane.

Jeju tyc xà

44-45 Mã Pahpãm to me amji kam hapac xà jũrkwa kamPahpãm jũrkwa caxwÿn me, mehũmre tekjê ata te amji mã ahhyr xà na,

cupêhkà pohti ajêt ata te awryc māmji jipôn, ne ajpên wÿr ihkre.

⁴⁶ Mā hamre, Jeju hipêr kÿj cati pēa mā caràr, ne caràarkam cute Hūm Cati mā harkwa to:

— Inxū Cati, hamre, wa ha ty, neicarō quē ha ma awÿr api — hajÿr. Ne cute amji jarēn jirô pē mā ihtyc.

⁴⁷ Mā Roman catêjê nō pē krāhtare jō pahhi cati ata te Pahpām pej na amji mā harēn, ne taa amji mā:

— Xānte ampeaj kam mā hūmre ita peaj to impej — hajÿr.

⁴⁸ Ne por cute mehtyc xà na me hōmpun xà caxuw me cuprōn atajê te me ita pupun, ne ma ame amji jacjēn, ne me cumā amji kīn nō xàhte, amji jō kôt kam ame amji cahhÿr to me ipa.

⁴⁹ Mā Jeju jō ikwÿ nō catêjê me, pyjê me, porpê Hīpôjajo jō pjêa rūm ajpên ihkôt me mō atajê, ampÿa mā mehcuhhê ne ahna ame hōmpu.

Pê me Jeju jarêt

⁵⁰⁻⁵¹ Pê me hūmre ihnō japrÿ pē Joje, ata pē Krīhkàhti catêjê nō, ne ajco catyt kam ipa. Ne cupê hūmre impejti, cute amji kam hapac xà cunea to, ne ajco Pahpām himpej xàkujahêc xà ata japên to hikaj to ipa. Ne nee cupêmekwÿ, ne Jeju cuna mā harkwa kēn nō to ihcakôc nare, ne catyt kam ahna ihcakôc, ne mehwÿ te amji kam hapac xàkaj na ajco amji kampa.

⁵² Ne ma Pirat jūrkwā wÿr tē, cute Jeju na ihwÿr, nepī pē ihtyc caxàr prāmte.

⁵³ Mā Pirat te cumā hahkre, mā ma tē necute pī pē caxàr. Ne cute cupêhkà jakati impejti ata to

Jeju jĩ cunea cupu, ne ma rỳ jũ caxuw jũm te kẽn kre ita kam amji jarêtnare, ne cormã intuwti ata wỳr to kwỳ, ne cutekam hir, ne ahna to hihê.

⁵⁴ Ne mehkôt xà jō amcro xwỳjrea na pê ita hane.

⁵⁵ Ne por Hĩpôjajo jō pjê rũm, pyjê Jeju kôt me mō atajê teJoje te kẽn kre ata kam Jeju jarêtna me hõmpun.

⁵⁶ Ne ma ikre wỳr cute me amji jacjên ne me mō. Necute me to amji pyrác xà ata kôt, cute me Jeju jĩ cuxwa prãmte ame ampo cacô cuxwati, incoti ita cwỳr, ne ame to ipicacwỳr. Ne nee amcro ata kamhacpỹ mã cute me to amji jacjên nare, necuria amehkôt to ame ipa, mehkôt xà jō amcro atajê kam.

24

Pê Jeju hacpỹa mã ihtĩr

¹ Ne mehkôt xà jō amcro atajê jirô pê mã ri, iràrà na, ma Jeju kre wỳr pyjêatajê ampo cacô atajê to me pra.

² Ne ramã kre na me hàhtêp to pra, neampỹa mã cute me kre pupun. Mã kre jihê xà pê kẽn te kujtipyràcti ata jũm te ramã hihê mẽn, mã hihê mẽn xa.

³ Mã kẽn kre mã me hàr, ne nee cute me Jeju jĩ pupunnare, ne mehkã pictor tu.

⁴ Mã krãa, me hũmre pijakrut nemehkà jakati pràti kam me cuna mã me xa.

⁵ Mã hamre, me hũpate pjê kam ame ipihur. Mã me hũmre itajê te pyjê itajê mã me harkwa to:

— Ampo caxuw mã ca amehcyc cote na ramã hacpỹa mã jũm tĩr ata japê?

⁶ He ramã hacpỹa mã ihtĩr, ne nee ita ri apu mŏr nare, ne por Hĩpŏjajo jŏ pjê kam cute me amã amji jarẽn ata na ca me to amji japackre.

⁷ Pê me amã amji jarẽn to hane he: “Quê ha ihtỳj jũm mehkên catêjê jũhkra mã, ipê me Ahàkà jaxà, quê ha mehkên catêjê pĩna me cuxô. Quê ha ty ne ahna amcro incrê, quê ha hacpỹa mã ihtĩr” — hajỹr.

⁸ Mã pyjê itajê te harkwa to me amji japack-repyrentu.

⁹ Ne ma ikre wỳr me pra ne me cator, ne Jejukôt me ipa catêjê te ôxi atajê me, mehkwy mã, ame awjarẽ.

¹⁰ Ne pyjê itajê pê ame awjarẽ he: Marij Matarkwỳj me, Jowanakwỳj me, Tijac menxi pê Marij me, por pê mehkwyà kwỳ mehkôt me mŏ atajê mã, pê ihtỳj hanea ne ame harẽ.

¹¹ Mã Jeju kôt me ipa catêjê te nee me pyjêatajê te me cumã hũjarẽn xà itajê na me kam hapac nare, ne ihtỳjcute ame hũjarẽn to ame ipa na, amji mã me to hajỹr.

¹² Ne Petrô nare, pê hãm pyrentu ne ma kên kre wỳrajcahu. Ne kên kre ri cator, ne cumã nŏr, ne nee Jeju jĩpupun nare, ne cupêhkà te hĩ cupu, mã cupê cator ata na, ahnaa hakàn pê nŏ. Mã ma hacpỹ mã ikre wỳr cute amji jaxàr ne tê, ne ita to cama apu amji kam hapac to amji mã ipikrar to mŏ.

Pê Mewỳrcacro jŏ krĩ jŏ pry kôt me mŏ

13 Mǎ amcro ata na ma krĩ wên japrý te Mewýrcacro ata wýr Jeju kôt me ipa catêjê pijakrut ne me mō. Pê krĩ wên ita hōtpê Krĩpinkrên pê ampýre mǎ xa, mōrmō pê hýrmārec pyxít ne íhkôt hĩkjê kam pê xa.

14 Ne pry kôt ihtýj Jeju pupun xà kēanre atajê to, ajco amji mǎ me hūjarēn to me mō.

15 Ne cormǎ amji mǎ me hūjarēn to me hàhpan to me mōar kam, mǎ krāa, Jeju me ahna cator ne ma mehkôt mō.

16 Mǎ cute me hōmpun, mǎ jūa mǎ cute amji tēte mehkrā ton, mǎ nee cute me cupê Jeju na me hahkre pej nare.

17 Mǎ me cumǎ:

— Ampo ca pry kôt amji mǎ meharēn to me mō ata? — hane. Mǎ me hàhhuc ne me cumǎamji kīn nare.

18 Mǎ íhnō japrý te Cripa ita cumǎ:

— Pýhàpà, xà ca apyxít peaj ne ajte Krĩpinkrên kamakrĩ, ne nee ate cormǎ amcro incrê cahhur ita kam ampo te hajýr xà ata na hahkre pej nare? — hane.

19 Mǎ Jeju cumǎ:

— Ampo? — hane. Mǎ cumǎ:

— Por Naxare jō krĩ pīn Jeju cator ata pê me pamǎ hūmre pê Pahpām jarkwa to íhcakôc catê. Ne ampeaj kam Pahpām jarkwa to íhcakôc, nehàpên xà to into hihtýj, ne me pamǎ cupê Pahpām to Pahpām.

20 Mǎ ajte Pahpām mǎ mehcajrēn catêjê jō pahhime, me pajō pahhi me, cute me hūhkra mǎ me haxàr, mǎ cute ame to kēanre. Ne cute pīkam

me inxôr, ne hũhkra me ihpar kam me wakÿre cuhhêc, ne toa mehcuran.

²¹ Ne pê wa ajco cute Juta catêjê to amjipytâr na mehcâmjĩ, ne ahna me hikaj. Ne cormã ampo te hajÿr xà ita na amcro incrê peaj.

²² Ne me ikwÿa kam pyjê nõ ma kên kre kam cute me harêt ata wÿr me pra. Ne nee cute hipêr me Jeju jĩ pupun nare. Cwÿrjapê wa me icunea amji mã me to ijapôj to me ipa.

²³ Ne pyjê atajê te me amji jaxâr ne ame imã awjarê, xwahna cute me cõjkwa pĩn Pahpãm jarkwa to memprar catêjê pit pupun. Mã xwahna ramã hacpÿa mã ihtĩr na ame cumã harê.

²⁴ Mã me ikwÿa kwÿ te me hahpan, ne pyjê te me harênxà atajêa na cute me hõmpun, ne nee cute me Jeju jĩ pupun nare — hajÿr.

²⁵ Mã Jeju te me cumã hũjarên to:

— Pÿhàpà, mã ajte ca nee uu ne ame pamã Pahpãm jarkwa to mehcahôc catêjê jarkwa kam me gapac nare.

²⁶ Pê ihtÿj Crixto ata kên na amji pupun to prãm. Ne quê ha cute amji pupun xà kêanre na amji pupun ata jahpan xà na, quê ha mehcunea jirôa pê hàmtâr cati na, hãn ne mehcunea me hahkre pej — hajÿr.

²⁷ Ne cute ihkrãa kam me cumã Mojxe xwÿ jõ kàhhôc rũm cahyt kam ihtêm, ne ihkôt harên, ne ihkôt Pahpãm jarkwa to mehcahôc catêjê cunea jõ kàhhôc kwÿ cahyt par. Ne me cumã, por ampo te ihkàhhôc kam jũmã ton xà atajêa na amji kôt harên partu.

28 Ne krī wên ata na ramã me hàhtêp, ne ramã me cator xàa kam, mã Jeju ma mehhyr ne ihtêm prãm.

29 Mã ma amji na ame huwahi, ne me cumã:

— Atêm nare, ne ita ri me ina ahtwỳ, nãmri ramã pyttu — hane. Mã Jeju me ipijakrut atajê cahê na hàhhuc.

30 Ne me cahê na hỹr, ne cute pãw pyrne to Pahpãm mã hūrên hakryti na amji jarên jirô pê, cute ihcokjêr ne me cumã hõr.

31 Ne cute me cumã hõr me ajkaam mã cormã mehkra kre, mã cute cupê Jeju na me hahkre pej, me ajkaam, mã hãm xà ata kam hamre, ne ma tẽ.

32 Mã ajwar ajpên mã me harê, ne me ajpên mã:

— Pỳhàpà, pry kôt pamã ihkàhhôc krã krutre jarên to mõi ata kam, cu ramã pahna cuhkõnrea kam amji mã tohajỹr pyrentu — hane.

33 Ne me hãm pyrentu, ne ma hacpỹ mã Krĩpinkrên wỳr me pra, ne ihkôt me ipa catêjê kwỳ wỳr me cator, ne ame cumã harê.

34 Mã mehkwy me ipijakrut atajê mã:

— Ampeaj kam ri me pajõ Pahhiti hacpỹa mã ihtĩr! He hanea Petrô te hõmpun! — hane.

35 Mã me ipijakrut itajê te hajỹar ne, por pry kôt cute me hõmpun, ne hanea ne ikre kam me cumãpãw cokjêr na cute me hõmpun ata na, cute me cumãharên.

Pê Jeju ihkôt me ipa catêjê mã amji pê

36 Ne cormã me amji mã harên kwaa kam, mãkraa, mehcote na Jeju cator, ne cute me cumã harkwa to:

— Hàpà, mār me apeaj? Nee ca icupate ame akrihkrit nare — hajÿr.

³⁷ Mā mehcunea pikrar ne mehcunea mā paa to pa. Ampo na? He ihtÿj cute me jŭm carō pupun na ame amji cāmji, na ri ame paa to ame pa.

³⁸ Mā Jeju me cumā:

— Ampo na mā ca ito ame amji mā ajkra, ne ame ahkrihkrit? Ampo na mā ca cormā nee me akrākam amji mā me ito hajÿr nare?

³⁹ Me ijŭhkra pupu, ne me ipar pupu. He ipê Jeju, pa wa. Me icupê ne me ijahkre pej, pom wa ijā xa ita. He me carō jī nare, ne nee mehhi nare — hane.

⁴⁰ Ne cute ita jarēn jirō pē cute me cumāhŭhkra me ihpar jahkre, mā cute ihtÿj me wakÿrete caxwÿr xà xwa kre pupun.

⁴¹ Ne me hakryte ma ajmār cupê Jeju na ame ahna aprā. Ne ihtÿj cormā amji mā me ajkra. Cwÿrjapê ri Jeju te mehcukij ne me cumā:

— Xà ajkī ita ri me apê ampo krēr xāhamreare? Wa ihkwÿ krē, ca ihkur na me ipupu — hajÿr.

⁴² Mā cute me cumā tep xēt nō ita kwÿ.

⁴³ Mā me kam mare mā xa ne cuku.

⁴⁴ Ne me cumā:

— Ne por wa ame acahê naimōr kwÿa kam, amji na ite me amā ampo jarēn atajê teito hajÿr to prām, ata na ri cute ito hajÿr. Por pē Mojxe xwÿ jō kàhhôc me, Tawi xwÿ jō kàhhôc me, mehkwy jō kàhhôc ito hŭjarēn xà to awjarē atajêa na mā, cute ito hajÿr — hane.

⁴⁵ Ne jŭa mã cute mehkrã ton, mã ihtÿj me Pahpãmjarkwa par pejti.

Pê Hŭm Cati Carō Pejti jikaj na, Jeju me cumã harkwa ta

⁴⁶ Mã hacpÿ mã Krĩpinkrên wÿr cute me amji jaxàr ne me cator. Mãhipêr Jeju te curi me cumã amji to ipipê, ne me cumã:

— Por pê Inxŭ Cati jŏ kàhhôc kamito hŭjarên to:

“Quê ha, pê Pahpãm Crixto cator na me amã to awjahkre ata, ihtÿj amji pupun xà kêanre to amji pupu ne ty. Ne amcro incrê kam hacpÿa mã ihtír” hane.

— Ne hanea ne ihkàhhôc ata ito hŭjarên to hane he:

⁴⁷ “Hamre, quê ha cute harkwa jarên xà itajê cunea,
krĩxàre cunea kôt ajcrà.

Ne Krĩpinkrên kam quê ha ipicràn kam tẽ,
quê ha me harkwa itajê cunea jarên pa,
ne me hahkre pej, ne mehkên ton jicu,
ne amji mã me Pahpãm na ahwÿ,
quê hamehkên to tojnŏ ne me to impej” hane.

⁴⁸ — Ne me ca, ate me ijarên pej xà caxuw ca ate me ato jŭa to me ipupun, ampo atajê cunea na.

⁴⁹ Ne me ca, por Inxŭ Cati te ate me ijarên xà caxuw me amã carôt tÿjti to hŭjahkreata, quê ha ihtÿj me amã cugŏ. Nepa wa ha itÿj hanea ne me amã cugŏ, ne ahna me ato ihmpej. Na ca ha

ita ri, Krĩpinkrên kam, me hikaj. Quê ha ita ri cõjkwa pĩn, me amã me acarôt tỳjti ata wry, ca ha me acwa — hane.

Pê Jeju cõjkwa wỳr hàpir

⁵⁰ Ne Jeju te krĩ pê me to cator, ne ma amji kôt Mehkênpupunxà jō krĩ wỳr me tomō, ne curia ri cute mencwỳrpê hũhkra curor, ne cute mehcajrên.

⁵¹ Ne cute mencwỳrpê hũhkra curor me ajkaam, macõjkwa wỳr hàpir to mō.

⁵² Mã ame Jeju pejti na harê, ne maKrĩpinkrên wỳr cute me amji jaxàr.

⁵³ Ne amcro cunea kam, ma Pahpãm to me amji kam hapacxà jũrkwa wỳr me ipa, Pahpãm mã mempejti to mehcakôcprãmte. Hamre.

cxci

PAHPÃM JARKWA CUPAHTI JÕ KÀHHÔC
Canela: PAHPÃM JARKWA CUPAHTI JÕ KÀHHÔC
(Portions)

copyright © 2012 Wycliffe Bible Translators, Inc.

Language: (Canela)

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 1 Oct 2024 from source files
dated 29 Jan 2022

09d4e460-c38b-52b7-81c1-8300bfeb466a